

लैव्यव्यवस्था लैव्यव्यवस्था अनूद कतिब परविय

लैव्यव्यवस्था अन कतिब आ कानुनगोळ देल माळकु आद यारी परमेश्वर मूसा अन माध्यम देल इस्राएलगोळ इक कोटीदुन. ईद कानुन बलदानगोळ इक येरसोर अदकि भेटवाळा तम्बू दा बलदान भेंट अदकि आराम माळदुर नयिम देल संबंघति आद. “लैव्यव्यवस्था” शब्द अनूद मतलब आद लेवीगोळ देल संबंघति, जो इस्राएल इन गोत्र ईरोद यारी परमेश्वर याजक (पुरनगोळ) माळोर अदकि मंदिर इन देख-रेख माळोर साटी नीवळुसदिन. परंपरागत रूप देल वदिवानगोळ्द मानना आद कि लैव्यव्यवस्था अन कतिब अदकि सांगुळ अच पैतेटीक इन दुसरा कतिबगोळ (उत्पत्ति, नरिगमन, गनिती अदकि व्यवस्थाविवरण) भवषियवक्ता मूसा द्वारा लिखिस्कु आगीत. हगि प्रतीत आगतद कि खुद ग्रंथ भी ईत्त संकेत माळतद, यतकी 1:1 दा लिखिस्कु आद कि परमेश्वर ईद मातगोळ मूसा से अंदीदुन. थ्वाळासा वदिवानगोळ्द ईद भी मानना आद कि प्राचीन दस्तावेजगोळ देल संकलति आगकु 5 वा या 6 वा शताब्दी ईसा पूर्व दा बेबीलोन दा तयार माळकु आगीत.

लैव्यव्यवस्था अक दा नाव वाचुसतेव कि परमेश्वर याजकगोळ इक अलग प्रकार इन बलदान येरसोद आदेश कोट्टुन. इऊर दा येनारा बलदान लॉकुर्द पापगोळ साटी येरसकु आगव. अलग बलदान खुद इन इच्छा देल, यावारा गळ्स उक परमेश्वर उन प्रतिप्यार इन कारण येरसकु आगोद. हर स्थिती दा ईद आवश्यक ईरोद कि बलदान शुद्ध अदकि दोषरहित ईरूल, यानी मंळसा अन दी टु सर्वोत्तम ईरूल, ईद

स्पष्ट देल परमेश्वर उन पवत्रिता अक दर्शुसोद. कतिब इन आखरी भाग दा ईद समझुस्कु आग्याद कर् ईस्राएली अदकि याजक ह्यांग शुद्ध ईर सकतार ईद बाक ह्यांग अशुद्धता देल शुद्ध आग सकतद. ई कतिब इन मुख्य वषिय ईद आद कर् परमेश्वर पवत्रि आन, अदकि ई कतिब दा कोटकु नयिमगोळ्द पालन माळकु ईस्राएली परमेश्वर उन उपस्थिति दा ईर सकोर.
रूप-रेखा :

1. अलग अलग प्रकार इन बलदान येरसोद आदेश कोटकु आग्याद. 1-7
2. हाऊन अदकि आऊन पारगोळी याजक नविळुसोद बारा दा वर्णन आद. 8-10
3. शुद्ध अदकि अशुद्ध भोजन या बमिरीगोळ बारा दा वधीगोळ कोटकु आग्याव. 11-16
4. भोजन, हाब्व, नैतिक व्यवहार अदकि आराम वर्षगोळ बारा दा अलग अलग येनारा आदेश हेळकु आग्याद. 17-27

होमबली इन वधी

¹ आग यहोवा मूसा अक कारूकु भेटवाळा तम्बू दा टु आऊन से अंदुन,

² ईस्राएलगोळ सांगुळ मातगोळ माळ अदकि आंदुर से ईद अन,

याग नीम दा टु यावारा मंळसा यहोवा अन्द साटी बलदान तूल रा आव पालसद पशु ईला रा म्यांडा मरगोळ दा टु उच तनकु येरसुल.

³ अगर आऊन चढावा पालसद पशु दा टु होमबली आगुल रा आव दोषरहति नर इक येरसुल. आव अदरी भेटमाळोद तम्बू उन दरवाजा मा येरसुल कर् अद खुद यहोवा अन्द मुंद ग्रहण लायक ठहरसुल.

4 आव तान कय होमबली इन पशु उन ताल्ला मा ईटुल, अदकि अद आंदुर साटी प्रायश्चति माळोर साटी ग्रहण माळकु आदीत.

5 आग आव आ वासरू उक यहोवा अनंद मुंद बली येरसुल, अदकि हारून उन पार जो याजक आन आंदुर रक्त इक हात्ती ओतकु आ वेदी इन नाकु दी सपिसुल जो भेंटमाळोद तम्बू उन दरवाजा मा आद.

6 आग आव आ होमबली इन पशु उन तोगुल तेगुकु आ पशु उन तुकळा-तुकळा माळ बुळुल.

7 आग हारून याजक उन पार वेदी मा बेक्की ईटुल, अदकि बेक्की मा हुळ्ली रचस्कु ईटुल.

8 अदकि हारून उन पार जो याजक आन अऊर ताल्ला अदकि न्याण सांगुळ पशु उन तुकळागोळी आ हुळ्ली मा जो वेदी इन बेक्की मा आद रचस्कु ईटुल,

9 अदकि आव अदुरद कळलपच्चीगोळी अदकि कालगोळी नीर देल तोळुल. आग याजक ईव सप्पा अक होमबली माळकु वेदी मा होताकुल क अद होमबली यहोवा अन साटी सुखदायक सुगन्धति बलदान ठहरसुल.

10 “अगर आव म्यांडागोळ या व्हातगोळी होमबली येरसुल रा तंदरूस्त नर उक येरसुल;

11 अदकि आव अदरी वेदी इन उत्तरी दशा दी यहोवा अन मुंद बली माळुल अदकि हारून उन पार जो याजक आन अदुरद रक्त इक वेदी इन नाकु दी सपिसुल.

12 अदकि आव अदरी तुकळा-तुकळा माळुल, ताल्ला अदकि न्याण इक अलग माळुल, अदकि याजक ईव सप्पा चीज इक आ हुळ्ली मा रचकु ईटुल जो वेदी इन बेक्की मा ईत्तीत;

13 अदकि आव अदुरद कळलपच्चीगोळी अदकि कालगोळी नीर देल तोळुल. अदकि याजक सप्पा चीज इक हात्ती वोतकु वेदी मा होताकुल क अद होमबली आगुल अदकि यहोवा अनंद साटी सुखदायक सुगन्धवाळा बलदान ठहरसुल.”

14 “अगर आव यहोवा अन्द साटी पक्षीगोळ्द होमबली येरसुल, रा पंडुका या कबूतर इन पाङ्गोळ्द चढावा येरसुल.”

15 याजक अदरी वेदी इन हात्ती वतकु अऊरव कुतक्या मुरकुळ्सकु ताल्ला अक धळ देल अलग माळुल, अदकि वेदी मा होताकुल; अदकि अदुर पुरा रकत आ वेदी इन बाजु मा केडुकु आगुल;

16 अदकि आव कुतक्या-थैली अदकि पक्कागोळी तेगुकु वेदी इन पूरव दी राख हाक्कोद जागा मा भीट बुळुल.

17 आग आव येदु पक्कागोळी हुडुकु अदरी बीच दा टु हरूल, लेकीन अदरी अलग-अलग माळबाळुल. आग याजक अदरी वेदी मा आ हुळ्ली इन म्याकुच ईटकु जो बेक्की मा ईत्तीत होताकुल कि अद होमबली अदकि यहोवा अन्द साटी सुखदायक सुगन्धवाळा बलदान ठहरूसुल.

2

अन्नभेट इन वधी

1 याग यावारा यहोवा अन्द साटी अन्नभेट इन चढावा येरसोद चाहसुल, रा आव मैदा येरसुल; अदकि अदुर मा याण्णा हाक्कु अदुर म्याकुच लुबान ईटुल;

2 अदकि आव अदरी हारून इन पारगोळ हात्ती जो याजक आन तरूल. अदकि अन्नभेट इन याण्णा मलिसुद मैदा दा टु ई तरीका देल तान ठवामा तुमकु तेगुल कि सपपा लुबान अदुर दा होट बरूल; अदकि याजक आंदरी याद दलिसोद भाग इन साटी वेदी मा होमबली होताकुल कि ईद यहोवा अन्द साटी सुखदायक सुगन्धति भेंट ठहरूसुल.

3 अदकि अन्नभेट दा टु जो मक्कि ईरूल अद हारून अदकि आऊन पारगोळ्द ठहरूसुल; ईद यहोवा अन्द होमबली दा टु परम पवतिर भाग आदीत.

4 “याग नी अनन्भेट इन साटी तंदुर दा कासकु चढावा येरस्या, रा अद याण्णा दा मलिस्कु अखमीरी मैदा अन्द फुलका, या याण्णा दा चोपळुस्कु अखमीरी रोटीगोळ्द ईरूल.”

5 अदकि अगर नीन चढावा तावा मा कासकु अनन्भेट ईरूल, रा अद याण्णा देल मलिस्कु अखमीरी मैदा अन्द ईरूल;

6 अदरी तुकळा-तुकळा माळकु अदुर मा याण्णा हाकेत, आग अद अनन्भेट आगेदीत.

7 अदकि ईद नींद चढावा कळाई दा ताळस्कु अनन्भेट ईरूल, रा अद मैदा देल याण्णा दा माळकु आगुल.

8 अदकि जो अनन्भेट इन ई वस्तुगोळ दा टु यारदारा माळकु ईरूल अदरी यहोवा अन्द मुंद ओईल; अदकि याग अद याजक उन हात्ती तंदकु आगुल, आग याजक अदरी वेदी इन मुंद ओईल.

9 अदकि याजक अनन्भेट दा टु याद तोरसोर भाग इक तेगुक् होमबली मा होताकुल कि अद यहोवा अन्द साटी सुखदायक सुगन्धवाळा भेट ठहरूसुल;

10 अदकि अनन्बली दा टु जो मक्कि ईरूल अद हारून अदकि आऊन पारगोळ्द ठहरूसुल; अद यहोवा अन्द होमबली दा परम पवतिर भाग आदीत.

11 “यातोदारा भी अनन्भेट यदरी नीव यहोवा अन्द साटी येरसी खमीर मलिस्कु माळकु आगबाळुल; नीव यागलु होमबली दा यहोवा अन्द साटी खमीर अदकि शयद होताक बाळेतीर.”

12 नीव इंदरी पयला उपज इन चढावा बनुस्कु यहोवा अन्द साटी येरसेतीर, लेकीन अव सुखदायक सुगन्ध इन साटी वेदी मा येरस्कु आगबाळुल.

13 बाक तान सप्पा अनन्भेटगोळ इक नमकीन माळेतीर; अदकि तान यातोदारा भी अनन्भेट इक तान परमेश्वर उन सांगुळ वादा अन्द ऊप्प देल नमकीन आगगोळ बाळेतीर; तान सप्पा चढावागोळ्द सांगुळ ऊप्प भी येरसेतीर.

14 “अगर नी यहोवा अन्द साटी पयला उपज इन अननभेट येरस्या, रा तान पयला उपज इन अननभेट इन साटी बेक्की दा सुटकु हविरा-हविरा लॉम्बागोळी, मतलब हविरा-हविरा लॉम्बागोळी सुटकु मसलुस कोमेत, आग अनाज इक येरसेत.

15 अदकि अदुर दा याण्णा हाकेत, अदकि अदुर म्याकुच लुबान ईटेत; आग अद अननभेट आगेदीत.

16 अदकि याजक सुटकु तेगद अनन अक, अदकि याण्णा अक, अदकि पुरा लुबान इक याद तोरसोद भाग माळकु होताक बुळुल; अद यहोवा अन्द साटी होमबली इन बेक्की ठहरसुल.

3

मेल-मलिाप बलदिन इन वधी

1 “अगर आऊन चढावा मेल-मलिाप इन आगुल, अदकि अगर आव पालसुद पशु दा टु यारीकारा येरसुल, रा बाक अद पशु नर आगुल या मादा, लेकीन जो तंदरसुत ईरूल अदरी का आव यहोवा अन्द मुंद येरसुल.

2 अदकि आव तान कय तान चढावा अन्द पशु उन ताल्ला मा ईट्टुल अदकि अदरी भेंटमाळोद तम्बू उन दरवाजा मा बली कोळुल; अदकि हारून उन पार जो याजक आन आंदुर आऊन रकत इक वेदी इन नाकु दी सपिसुल.

3 आव मेल-मलिाप दा टु यहोवा अन्द साटी होमबली इन बेक्की मा हाकुल, मतलब या न्याणद देल कळलपच्चीगोळ ढाक्सकु ईरताव, अदकि जो न्याण अदुरदा गुंळ्सकु ईरतद अद भी,

4 अदकि येदुदु फॉफसागोळ अदकि अदुर म्याकुच इन न्याण जो नेळु उन हात्ती ईरतद, अदकि फॉफसा अन सांगुळ ईरग्या अन्द म्याकुच इन परत, ईव सपपा अक आव अलग माळुल.

5 आग हारून इन पार इदरी वेदी मा आ होमबली इन म्याकुच होताकुल, जो आ हुळ्लीगोळ मा ईत्तीत जो बेक्की इन म्याकुच

आद, की ईद यहोवा अन्द साटी सुखदायक सुगन्धवाळा भेंट ठहरूसुल.

6 “अगर यहोवा अन्द मेल-मलाप बलदान इन साटी चढावा पालसुद पशु दा टु ईरूल, रा चाहे अद नर आगुल या मादा, लेकीन जो तंदरूस्त ईरूल अदरी का आव येरसुल.

7 अगर आव म्यांडा अन्द पाड्डा येरसतान, रा अदरी यहोवा अन्द मुंद येरसुल,

8 अदकि आव तान चढावा अन्द पशु उन ताल्ला मा कय ईटुल अदकि अदरी भेंटमाळावाळा तम्बु उन मुंद बली कोळुल; अदकि हारून उन पार अदुर रकत इक वेदी इन नाकु दी सपिसुल.

9 आग मेलबली इक यहोवा अन्द साटी बेक्की इन होमबली मा हाकुल, अदकि अदुर न्याण तुमकु धोळ पुसटी अद रीद इन हात्ती टु अलग माळुल, अदकि या न्याण देल कळलपच्चीगोळ ढाक्सकु ईरताव, अदकि जो न्याण अदुरदा गुळ्सकु ईरतद,

10 अदकि येढढु फाँफसागोळ, अदकि जो न्याण अदुर म्याकुच नेळु उन हात्ती ईरतद, अदकि फाँफसागोळ सांगुळ ईरग्या अन म्याकुच इन झलिली, ईव सप्पा चीज इक आव अलग माळुल.

11 अदकि याजक इदरी होमबली मा होताकुल; ईद यहोवा अन्द साटी भेंट रूपी ऊमोद ठहरूसुल.

12 “अगर आव मर्री येरसुल, रा अदरी यहोवा अन्द मुंद येरसुल.

13 अदकि आव तान कय अदुर ताल्ला मा ईटुल, मात्त अदरी भेंटमाळोद तम्बू उन मुंद बली कोळुल; अदकि हारून उन पार अदुर रकत इक वेदी इन नाकु दी सपिसुल.

14 आग आव अदुर दा टु तान चढावा यहोवा अन्द साटी बेक्की इन होमबली मा येरसुल, अदकि या न्याण देल कळलपच्चीगोळ ढाक्सकु ईरताव, अदकि जो न्याण अदुरदा गुळ्सकु ईरतद अद भी,

15 अदकि येदुदु फॉफसागोळ अदकि जो न्याण अदुर म्याकुच नेळु उन हात्ती ईरतद, अदकि फॉफसागोळ सांगुळ ईरग्या अन्द म्याकुच इन परत, ईव सप्पा चजि इक आव अलग माळुल.

16 अदकि याजक इदरी होमबली मा होताकुल; ईद भेंट रूपी ऊमोद हुन जो सुखदायक सुगन्ध इन साटी ईरतद; यतकी पुरा न्याण यहोवा अन हुन.

17 ईद नीम ईरा जागा दा नीम पीढी-पीढी इन साटी हमेशा अन्द वधी ठहरूसीत की नीव न्याण अदकि रक्त यागलु तनिबाळी.”

4

पापबली इन वधी

1 बाक यहोवा मूसा से अंदुन,

2 “इस्राएलगोळ से ईद अन की अगर यावारा मंळसा आ क्याल्सागोळ दा टु यदरी यहोवा मना माळीदुन, यातोदारा क्याल्सा अक भूल देल माळकु पापी आगेगुल; अदकि इंदुर दा टु यावारा ऊंद मंळसा माळ्यान.”

3 अदकि अभषिति याजक हगि पाप माळुल, अदुर देल प्रजा दोषी ठहरूसुल, रा तान पाप इन कारण आव ऊंद हारोद वस्ता अक यहोवा अन्द पापबली माळकु येरसुल.

4 आव आ हारोद वस्ता अक भेंटमाळोद तम्बू उन दरवाजा मा यहोवा अन्द मुंद ओतकु अदुर ताल्ला मा कय ईटुल, अदकि आ हारोद वस्ता अक यहोवा अन मुंद बली कोळुल.

5 अदकि अभषिति याजक हारोद वस्ता अन्द रक्त दा टु येनारा ओतकु भेंटमाळोद तम्बू दा ओईल;

6 अदकि याजक तान बेल्ल रक्त दा नेनाक-नेनाक्कु अदकि अदुर दा टु येनारा ओतकु पवतिर जागा अन्द न्याड्यावाळा परदा अन्द मुंद यहोवा अन मुंद येळ घन सपिसुल.

7 अदकि याजक आ रकत दा टु येनारा मात्त हुळकु सुगन्धति धूप इन वेदी इन सींगगोळ मा जो भेंटमाळोद तम्बू दा आद यहोवा अन्द मुंद हचदुर; बाक वस्ता अन्द सप्पा रकत इक वेदी इन पायवा मा होमबली इन वेदी जो भेंट माळोद तम्बू उन दरवाजा मा आद हाक्क बुट्टुर.

8 बाक आव पापबली इन वस्ता अन्द सप्पा न्याण इक अदुर दा टु अलग माळुल, मतलब या न्याण देल कळ्लपच्चीगोळ झाकसकु ईरताव, अदकि याट न्याण अदुरदा गुळ्सकु आगतद,

9 अदकि येदुदु फॉफसागोळ अदकि अदुर म्याकुच इन न्याण जो नेळु उन हात्ती ईरतद, अदकि फॉफसागोळ सांगुळ ईरग्या अन्द म्याकुच इन परत, ईव सप्पा चजि इक हगि अलग माळुल,

10 ह्यांग मेल-मलिप इन चढावा अन वस्ता से अलग माळकु आगताव, अदकि याजक ईदरी होमबली इन वेदी मा होताकुल.

11 लेकीन आ पाड्डा अन्द तोगुल, काल, ताल्ला, कळ्लपच्चीगोळ, सेगळी,

12 अदकि पुरा मास, मतलब पुरा वस्ता छावनी से व्हार्या शुद्ध जागा मा, यल राख हाक्कु आदीत, ओतकु हुळ्लीगोळ मा ईटकु बेक्की देल होताकुल; यल राख हाक्कु आगतद अद अल्या होताक्कु आगुल.

13 “अगर इस्राएल इन पुरा मंडली अग्यानता अन कारण पाप माळुल अदकि अद मात मंडली इन कण्णगोळ देल होचकु आद, अदकि आंदुर यहोवा अन्द यातोदु आग्या अन खलिप येनारा माळकु दोषी ठहरूस्यार.”

14 रा याग आंदुरद माळद पाप प्रगट आगुल आग मंडली ऊंद वस्ता अक पापबली माळकु येरसुल. आव अदरी भेंटमाळोद तम्बू उन मुंद ओईल,

15 अदकि मंडली इन स्याणा हाळावाट्टुर तान-तान कयगोळी यहोवा अन्द मुंद वस्ता अन ताल्ला मा ईटुल, अदकि आ वस्ता

यहोवा अनन्द मुंद बली माळकु आगुल.

16 आग अभषिकित याजक वस्ता अनन्द रक्त दा टु थ्वाळासा भेटवाळा तम्बु दा ओईल;

17 अदकि याजक तान बेळल रक्त दा नेनाक-नेनाक्कु अदरी न्याड्यावाळा परदा अनन्द मुंद येळ घन यहोवा अनन्द मुंद सपिसुल.

18 अदकि अदा रक्त दा टु वेदी इन सींगगोळ मा जो यहोवा अनन्द मुंद भेंट माळोद तम्बू दा आद हचुल; अदकि मकिद सप्पा रक्त होमबली इन वेदी इन पायवा मा जो भेंटमाळोद तम्बू उन दरवाजा मा आद हाक्क बुळुल.

19 अदकि याजक वस्ता अन सप्पा न्याण तेगुक्कु वेदी मा होताकुल.

20 ह्यांग पापबली इन वस्ता अनन्द सांगुळ माळीद हांग अच ईदुर सांगुळ भी माळुल; ई प्रकार याजक इस्राएलीगोळ साटी प्रायश्चति माळुल, आग आंदुर पाप माफ माळकु आदव.

21 अदकि आ वस्ता अक छावनी टु व्हार्या ओतकु हांग अच होताकुल ह्यांग पयले वस्ता अक होताकीद; ईद रा मंडली इन नमित्त पापबली ठहूसीत.

22 “याग यावारा प्रधान गंळस पाप माळुल, मतलब तान परमेश्वर यहोवा अनन्द यातोदारा भी आग्या अनन्द खलिाप भूल देल येनारा माळकु दोषी आगेगुल,

23 अदकि आऊन पाप आऊन मा प्रगट आगेगुल, रा आव ऊंद तंदरूस्त व्हात बलदान माळोर साटी तरूल;

24 अदकि व्हात इन ताल्ला मा तान कय ईटुल, अदकि व्हात इक आ जागा मा बली माळुल यल होमबली पशु यहोवा अनन्द मुंद बली माळकु आगताव; ईद पापबली ठहूसीत.”

25 आग याजक तान बेळलगोळ देल पापबली पशु उन रक्त दा टु थ्वाळासा ताकोमकु होमबली इन वेदी इन सींगगोळ मा हचुल, अदकि अदुरद रक्त होमबली इन वेदी इन पायवा मा पलटुस

बुळुल.

26 अदकि आव अदुरद पुरा न्याण इक मेलबली इन न्याण इन घाई वेदी मा होताकुल; अदकि याजक आऊन पाप इन बारा दा प्रायश्चति माळुल, आग आव माफ माळकु आदान.

27 “अगर साधारण लॉकुर दा टु यावारा अग्यानता देल पाप माळुल, मतलब यातोदारा हगि क्याल्सा यदरी यहोवा मना माळीदान अदरी माळकु दोषी ठहरूसुल, अदकि आऊन अद पाप आऊन मा प्रगट आगेगुल,

28 रा आव आ पाप इन कारण ऊंद तंदरूस्त मर्री बलदान माळोर साटी तरूल;

29 अदकि आव तान कय पापबली पशु उन ताल्ला मा ईटुल, अदकि होमबली इन जागा मा पापबलि पशु उन बलदान माळुल.”

30 अदकि याजक अदुर रक्त दा टु तान बेळल देल थ्वाळासा ताकोमकु होमबली इन वेदी इन सींगगोळ मा हचुल, अदकि अदुर सप्पा रक्त इक अदा वेदी इन पायवा मा पलटुस बुळुल.

31 अदकि आव अदुरद सप्पा न्याण इक मेलबली पशु उन घाई अलग माळुल, आग याजक आऊक वेदी मा यहोवा अन्द नमितित सुखदायक सुगन्ध इन साटी होताकुल; अदकि ई प्रकार याजक आऊन साटी प्रायश्चति माळुल, आग आऊक माफी सकिकीत.

32 “अगर आव पापबली इन साटी ऊंद म्यांडा अन्द पाड्डा तरूल, रा अद तंदरूस्त मादा ईरूल,

33 अदकि आव तान कय पापबली पशु उन ताल्ला मा ईटुल, अदकि अदरी पापबलि इन साटी अल्या बलदान माळुल यल होमबली पशु बली माळकु आगताव.”

34 आग याजक तान बेळलगोळ देल पापबली इन रक्त दा टु थ्वाळासा ताकोमकु होमबली इन वेदी इन सींगगोळ मा हचुल,

अदकि अदुर्द सप्पा रकत इक वेदी इन पायवा मा पलटुस बुळुल.

35 अदकि आव अदुर्द सप्पा न्याण इक मेलबलीवाळा मेमना अन्द न्याण इन घाई अलग माळुल, अदकि याजक अदरी होमबली मा यहोवा अन्द चढावागोळ्द म्याकुच होताकुल; अदकि ई प्रकार याजक आऊन पाप साटी प्रायश्चिति माळुल, अदकि आव माफ माळकु आदान.

5

पापबली इन कारण

1 “अगर यावारा गवाह आगकु हगि पाप माळुल की करिया तनिसकु केळकु भी की येन नी ईद केळ्द अथवा जान्सत्या, अदकि अद मात प्रगट माळबाळुल, रा आऊक तान दोष इन भार नेगोद बदिदीत.”

2 अथवा अगर यावारा यातोदारा अशुद्ध वस्तु उक अग्यानता देल मुट्ट बुळुल, रा चाहे आव अशुद्ध जंगली पशु उक, चाहे अशुद्ध घरेलु पशु उक, चाहे अशुद्ध रेंगसावाळा जीव-जन्तु उन लाश आगुल, रा आव अशुद्ध आगकु दोषी ठहरूस्यान.

3 अथवा अगर यावारा मळसा यातोदारा अशुद्ध वस्तु उक अग्यानता देल मुट्ट कोमुल, चाहे अद अशुद्ध वस्तु यातोदारा भी प्रकार इन यती आगबाळुल यदुर देल लॉकुर अशुद्ध आगेगतार रा याग आव आ मात इक जान्स कौडान आग आव दोषी ठहरूस्यान.

4 अगर यावारा बुरा या भला माळली इक बनिा सोच सम्सकु करिया तदान, चाहे यातोदारा प्रकार इन मात दा आ मळसा बनिा सोच बचार देल करिया तनिकु अनुल, रा हगि मात दा आव दोषी आ घळी दा ठहरूस्यान याग आऊक मालूम आगेदीत.

5 आग आव ई मातगोळ दा टु यातोदारा भी मात दा दोषी ईरूल, आग या वषिय दा आव पाप माळीदान आव अदरी मान्स कोमुल,

6 अदकि आव यहोवा अन्द मुंद तान दोषबली तरूल, मतलब आ पाप इन कारण आव ऊंद मादा म्यांडा या मर्री पापबली माळोर साटी तरूल; आग याजक आ पाप इन बारा दा आऊन साटी प्रायश्चति माळुल.

7 “अगर आऊक म्यांडा या मर्री कोळोद सामर्थ्य ईला ईतीदाद, रा तान पाप इन कारण येदद पंडुक या कबूतर इन पाइडा दोषबली येरसोर साटी यहोवा अन्द हात्ती तरूल, अदुर दा टु ऊंद रा पापबली इन साटी अदकि दुसरा होमबली इन साटी.

8 आव अवरी याजक उन हात्ती तरूल, अदकि याजक पापबली माळकु आत अदरी पयले येरसुल, अदकि अदुरद ताल्ला कुतक्या टु मुरकुळस बुळुल, पर अलग माळबाळुल,

9 अदकि आव पापबली पशु उन रकत दा टु येनारा तरी वेदी इन बाजु मा सपिसुल, अदकि जो रकत मक्कि ईरूल अद वेदी इन पायवा मा हाक्कु आगुल; आव रा पापबली ठहरूस्यान.

10 आग दुसरा पक्षी अक अद नयिम इन अनुसार होमबली माळुल, अदकि याजक आऊन पाप इन प्रायश्चति माळुल, अदकि आग आव माफ माळकु आदान.

11 “अगर आव येदद पंडुक या कबूतर इन येदद पाइडा भी कोळ ईला सकुल, रा आव तान पाप इन कारण तान चढ़ावा एपा* अन्द हतवा भाग मैदा पापबली माळकु तरूल; अदुर मा न रा आव याण्णा हाकुल, अदकि न लुबान ईट्टुल यतकी अद पापबली आदीत.

12 आव अदरी याजक उन हात्ती तरूल, अदकि याजक अदुर दा टु तान ठ्वामा तीम याद तोरसोद भाग जान्सकु होमबली मा यहोवा अन्द बेक्कीगोळ्द म्याकुच होताकुल; अद रा पापबली ठहरूसीत.

13 अदकि ई मातगोळ दा टु यातोदारा भी मात इन बारा दा जो यावारा पाप माळुल, याजक आऊन प्रायश्चति माळुल, अदकि

* 5:11 5:11 ऊंद कल्लो ग्राम मैदा

आग अद पाप माफ माळकु आदीत. अदकि ई पापबली इन मक्कि अनुनबली इन मक्कि मैदा याजक उन ठहरूसीत.”

दोषबली

14 बाक यहोवा मूसा अक ईद आदेश कोट्टुन,

15 “ अगर यावारा मळसा वशिवासघात माळुल अदकि अनजाना दा यहोवा अन्द पवतिर वस्तुगोळद संदर्भ दा पाप माळुल, रा आव तान द्वारा माळकु वशिवासघात इन साटी यहोवा अन्द मुंद दोषबली इन रूप दा म्यांडा दा टु ऊंद तंदरूस्त म्यांडा भेट माळुल, अदुर कमित पवतिर जागा अन्द शेकेल† इन अनुसार बेळल तीम ईरूल, ईद दोषबली हुंद.

16 आव या पवतिर वस्तु उन बारा दा पाप माळदुन, अदुर साटी आव नुकसान इन भरपाई माळुल. आव इदुर दा इदुरद पाचवा भाग इक जोळ्सकु याजक उक सौप्स बुळुल. याजक दोषबली इन म्यांडा अन्द सांगुळ आऊन साटी प्रायश्चति माळुल अदकि आऊन ईद पाप माफ माळकु आदीत.

17 “अगर यावारा मळसा पाप माळतान अदकि यावारा भी अद क्वाल्सा माळतान, जो यहोवा अन्द दी टु मना माळकु आग्याद, अगर आव इदुर देल अनजान आन, तौभी आव दोषी आन अदकि तान दण्ड इन भार नेगदान.

18 बाक आव दोषबली इन साटी म्यांडा दा टु उचित कमित इन ऊंद तंदरूस्त म्यांडा तरूल क्वा याजक आ मळसा अन्द द्वारा माळकु आ वशिवासघात इन साटी, जो आव अनजाना दा माळीदुन, प्रायश्चति माळुल, अदकि आऊन ईद वशिवासघात माफ माळकु आदीत.

19 ईद ऊंद दोषबली हुंद; बनिा संकोच आव यहोवा अन्द नजर दा दोषी ईरोन.”

† 5:15 5:15 लगभग 12 ग्राम

6

¹ बाक यहोवा मूसा अक अंदुन,

² यहोवा अन्द वरूद्ध अगर यावारा मंळसा पाप माळकु वशिवासघात माळुल या तान मान्ना हातळोर मंळसा अन्द द्वारा सौप्सकु आग्याद धन-दौलत या अदुर्द देखभाल इन बारा दा आऊन से छल माळुल या आऊक लुटसुल या तान मान्ना हातळोर मंळसा अक सतुसुल,

³ या आऊक यातोदारा काळ्दकु वस्तु प्राप्त आगुल अदकि आव इदुर बारा दा ख्वाटा माताळकु ख्वाटा करिया तनुिल, आग इदुर दा टु यातोद भी क्याल्सा माळोद द्वारा मंळसा पापी ठहरूसतार;

⁴ “रा याग आव हगि क्याल्सा माळकु दोषी आगेगुल, आग जो भी वस्तु आव लुट्सुन, या अत्याचार माळकु, या धन-दौलत, या काळ्द चजि जो आऊक सकित;

⁵ यातोदारा वस्तु यती आगबाळुल यदुर बारा दा आव ख्वाटा करिया तदिदान; रा आव अदरी पूरा-पूरा वापस माळबुळुल, अदकि पाचवा भाग भी वाळुसकु तुम्म बुळुल, या दशिी ईद मालुम आगुल क आव दोषी आन, अदा दशिी आ वस्तु यार्द हुन आऊक वापस माळबुळुल.

⁶ अदकि आव यहोवा अन्द मुंद तांद दोषबली भी तरूल, मतलब ऊंद तंदरूसत म्यांडा दोषबली इन साटी याजक उन हात्ती तरूल, अद आटा कमित इन ईरूल यास याजक ठहरूसुल.

⁷ ई प्रकार याजक आऊन साटी यहोवा अन्द मुंद प्रायश्चति माळुल, अदकि या क्याल्सा अक माळकु आव दोषी आगेग्यान अदुर्द माफी आऊक सकिकीत.”

अलग-अलग बलदानगोळ्द वधी

होमबली

⁸ बाक यहोवा मूसा से अंदुन,

9 “हारून अदकि आऊन पारगोळ इक आग्या कोटकु ईद अन कऱि होमबली इन वधी ईद हुनः होमबली पूरा ईळलक टु हुळकु व्हातुर ताका वेदी इन बेक्की वेदी मा होततेला ईरूल.

10 याजक तान सन इन कपळा अदकि तान मय मा मलमल इन जंग्या हाकुल; अद वेदी इन राख, जो बेक्की द्वारा होत्ताकु आगीत, नेगुल अदकि अदरी वेदी इन ऊंद बाजु दा ईट बुळुल.

11 इदुर बाददा आव तान ईव कपळा तेगुकु दुसरा कपळा हाकुल अदकि राख इक छावनी इन व्हार्या ऊंद शुद्ध जागा मा वोईल.

12 वेदी मा बेक्की होततेला ईरूल. ईद नून बाळुल, लेकीन याजक इदुर मा हर रोज हुळली ईटुल; इदुर मा होमबली इक ईट्टुल अदकि इदुर मा मेलबली इन न्याणद वाळा भाग इक बेक्की दा होताकतेला ईरी.

13 वेदी मा बेक्की लगातार होततेला ईरूल. ईद नून बाळुल.

अन्नभेट

14 “अन्नभेट येरसोर साटी ईद वधी आद हारून उन पार इदरी यहोवा अन्द साटी वेदी इन मुंद पेश माळुल.

15 अदुर दा टु ऊंद याजक ई अन्नभेट दा टु ऊंद ट्वामा तीम हीट, याण्णा अदकि ईदुर मा ईटकु पुरा लुबान इक ताकोमुल अदकि इदरी वेदी इन बेक्की दा होताकुल. ईद यहोवा अक याद बली इन साटी भेट माळ्द सुखदायक सुगन्ध हुंद.

16 इदुर दा टु जो भाग मक्किल, हारून अदकि आऊन पार आऊन इस्तेमाल माळुल. इदुर इस्तेमाल पवतिर जागा दा बनिा खमीर इन रोट्टी इन रूप दा माळकु आगुल; आंदरी भेटमाळोद तम्बू उन आंगुळ दा अच तनिल.

17 इदरी खमीर इन सांगुळ कासकु आगबाळुल; ना इदरी आंदुर भाग इन रूप दा तान होमबली दा टु प्रदान माळदुन, ईद पापबली अदकि दोषबली इन घाई परम पवतिर आद.

18 हाहून उन पारगोळ दा टु हर ऊंद पार इदरी तीनुल; यहोवा अक भेट माळ्द होमबली गोळ दा टु नीम्द पीदीगोळ साटी ईद हमेशा अन्द वधी हुंद. जो यावारा ई बलगोळ इक मुट्यान, आव तान-ताना पवतिर आगेदान.”

19 यहोवा मूसा अक ईद आदेश कोट्टुन,

20 “या दशी हाहून उन अभषिक आगुल आ दशी आव तान पारगोळ सांगुळ यहोवा अक ईद चढावा येरसुल; मतलब एपा अन्द हतवा भाग हीट्ट हमेशा अन्नभेट दा येरसुल, अदुर दा आर्धा व्हातर्या का अदकि आर्धा द्यावगा अन्द समय येरसुल.

21 अद तावा मा याण्णा अन्द सांगुळ कासकु आगुल; याग अद याण्णा देल पुरा बेदोदति आग अदरी तरेतीर, ई अन्नभेट इन बेदकु तुकळागोळ यहोवा अन सुखदायक सुगन्ध इन साटी येरसेतीर.

22 हाहून उन पारगोळ दा टु जो भी आ याजक पद मा वरिजमान आदान, आव भी अदा प्रकार इन चढावा येरसुल; ईद वधी हमेशा अन्द साटी हुंद, कयहोवा अन्द मुंद अद पुरा चढावा होत्ताकु आगुल.

23 याजक उन हर ऊंद अन्नभेट पुरा तरीका देल होत्ताकु आगुल. इदरी तनोद आगबाळुल.”

पापबली

24 यहोवा मूसा अक ईद आदेश कोट्टुन,

25 “हाहून अदकि आऊन पारगोळ से ईद अन कय पापबली इन वधी ईद हुन; या जागा दा होमबली पशु कोंदकु आगतद अदुर दा का पापबली पशु भी यहोवा अन्द मुंद बली माळकु आगुल; आव परम पवतिर आन.

26 जो याजक पापबली येरसुल आव अदरी तनिल; अद पवतिर जागा दा, मतलब भेटमाळोद तम्बू उन आंगुळ दा तनिकु आगुल.

27 जो यावारा इदुर मास इक मुट्ट बुट्टान, आव पवत्तिर आगेदान; अगर अदुरद रक्त इन छीटागोळ यारदारा कपळागोळ मा बंदकु बळिल, रा जूरी आद कि इदरी यातोदारा पवत्तिर जागा दा अच तोळ्कु आगुल.

28 अदकि अद मुण्ण इन गळग्या यदुरदा अद कासकु आगीदाद वडुकु आगुल; अगर अद पीतल इन बरतन दा उबालस्कु आगीदाद, रा अद उदकु आगुल, अदकि नीर देल तोळ्कु आगुल.

29 याजकगोळ दा टु सप्पा गंळसुर अदरी तीन सकतार; अद परम पवत्तिर वस्तु आद.

30 लेकीन या पापबली पशु उन रक्त दा टु थ्वाळासा भी रक्त भेंटमाळोद तम्बू उन बुळ्क पवत्तिर जागा दा प्रायश्चति माळली पोहचुस्कु आगुल अदुर मास यागलु तनिकु आगवाळुल; अद बेक्की दा होत्ताकु आगुल.”

7

दोषबली

1 “बाक दोषबली इन वधी ईद हुन. अद हापाळ वळ्लीद आद:

2 या जागा मा होमबली पशु उन बली कोळतार अदा जागा मा दोषबली पशु भी बली माळुल, अदकि अदुरद रक्त इक याजक वेदी मा नाकु दी सपिसुल.”

3 अदकि आव अदुरद सप्पा न्याण इक येरसुल, मतलब अदुरद चर्बीवाळा पुसटी इक, अदकि या न्याण देल कळलपच्चीगोळ होचकु ईरताव अव भी,

4 अदकि येदुदु फाँफसागोळ अदकि जो न्याण अदुर म्याकुच अदकि नेळु उन हात्ती ईरतद, अदकि फाँफसागोळ सांगुळ ईरग्या अन्द म्याकुच इन परत; ई सप्पा अक आव अलग माळुल;

5 अदकि याजक इदरी होमबली मा यहोवा अन्द साटी बेक्की मा होताकुल; आग आव दोषबली आदान.

6 याजकगोळ दा टु सप्पा गंळसुर इदुर दा टु तनि सकतार; अद यातोदारा पवत्तिर जागा दा तनिकु आगुल; यतकी अद हापाळ वळ्लीद आद.

7 हयांग पापबली आद हांग अच दोषबली भी आद, आ येदुदु बलगिोळ्द ऊंद अच वधी आद; जो याजक आ बेलीगोळ येरसकु पाप इक होचकोमुल आवा आ वस्तुगोळी ताकोमुल.

8 अदकि जो याजक यावारा मंळसा अन्द साटी होमबली इक येरसुल आ होमबली पशु उन तोगुल इक आवा याजक हुडु कोमुल.

9 अदकि भट्टी दा, या कढई दा, या तावा दा सुटकु आग्याव अव सप्पा अननभेट आ याजक उन आदीत जो अवरी येरसतान.

10 हर ऊंद अननभेट, चाहे याण्णा मल्लिस्कु ईरूल या वळ्गींद ईरूल, हारून उन सप्पा पारगोळ इक बराबर मात्रा दा सक्कीत.

मेल-मलिाप बलदिन

11 “आ मेल-मलिाप बलदिन इन साटी, जो यहोवा अन्द मुंद येरसकु आगुल, अदुर साटी वधी ईद हुन:”

12 “अगर आव इदरी आभार इन रूप दा भेंट माळतान, रा आव आभार बली इन सांगुळ याण्णा दा बेंदकु अखमीरी रोट्टी, याण्णा दा बेंदकु अखमीरी सुवारी अदकि याण्णा देल बेंदकु मैदा अन्द रोट्टी भेंट माळुल.”

13 अदकि आव तान धन्यवादवाळा मेल-मलिाप बलदिन इन सांगुळ खमीरी रोट्टीगोळ भी येरसुल.

14 अदकि हगि ऊंद-ऊंद रोट्टी नेगुकु यहोवा अक भेंट माळकु येरसुल; अद मेल-मलिाप बलदिन इन रकत इक सपिसावाळा याजक उन आदीत.

15 अदकि आ धन्यवादवाळा मेलबली इन मास बलदिन येरसोद दशी इच तनिकु आगुल; अदुर दा टु येनारा भी मक्कि ईर बाळुल.

16 लेकीन अगर अदुरद बलदिन इन चढावा मन्नत इन या खुद इन इच्छा अन ईरूल, रा आ बलदिन इक या दशी आव येरसकु आगुल अदा दशी अद तनिकु आगुल, अदकि अदुर दा टु जो मक्कि ईरूल अद दुसरा दशी भी तनिकु आगुल.

17 लेकीन जो येनारा बलदिन इन मास दा टु तसिरा दनि ताका मक्कि ईरूल रा अद बेक्की दा होत्ताकु आगेगुल.

18 इदुरसाटी अगर अद मेल-मलिप बलदिन इन पशु उन चचिची इक तसिरा दशी तनिकोमतान, जो अदरी भेंट माळदुन, रा अद बली स्वीकार आगतीदिल अदकि आऊन साटी लाभदायक भी आगतीदलि. ईद अशुद्ध समसकु आदीत अदकि जो यावारा मंळसा इदरी तनितान, आव खुद तान दोष नेगदान.

19 “बाक जो मास यावारा अशुद्ध वस्तु देल मुटकु आगुल अद तनिकु आगबाळुल; अद बेक्की दा होत्ताकु आगुल. बाक मेल-मलिप बलदिन इन मास यास मुंदुर शुद्ध आर आंदुर अच तनिल,

20 लेकीन जो अशुद्ध आगकु यहोवा अन्द मेल-मलिप बलदिन इन मास दा टु येनारा तनिल रा आव तान लॉकुर दा टु नाश माळकु आगुल.

21 अदकि अगर यावारा यातोदारा अशुद्ध वस्तु उक कय देल मुटकु यहोवा अन्द मेल-मलिप बलदिन पशु उन मास दा टु तदिन, रा आव भी तान लॉकुर दा टु नाश माळकु आदान, चाहे आव मंळसा अन यातोदारा अशुद्ध वस्तु या अशुद्ध पशु या यातोदारा भी अशुद्ध अदकि घृणति वस्तु आगुल.”

22 बाक यहोवा मूसा से अंदुन,

23 “इस्राएलीगोळ से ई प्रकार देल अनः नीव लॉकुर न रा वस्ता अन्द येनारा न्याण तनितीर अदकि न म्यांडा या मरी इन.

24 अदकि जो पशु खुद सोतोगुल, अदकि जो दुसरा पशु देल हर्दकु आगुल, अदुर्द न्याण दुसरा क्याल्सा दा तरेतीर, लेकीन अदरी यागलु तनिबाळेतीर.

25 जो यावारा हगि पशु उन न्याण तदिन यदुर दा टु लॉकुर थ्वाळासा यहोवा अन्द साटी होमबली माळकु येस्सतार अद तनिवाळा तान लॉकुर दा टु नाश माळकु आदान.

26 अदकि नीव तान मान्या यातोदारा प्रकार इन रकत, चाहे पक्षी इन चाहे पशु उन आगुल, तनिबाळेतीर.

27 हर ऊंद प्राणी जो यातोदारा प्रकार इन रकत इक तदिन आव तान लॉकुर दा टु नाश माळकु आदान.”

28 बाक यहोवा मूसा से अंदुन,

29 “इस्राएलीगोळ से ई प्रकार देल अन : जो यहोवा अन्द साटी मेल-मलिप बलदिन येरसुल आव अदा मेल-मलिप बलदिन दा टु यहोवा अन्द हात्ती भेंट तरूल;

30 आव तान अच कयगोळ देल यहोवा अन्द होमबली इक, मतलब याद्दा सांगुळ न्याण इक तरूल कियद्दा हालुसोद भेंट माळकु यहोवा अन्द मुंद हालुस्कु आगुल.”

31 अदकि याजक न्याण इक रा वेदी मा होताकुल, लेकीन याद्दा हारून अदकि आऊन पारगोळ्द आदीत.

32 बाक नीव तान मेलबलीगोळ दा टु ऊजवा जांघ इक भी नेगोद भेंट माळकु याजक उक कोळेतीर;

33 हारून उन पारगोळ दा टु जो मेल-मलिप बलदिन इन रकत अदकि न्याण इक येरसुल ऊजवा जांघ आऊंदा भाग आदीत.

34 यतकी इस्राएलीगोळ्द मेलबलीगोळ दा टु हालुसोद भेंट इन याद्दा अदकि नेगोद भेंट इन जांघ इक हुळकु ना याजक हारून अदकि आऊन पारगोळ इक कोटीन, कर्ईद हमेशा इस्राएलीगोळ दी टु आंदुर्द हक बन्स्कु ईरूल.

35 “या दशी हारून अदकि आऊन पार यहोवा अन्द हात्ती

याजक पद इन साटी तनकु आदुर, अदा दशी यहोवा अनन्द होमबली गोळ दा टु आंदुरद ईदा अभषिति भाग ठहरूसकु आत;

³⁶ मतलब या दशी यहोवा आंदुरद अभषिक माळदुन अदा दशी आव आग्या कोट्टुन की आंदरी इस्राएलीगोळ दी टु ईद भाग हमेशा सकितेला ईरूल; आंदुरद पीढी-पीढी इन साटी आंदुरद ईदा हक ठहरूसकु आत.”

³⁷ होमबली, अनन्भेट, पापबली दोषबली, याजकगोळद संस्कार बली, अदकि मेल-मलिप बलदान इन व्यवस्था ईदा हुन;

³⁸ याग यहोवा सीनै पर्वत इन हात्ती इन आळी दा मूसा अक आग्या कोट्टुन की इस्राएली नान साटी येन-येन चढ़ावा येरस्यार, आग आव आंदरी ईदा व्यवस्था कोटीदुन.

8

*हारून अदकि आऊन पारगोळद अभषिक
(नर्गमन 29:1-37)*

¹ बाक यहोवा मूसा से अंदुन,

² “नी हारून अदकि आऊन पारगोळद कपळागोळ इक, अदकि अभषिक इन याण्णा, अदकि पापबली इन हारोद वसता, अदकि येदुदु म्यांडागोळ, अदकि अखमीरी रोट्टी इन फुट्टीगोळ इक हुडुक्कु

³ भेटमाळोद तम्बू उन द्वार मा तर, अदकि अल्या पुरा मंडली इक जमा माळ.”

⁴ यहोवा अनन्द ई आग्या अनन्द अनुसार मूसा माळदुन; अदकि मंडली भेटमाळोद तम्बू उन द्वार मा जमा आत.

⁵ आग मूसा मंडली से अंदुन, “जो क्याल्सा माळोद आग्या यहोवा कोट्टुन अद ईद हुन.”

⁶ बाक मूसा हारून अदकि आऊन पारगोळ इक हात्ती वोतकु नीर देल मय तोळसुसदुन.

7 आग आव हारून उक अंगरखा हाकसुसदुन, अदकि आऊन नेळु मा कमरबन्द कटकु झागा हाकसुस बुट्टुन, अदकि एपोद* हचकु एपोद इन नक्षीदार सुंदर पट्टा देल एपोद इक कटकु कसुसबुट्टुन.

8 बाक मूसा आऊन मा सीनाबन्द कटदुन अदकि अदुर्दा ऊरीम तुम्मीम ईट बुट्टुन.

9 आग आव आऊन ताल्ला मा पगळी कटकु पगळी इन मुंद वहान्ना अन्द पट्टी अक, मतलब पवतिर मुकुट इक हचदुर, या प्रकार देल यहोवा मूसा अक आग्या कोटीदुन.

10 आग मूसा अभषिक इन याण्णा हुळकु पवतिर नवासि दा जो येनारा अदुर्दा ईरोद आ सप्पा चजिगोळ्द भी अभषिक माळकु अवरी पवतिर माळदुन.

11 अदकि आ याण्णा दा टु थ्वाळासा याण्णा आव वेदी मा येळ घन सपिसदुन, अदकि सप्पा सामान सांगुळ वेदी इन अदकि पायवा सांगुळ गंगार इन अभषिक माळकु अवरी पवतिर माळदुन.

12 अदकि आव अभषिक इन याण्णा दा टु थ्वाळासा हारून उन ताल्ला मा हाक्कु आऊन अभषिक माळकु आऊक पवतिर माळदुन.

13 बाक मूसा हारून उन पारगोळ उक हात्ती तनकु, अंगरखा हाकसुसकु, नेळु उन पट्टा कटकु आऊन ताल्ला मा टोपी ईटबुट्टुन, या प्रकार देल यहोवा मूसा अक आग्या कोटीदुन.

14 आग आव पापबली इन हारोद वस्ता अक आंदुर हात्ती वोतुन; अदकि हारून अदकि आऊन पारगोळ तान-तान कय पापबली इन वस्ता अन्द ताल्ला मा ईट्टुल.

15 आग अद बली माळकु आत, अदकि मूसा अदुर्द रक्ता इक हुळकु बेळ्ल देल वेदी इन नाकु सींगोळ मा हचकु पवतिर

* 8:7 8:7 याजक का कपळा

माळदुन, अदकि रकत इक वेदी इन पायवा मा पलटुस बुट्टुन, अदकि आऊन साटी प्रायश्चति माळकु अवरी शुद्ध माळदुन.

16 अदकि मूसा कल्लगोळ्द म्याकुच इन सप्पा न्याणद, अदकि ईरग्या अन्द म्याकुच इन परत, अदकि न्याणद सांगुळ येद्धु क्वातागोळ इक हुळकु वेदी मा होताकदुन.

17 लेकीन बली माळ्द वस्ता दा टु जो येनारा मक्कि ईत्तीत अदरी, मतलब सेंगळी सांगुळ अदुर तोगुल अदकि चचिची इक आव छावनी टु व्हार्या बेक्की दा होताकदुन, या प्रकार देल यहोवा मूसा अक आग्या कोटीदुन.

18 बाक आव मेल-मलिप इन म्यांडा अक हात्ती वोतुन, अदकि हारून अदकि आऊन पारगोळ इक तान-तान कय म्यांडा अन्द ताल्ला मा ईट्टुल.

19 आग अद बली माळकु आत, अदकि मूसा अदुर रकत इक वेदी मा नाकु दी सपिसदुन.

20 आग म्यांडा तुकळा-तुकळा माळकु आत, अदकि मूसा ताल्ला अदकि न्याण सांगुळ तुकळागोळ इक होताकदुन.

21 आग कल्लगोळ अदकि काल नीर देल तोळुकु आदव, अदकि मूसा पूरा म्यांडा अक वेदी मा होताकदुन, अदकि अद सुखदायक सुगन्ध कोळोर साटी होमबली अदकि यहोवा अन्द साटी होमबली आगेत, या प्रकार देल यहोवा मूसा अक आग्या कोटीदुन.

22 बाक आव दुसरा म्यांडा अक जो अभषिक इन म्यांडा ईरोद हात्ती वोतुन, अदकि हारून अदकि आऊन पारगोळ तान-तान कय म्यांडा अन्द ताल्ला मा ईट्टुल.

23 आग अद बली माळकु आत, अदकि मूसा अदुर रकत दा टु थ्वाळासा हुळकु हारून इन ऊजवा कवि इन स्यांडा मा अदकि अदुर ऊजवा कय अदकि ऊजवा काल इन बेळ्लगोळ मा हचदुन.

24 अदकि आव हारून उन पारगोळ इक हात्ती वोतुन, अदकि

रक्त दा टु थ्वाळासा ऊंद-ऊंद पार उन ऊजवा कीव इन स्यांडा मा अदकि ऊजवा कय अदकि ऊजवा काल इन बेळलगोळ मा हचदुन; अदकि मूसा रक्त इक वेदी मा नाकु दी सपिसदुन.

25 अदकि आव न्याणद पुसटी, अदकि कल्लगोळ म्याकळोद सप्पा न्याणद, अदकि ईरग्या माकळोद परत सांगुळ येढ्ढु क्वातागोळ, अदकि ऊजवा जाँघ, ईव सप्पा हुळकु अलग ईट्टुल;

26 अदकि अखमीरी रोटी इन फुटी जो यहोवा अन्द मुंद ईटकु आगीत अदुर दा टु ऊंद अखमीरी रोटी, अदकि याण्णा हतकु मैदा अन्द ऊंद रोटी, अदकि ऊंद पापळ हुळकु न्याणद अदकि ऊजवा जाँघ मा ईट बुट्टुन;

27 अदकि ईव सप्पा चीजगोळ हारून अदकि आऊन पारगोळ कयगोळ मा ईटकु आत, अदकि हालुसोद भेंट इन साटी यहोवा अन्द मुंद हालुस्कु आत.

28 आग मूसा आंदरी मातूत आंदुर कयगोळ दा टु हुळकु आंदरी वेदी मा होमबली इन म्याकुच होताकदुन, ईद सुखदायक सुगन्ध कोळोर साटी बलदान इन भेंट अदकि यहोवा अन्द साटी संतोष हुंद.

29 आग मूसा याद्दा अक हुळकु हालुसोद भेंट इन साटी यहोवा अन्द मुंद आळगाळसुदुन; अदकि अभषिक इन म्यांडा दा टु मूसा अन्द भाग ईदा ठहरूस्त ह्यांग यहोवा मूसा अक आग्या कोटीदुन.

30 आग मूसा अभषिक इन याण्णा अदकि वेदी माकळोद रक्त, येढ्ढु दा टु थ्वाळासा हुळकु हारून अदकि आऊन कपळागोळ मा, अदकि आऊन पारगोळ अदकि आंदुर कपळागोळ मा भी सपिसदुन; अदकि आव कपळागोळ सांगुळ हारून उक भी पवतिर माळदुन.

31 आग मूसा हारून अदकि आऊन पारगोळ से अंदुन, “चच्चि ईक भेंटमाळोद तम्बू उन दरवाजा मा कासी, अदकि आ रोटी ईक

जो अभषिक इन फुट्टी दा आव अवा तनी, ह्यांग ना आग्या कोट्टीन की हारून अदकि आऊन पारगोळ अच अदरी तन्नुल.

32 अदकि चच्चि अदकि रोट्टी दा टु जो मक्कि ईतोगुल अदरी बेक्की दा होताक बुळेत.

33 अदकि यागासताका नीम्द अभषिक इन दनि पुरा आगालव आगासताका, मतलब येळ दनि ताका भेटमाळोद तम्बू उन दरवाजा अन्द व्हार्या होगबाळेतीर, यतकी आव येळ दनि ताका नीम्द अभषिक माळतेला ईत्तान.

34 या प्रकार ईद माळकु आग्याद हांग अच माळोद आग्या यहोवा नानी कोटान, ईदुर देल नीम्द पाप ढाँपस्कु आदव.

35 ईदुरसाटी नीव भेटमाळोद तम्बू उन द्वार मा येळ दनि ताका ईळलक-हागुल ठहरूसकु ईरेतीर, ईद यहोवा अन्द आग्या अक नीव ईला मानसेतीर रा नीव सोत्तीर; कारण परमेश्वर नानी हगि अच आग्या कोटान.”

36 आग यहोवा अन्द ईवा सप्पा नरिदेशगोळ्द आग्यागोळ अनुसार जो आव मूसा अन द्वारा कोटीदुन हारून अदकि आऊन पारगोळ माळदुर.

9

हारून उन बलि-अर्पण माळोद

1 आठवा दशी मूसा हारून अदकि आऊन पारगोळ इक अदकि इस्राएली पुरनएगोळ इक कार्सुसकु हारून से अंदुन,

2 बाक हारून अंदुन, “पापबली इन साटी ऊंद तंदरूस्त म्यांडा अन्द पाड्डा, अदकि होमबली इन साटी ऊंद तंदरूस्त म्यांडा हुळकु यहोवा अन्द मुंद भेट येर्स.”

3 अदकि इस्राएलीगोळ देल ईद अन, “नीव पापबली इन साटी ऊंद व्हात, अदकि होमबली इन साटी ऊंद पाड्डा अदकि ऊंद

म्यांडा अन्द पाङ्डा हुडी, जो ऊंद वर्ष इन ईरूल अदकि तंदरूस्त ईरूल,

4 अदकि मेलबली इन साटी यहोवा अन्द मुंद येरसोर साटी ऊंद वस्ता अदकि म्यांडा, अदकि याण्णा हचकु मैदा अन्द ऊंद अन्नभेट भी तंदकोमी; यतकी ईद यहोवा नीमी इक दर्शन कोट्टान.”

5 अदकि या-या चीज इक आग्या मूसा कोट्टुन आ सप्पा चीज इक आंदुर भेटमाळोद तम्बू उन मुंद तरूल; अदकि पुरा मंडली हात्ती होगकु यहोवा अन्द मुंद नदिरूत.

6 आग मूसा अंदुन, “ईद अद कयाल्सा हुन यदरी माळोर साटी यहोवा आग्या कोटीदुन कर् नीव अदरी माळी; अदकि यहोवा अन्द महमि नीम इक काळसीत.”

7 आग मूसा हारून से अंदुन, “यहोवा अन्द आग्या अन्द अनुसार वेदी इन हात्ती होगकु तान पापबली अदकि होमबली इक येरसकु तान अदकि सप्पा जनता अन्द साटी प्रायश्चति माळ अदकि जनता अन्द चढ़ावा अक भी येरसकु आंदुर साटी प्रायश्चति माळ.”

8 इदुरसाटी हारून वेदी इन हात्ती होगकु तान पापबली इन पाङ्डा अक बलदान माळदुन.

9 अदकि हारून उन पार रक्त इक आऊन हात्ती ओतुर, आग आव तान बेळ्ळ इक रक्त दा नेनाककु वेदी इन सींगगोळ मा हचदुन, अदकि मक्कि रक्त इक वेदी इन पायवा मा पलटुस बुट्टुन;

10 अदकि पापबली दाकळोद न्याणद अदकि क्वातागोळ अदकि ईरग्या माकळोद परत इक आव वेदी मा होताकदुन, ह्यांग यहोवा मूसा अक आग्या कोटीदुन.

11 अदकि मास अदकि तोगुल इक आव छावनी टु व्हार्या बेक्की दा होताकदुन.

12 आग होमबली पशु उक बलदान माळदुन; अदकि हारून उन पारगोळ रकत इक आऊन कय दा कोट्टुर, अदकि आव अदरी वेदी मा नाकु दी सप्सि बुट्टुन.

13 आग आंदुर होमबली पशु उक तुकळा-तुकळा माळकु ताल्ला सांगुळ आऊन कय दा कोट बुट्टुर अदकि आव अवरी वेदी मा होताक बुट्टुन.

14 अदकि आव कल्लगोळी अदकि कालगोळी इक तोळुकु वेदी मा होमबली इन म्याकुच होताकदुन.

15 आग आव लाँकुरद चढावा अक मुंद ओतकु अदकि आ पापबली इन व्हात इक जो आंदुर साटी ईरोद हुळकु अदुर बलदान माळदुर, अदकि पयला अन्द घाई अदरी भी बलदान माळकु येरसदुर.

16 अदकि आव होमबली इक भी हात्ती ओतकु वधी इन अनुसार येरसदुन.

17 अदकि अन्नभेट इक भी हात्ती ओतकु अदुर दा टु ठवामा तीम हुडुकु वेदी मा होताकदुन, ईद व्हातुर इन होमबली इन अलावा येरसकु आत.

18 वस्ता अदकि म्यांडा, मतलब जो मेल-मलिप बली पशु, जनता अन्द साटी ईरोद अव भी बली माळकु आदव; अदकि हारून उन पारगोळ रकत इक आऊन कय दा कोट्टुर, अदकि आव अदरी वेदी मा नाकु दी सप्सि बुट्टुन;

19 अदकि आंदुर वस्ता अन्द न्याण इक, अदकि म्यांडा दा टु न्याणद पुसटी इक, अदकि या न्याणद देल कल्लगोळ होचकु ईरताव अदरी, अदकि क्वाता सांगुळ ईरग्या माकळोद परत इक भी आऊन कय दा कोट्टुर;

20 अदकि आंदुर न्याण इक याद्दागोळ मा ईटदुर; अदकि आव अद न्याण वेदी मा होताकदुन,

21 लेकीन याद्दागोळ अदकि ऊजवा जाँघ इक हारून मूसा अन

आग्या अन्द अनुसार हालुसोद भेंट इन साटी यहोवा अन्द मुंद आळगाळसुदुन.

22 आग हारून लॉकुर दी कय वाळुसकु आंदरी आशीर्वाद कोट्टुन; अदकि पापबली, होमबली, अदकि मेल-मलिप इन बली इक यर्सकु आव ल्यालमा ईळुतेला बंदुन.

23 आग मूसा अदकि हारून भेंटमाळोद तम्बू दा होदुर, अदकि अल टु होटकु लॉकुरी आशीर्वाद कोट्टुर; आग यहोवा अन्द महमा सप्पा लॉकुरी काळसत.

24 अदकि यहोवा अन्द मुंद टु बेक्की होळ्त न्याण सांगुळ होमबली इक वेदी मा भस्म माळदुन; इदरी नोळकु लॉकुर जय-जयकार इन नारा हचदुर, अदकि तान-तान बाय इन भार देल बांगकु प्रणाम माळदुर.

10

नादाब अदकि अबीहू उन पाप

1 आग हारून उन नादाब अदकि अबीहू हेसुर ईनव येढ्ढ पारगोळ तान-तान धूपदान हुळदुर, अदकि अदुर दा बेक्की तुमदुर, अदकि अदुर दा लुबान हाक्कु आ अनुचति बेक्की इक यदुर आग्या यहोवा कोटर्दिल यहोवा अन्द मुंद अर्पति माळदुर.

2 आग यहोवा अन्द मुंद टु बेक्की होळ्त अदकि आ येढ्ढ मुंदरी भस्म माळ बुट्टुन, अदकि आंदुर यहोवा अन्द मुंद सोतोदुर.

3 आग मूसा हारून से अंदुन, “ईद अदा मात हुंद यदरी यहोवा अंदीदुन, की जो नांद हात्ती बंदान जरूरी आद की आव नानी पवतिर जानसुल, अदकि पुरा जनता अन्द मुंद नांद महमा माळुल.” अदकि हारून सुंगा ईत्तुन.

4 आग मूसा मीशाएल अदकि एलसाफान उक जो हारून इन काका उज्जीएल उन पार ईरोन कारूकु अंदुन, “हात्ती बरी, अदकि

तान मुतणागोळ इक पवतिर जागा अन्द मुंद टु नेगुकु छावनी इन व्हार्या वोई.”

⁵मूसा अन्द आग्या अन्द अनुसार आंदुर हात्ती होगकु आंदरी अंगरखा सांगुळ नेगुकु छावनी इन व्हार्या ओतुर.

⁶आग मूसा हारून से अदकि आऊन पार एलीआजर अदकि ईतामार से अंदुन, “ नीव लॉकुर तान ताल्लागोळ चुट्टी बगरूसबाळी, अदकि न तान कपळागोळी हरूबाळी, हगि आगबाळुल की नीव भी सोतोदीर, अदकि पुरा मंडली मा आऊन गुस्सा भळकुसुल; लेकीन इस्राएल इन सप्पा घराना अन्द लॉकुर जो नीम्द वार्टबन्धु आर नादाब अदकि अबीहू यहोवा अन्द हचकु बेक्की मा होतुतुर शोक माळुल.

⁷अदकि नीव लॉकुर भेंटमाळोद तम्बू उन दरवाजा अन्द व्हार्या होगबाळेतीर, हगि आगबाळुल की नीव सोतोदीर; यतकी यहोवा अन्द अभषिक इन याण्णा नीम मा हतकु आद.” मूसा अन्द ई वचन इन अनुसार आंदुर हगि माळदुर.

याजकगोळ साटी नयिम

⁸बाक यहोवा हारून से अंदुन,

⁹“याग-याग नी या नीन पार भेंटमाळोद तम्बू दा बंदीर आग-आग नीम दा टु यावारा भी अंगुर इन रास्सा अदकि सारा कुडुकु ईरबाळुल अदकि न यातोदु प्रकार इन सार्रा, ईलारा हगि आगबाळुल की नीव सोतोदीर; नीम्द पीढी-पीढी दा ईद वधी नळुतेला ईरूल,

¹⁰ईदुर दैल नीव पवतिर अदकि अपवतिर दा, अदकि शुद्ध अदकि अशुद्ध दा अंतर माळ सकी;

¹¹अदकि इस्राएलीगोळ इक आ सप्पा वधीगोळ इक कल्स सकुल यदरी यहोवा मूसा अन्द द्वारा आंदरी हेळ बुट्टान.”

¹²बाक मूसा हारून से अदकि आऊन मक्कु येदु पार एलीआजर अदकि ईतामार से भी अंदुन, “यहोवा अन्द चढावा

दा टु जो अनन् भेट मक्कि आद अदरी हुळकु होमबली इन हात्ती बनि खमीर हचकु तनी, यतकी आव हापाळ वळ्ळीद आद;

13 अदकि नीव अदरी यातोदारा पवतिर जागा दा तनी, अद यहोवा अन्द होमबली दा टु नींद अदकि नीन पारगोळ्द हक आद; यतकी नानी हगि अच आग्या सकियाद.

14 आग हालुस्कु भेट इन याददा अदकि नेग्द भेट इन जाँघ इक नीव लाँकुर, मतलब नी अदकि नीन पोर-पारगोळ सप्पा यातोदारा शुद्ध जागा दा तनी; यतकी आ इसराएलीगोळ्द मेल-मलिप इन बली दा टु नीनी अदकि नीन चकिोरगोळ्द हक ठहरूस्कु आगेग्याद.

15 न्याण इन होमबली गोळ सांगुळ जो नेग्द जाँघ अदकि हालुस्कु याददा यहोवा अन्द मुंद हालुसोर साटी बंदीत, ईद भाग यहोवा अन्द आग्या अन्द अनुसार हमेशा अन्द वधी इन व्यवस्था देल नींद अदकि नीन चकिोरगोळ साटी हुंद.”

16 बाक मूसा पापबली इन व्हात इन खोजबीन माळदुन, रा येन मालुम आत की अद होत्ताकु आग्याद, इदुरसाटी एलीआजर अदकि ईतामार जो हारून उन पार मक्कि ईरोर आंदुर से आव गुस्सा दा बंदकु अनली कुरतुन,

17 “पापबली जो परम पवतिर आद अदकि अदरी यहोवा नीमी इदुरसाटी कोटीदुन की नीव मंडली इन अधर्म इन भार ताम मा नेगुकु आंदुर साटी यहोवा अन्द मुंद प्रायश्चिति माळी, नीव आऊन मास पवतिर जागा दा येती तदिदील?

18 नोळी, आऊन रकत पवतिर जागा अन्द बुळ्क रा तंदकु उच आगीदलि, बनि सक देल उचति ईरोद की नीव नांद आग्या अन्द अनुसार आऊन चचिची इक पवतिर जागा दा तनायदीर.”

19 इदुर उत्तर हारून मूसा अक ई प्रकार देल कोट्टुन, “नोळ, ईद अच आंदुर तान पापबली अदकि होमबली इक यहोवा अन्द मुंद येरसदुर; बाक नान मा हगि मुसबितगोळ होट बंदाव!

इदुरसाटी अगर ना ईद पापबली इन चच्चिची तनियादीन रा येन ईद मात यहोवा अन्द मुंद भला ईराइत?”*

20 याग मूसा ईद केळदुन आग आऊक वळ्लीद हत्त.

11

शुद्ध अदकि अशुद्ध पशु
(व्यवस्थाविवरण 14:3-21)

1 बाक यहोवा मूसा से अदकि हारून से अंदुन,

2 “इस्राएलीगोळ से अनः यास पशु धरती मा आव आ सप्पा दा टु नीव ई जीवधारीगोळ्द मास तनि सकतीर.

3 पशु गोळ दा टु यास चरूसकु या हर्दकु खुर इन ईरताव अदकि कवरी माळताव अवरी तनि सकतीर.”

4 लेकीन कवरी माळावाळा या हर्दकु खुरवाळा दा टु ई पशुगोळी तनिबाळेतीर, मतलब ऊँट, जो कवरी रा माळतद लेकीन चरिा खुर इन ईराल, ईदुरसाटी अद नीम्द साटी अशुद्ध ठहरूसकु आग्याद.

5 अदकि चट्टानी बज्जू, जो कवरी रा माळतद लेकीन चरिा खुर इन ईराल, अद भी नीम्द साटी अशुद्ध आद.

6 अदकि खरगोश, जो कवरी रा माळतद लेकीन चरिा खुर इन ईराल, ईदुरसाटी अद भी नीम्द साटी अशुद्ध आद.

7 अदकि हंदी, जो चरिा मतलब हर्दकु खुर इन रा ईरतद लेकीन कवरी माळाल, इदुरसाटी अद नीम्द साटी अशुद्ध आद.

8 ईऊर मास दा टु येनारा भी तनिबाळेतीर, अदकि ईऊरव मुर्दा अक मूठ भी बाळेतीर; ईव रा नीम्द साटी अशुद्ध आव.

9 “बाक यास नीर ईनव जन्तु आव ईऊर दा टु नीव इंदरी तनि सकतीर, मतलब समुद्र या गांगागोळ नीर इन जन्तुगोळ दा टु यासरव पक्का अदकि छलिका ईरताव आंदरी तनि सकतीर.”

* 10:19 10:19 लैव्यव्यवस्था 10:1, 10:2, 10:17

10 अदकि नीर दा ईरावाळेर प्राणीगोळ दा टु यास जीवधारी बनिा पक्किा अदकि खवला अन्द समुद्र या गांगागोळ दा ईरताव अव सप्पा नीम्द साटी घृणति आव.

11 अव नीम्द साटी घृणति ठहरूस्याव; नीव अऊर दा टु येनारा भी तनि बाळेतीर, अदकि अऊर मुर्दागोळी इक अशुद्ध जान्सेतीर.

12 नीर दा या जन्तु उन पक्किा अदकि छलिकागोळ ईरालव अव नीम्द साटी अशुद्ध आव.

13 “बाक पक्षिगोळ दा टु ईवरी अशुद्ध जान्सेतीर, ईव अशुद्ध आगोद कारण देल तनिकु आगबाळुल, मतलब गरूळ, दाळीवाळा गध्याळ, करीद गध्याळ,

14 चील, अदकि अलग-अलग जाती नव घर,

15 अदकि अलग-अलग जाती नव कागगागोळ,

16 शुतुरमुर्ग, ईळलक इन सकिरा, पानकोंबळी, अदकि अलग-अलग जाती नव पानकोंबळी,

17 स्यांळ्द पजिोळ्ला, बगला, धोळ्द पजिोळ्ला,

18 बगला, धोळ उल्लू, राजहँस, पानकोंबळी, गध्याळ,

19 सारस, अलग-अलग जाती नव बगलागोळ, टटिवी अदकि चमगादळ.”

20 यास पक्किावाळेर कीळागोळ नाक कालगोळ बल मा नळुताव अव सप्पा नीम्द साटी अशुद्ध आव.

21 लेकीन रेंगसावाळेर अदकि पक्किावाळेर जो नाक नाक कालगोळ बल मा नळुताव, अऊरव भूमी मा हारली वोळली टांगगोळ ईरताव आंदरी रा तनि सकतीर.

22 अव ईव हुव, मतलब अलग-अलग जाती नव हत्तीफाफागोळ, फनगे अदकि झींगुर.

23 लेकीन अदकि सप्पा रेंगसावाळेर पक्किावाळेर जो नाक काल वाळेर ईरताव अव नीम्द साटी अशुद्ध आव.

24 “ईऊर कारण नीव अशुद्ध ठहूसीर; यावारा ईऊर लोथ मुठबुळुल आव द्यावगा ताका अशुद्ध ठहूस्यान.

25 अदकि जो ईऊर लोथ दा टु येनारा भी नेगुल आव तान कपळा वोगुल अदकि द्यावगा ताका अशुद्ध ईरूल.

26 बाक यास पशु चरिा खुर इन ईरताव लेकीन न रा बलिकुल हर्दकु खुर इन अदकि न कवरी माळावाळा आव अव नीम साटी अशुद्ध आव; जो यावारा अवरी मुट्यान आव अशुद्ध ठहूस्यान.

27 अदकि नाक काल इन बल आळावाळेर दा टु यास पंजागोळ बल मा नळुताव अव सप्पा नीम साटी अशुद्ध आव; जो यावारा आंदुर लोथ मुट्यान आव द्यावगा ताका अशुद्ध ईत्तान.

28 अदकि जो यावारा अऊर लोथ नेगदान आव तान कपळा तोळुल अदकि द्यावगा ताका अशुद्ध ईरूल; यतकी अव नीमद साटी अशुद्ध आव.

29 “अदकि जो धरती मा रांगस्ताव अऊर दा टु ईव रेंगसावाळेर नीमद साटी अशुद्ध आव, मतलब घोरपळ, ईळ्ल, अदकि अलग-अलग जाती नव डोकेला,

30 अदकि ईजगुर, मगर, सापसरिली, सांडा, डोकेला.

31 सप्पा रेंगसावाळेर दा टु ईव अच नीमद साटी अशुद्ध आव; जो यावारा ईऊर लोथ मुट्यान आव द्यावगा ताका अशुद्ध ईरूल.

32 अदकि ईऊर दा टु अऊर लोथ यातोदारा वस्तु मा बदिगुल अद भी अशुद्ध ठहूसीत, चाहे अद हुळ्ली इन यातोदारा बरतन ईरूल, चाहे कपळा, चाहे तोगुल, चाहे बाँरा, चाहे यातोदारा क्याल्सा अन्द यातोदारा भी बरतन यती आगबाळुल; अव नीर दा हाक्कु आदीत, अदकि द्यावगा ताका अशुद्ध ईरूल, आग शुद्ध सम्सकु आदीत.

33 अदकि अगर मुण्ण इन यातोदारा बरतन ईरूल ईदुर दा ईव जन्तुगोळ दा टु यावारा बळिल, रा अद बरतन दा जो

येनारा ईरूल अद अशुद्ध ठहरूसुल, अदकि बरतन इक नीव ओळ्द बुळेतीर.

34 अदुर दा तनि लायक भोजन ईरूल, अदुर दा नीर इन छुआव ईरूल अद सप्पा अशुद्ध ठहरूसुल; बाक अगर यातोदारा हगि बरतन दा कुडोर साटी येनारा ईरूल रा अद भी अशुद्ध ठहरूसुल.

35 अदकि अगर लोथ दा टु येनारा तंदुर या चुली मा बळिल रा अद भी अशुद्ध ठहरूसुल, अदकि मुरकु आगुल; यतकी अद अशुद्ध आगेदीत, अद नमिद साटी भी अशुद्ध ठहरूसीत.

36 लेकीन झरना या क्याररा यदुर दा नीर जमा ईरूल अद रा शुद्ध अच ईरूल; लेकीन जो ईऊर लोथ इक मुट्टुल आव अशुद्ध ठहरूसुल.

37 अदकि अगर ईऊर लोथ दा टु येनारा भी यातोदारा प्रकार इन बीजा मा जो बोऊसा साटी ईरूल, रा अद बीजा शुद्ध ईरूल.

38 पर अगर बीजा मा नीर हाक्कु आगीदाद अदकि हदि लोथ दा टु येनारा अदुर मा बदिगुल, रा अद नीमद साटी अशुद्ध ठहरूसुल.

39 “बाक या पशुगोळ इक तनिद आग्या नीम इक कोटकु आग्याद अगर अदुर दा टु यातोदारा पशु सोतोगुल, रा जो यावारा अदुर लोथ इक मुट्टुल आव द्यावगा ताका अशुद्ध ईरूल.

40 अदकि अऊर लोथ दा टु जो यावारा येनारा तनिल आव तान कपळा तोळुल अदकि द्यावगा ताका अशुद्ध ईरूल; अदकि जो यावारा अऊर लोथ नेगुल आव भी तान कपळा तोळुल अदकि द्यावगा ताका अशुद्ध ईरूल.

41 “सप्पा प्रकार इन धरती मा रेंगसावाळेर जन्तु घनिौना आव; अव तनिकु आग बाळुल.

42 धरती मा रेंगसावाळेर दा टु यास व्हाट्टा या नाक कालगोळ मा ईरताव, अवरी नीव तनिबाळेतीर; यतकी अव घनिौना आव.

43 नीव यातोदारा प्रकार इन रेंगसावाळेर जन्तु उन द्वारा तान तान इक घनिना माळबाळेतीर; अदकि न अऊर द्वारा तान इक अशुद्ध माळकु अपवतिर ठहरूसेतीर.

44 यतकी ना नीम्द परमेश्वर यहोवा हुईन; ई कारण खुद इक शुद्ध माळकु पवतिर बनसकु ईरी, यतकी ना पवतिर आईन. इदुरसाटी नीव यातोदारा भी प्रकार इन रेंगसावाळेर जन्तु उन द्वारा जो धरती मा नळुताव तान तान इक अशुद्ध माळबाळेतीर.

45 यतकी ना आ यहोवा हुईन जो नीमी मसित्तर द्याश टु इदुरसाटी तेगुकु तंदीन की नीम्द परमेश्वर ठहरूसाईन; इदुरसाटी नीव पवतिर बनसी, यतकी ना पवतिर आईन.”

46 पशु गोळ, पक्षगोळ, अदकि सप्पा नीर दा ईरावाळेर प्राणीगोळ, अदकि धरती मा सप्पा रेंगसावाळेर प्राणीगोळद बारा दा ईदा व्यवस्था आद,

47 की शुद्ध अशुद्ध अदकि तनालायक या बनि तनालायक जीवधारीगोळ दा भेद माळकु आगुल.

12

बारतपण इन शुद्धीकरण इन वधी

1 बाक यहोवा मूसा से अंदुन,

2 “इस्राएलीगोळ से अनः जो आरत व्हाट्या दी ईरूल अदकि आकीन पारगोळ ईरूल, रा आक येळ दनि ताका अशुद्ध ईत्तार; या प्रकार देल आक व्हाट्या आगकु ईरतार हांग अच अशुद्ध ईर पायजे.”

3 अदकि आठवा दशी चगिद उन खतना माळकु आगुल.

4 बाक आक आरत तान खुन होगोद सत्राव दा टु शुद्ध आगोर साटी तेत्तीस दनि ईरूल; अदकि यागासताका आकीन शुद्ध आगोद दनि पुरा न आगुल आगासताका आक न रा यातोदारा पवतिर जागा दा प्रवेश माळुल.

5 अदकि अगर आकी पोर आत, रा मासीक पाळी इन होती ह्यांग आक ईरतोगोर हांग अच आक चौदा दनि अशुद्ध ईरूल; आकी तान रक्त स्त्राव दा टु शुद्ध आगोर साटी छैसठ दनि हत्याव.

6 “याग आकीन शुद्ध आगोद दनि पुरा आगुल, आग चाहे आकी पार आगुल या बाक पोर, आक होमबली इन साटी ऊंद वर्ष इन म्यांडा अन्द पाड्डा, अदकि पापबली इन साटी कबूतर इन ऊंद पाड्डा या पंडुकी, भेंटमाळोद तम्बू उन दरवाजा मा याजक उन हात्ती तरूल.”

7 आग याजक अवरी यहोवा अन्द मुंद भेंट येरुसकु आकीन साटी प्रायश्चति माळुल; अदकि आक तान मासीक पाळी इन अशुद्धता बटिकु शुद्ध ठहरूस्यार. “याता आरुत इक पार या पोर पैदा आगुल आंदुर साटी ईदा व्यवस्था आद.”

8 अदकि अगर आव म्यांडा कोळदुर दा असमर्थ ईरूल, रा येढ्ढ पंडुकी या कबूतर इन येढ्ढ पाड्डा, ऊंद रा होमबली अदकि दुसरा पापबली इन साटी कोळुल; अदकि याजक आकीन साटी प्रायश्चति माळुल, आग आक शुद्ध ठहरूस्यार.

13

चर्म रोग इन बारा दा नयिम

1 बाक यहोवा मूसा अदकि हारून से अंदुन,

2 “याग यावारा मंळसा अन्द मय इन तोगुल दा सुजन या चट्टा या दाग ईरूल, अदकि इदुर देल आऊन तोगुल दा कोळ इन व्याध् इन घाई येनारा काळ्सकु बळिल रा आऊक हारून याजक उन हात्ती या आऊन पार जो याजक आन, आंदुर दा टु यारीकारा हात्ती ओईल.

3 याग याजक आऊन तोगुल इन चट्टा अक नोळुल, अदकि अगर आ चट्टा अन जागा अन्द चुट्टीगोळ बळिव आगेग्याव अदकि चट्टा तोगुल देल गहरा काळ्सकु बळिल, रा आव जान्स

कोमुल की कोढ़ इन चट्टा हुव; अदकि याजक आ मंळसा अक नोळकु आऊक अशुद्ध ठहरूसुल.

4 पर अगर अद चट्टा आऊन तोगुल दा बळीद ईरूल, लेकीन तोगुल देल गयरा कांळसबाळुल, अदकि अलेव चुट्टी बळिव हैलेच, रा याजक आऊक येळ दनि ताका अलग माळकु ईटुल;

5 अदकि सातवा दशी याजक आऊक नोळुल, अदकि अगर अद चट्टा ह्यांग चा हांग अच कांळसुल अदकि आऊन तोगुल दा फैलुसकु ईरबाळुल, रा याजक आऊक मात्त येळ दनि ताका अलग माळकु ईटुल;

6 अदकि सातवा दशी याजक आऊक मात नोळुल, अदकि अगर नोळुल की चट्टा अन चमक कम आद अदकि चट्टा तोगुल मा फैलुसकु हैलेच, रा याजक आऊक शुद्ध ठहरूसुल; यतकी आऊन रा तोगुल दा सरिफ चट्टा आद; अदकि आव तान कपळा तोळुकु शुद्ध आगेगुल.

7 पर अगर याजक उन आ जाच इन बाददा यदुर दा आव शुद्ध ठहरूसकु आगीदुन, अद चट्टा आऊन तोगुल मा हापाळ फैलुसेग्याद, रा आव बाक याजक उक तोरसकु आगुल;

8 अदकि अगर याजक उक कांळसुल की चट्टा तोगुल दा फैलुसेग्याद, रा आव आऊक अशुद्ध ठहरूसुल; यतकी अद कोढ़ अच हुन.

9 “अगर कोढ़ इन घाई चट्टा यातोदारा मंळसा अक ईरूल, रा आऊक याजक उन हात्ती पोहचुसकु आगुल;

10 अदकि याजक आऊक नोळुल, अदकि अगर अद सुजन आऊन तोगुल दा बळीद आगुल, अदकि अदुर कारण चुट्टी भी बळिव कांळसुल, अदकि आ सुजन दा बनि तोगुल इन मास ईरूल,

11 रा याजक जानसुल की आऊन तोगुल दा हाळोद कोढ़ आद, इदुरसाटी आव आऊक अशुद्ध ठहरूसुल; अदकि बंद ईटबाळुल, यतकी आव रा अशुद्ध आन.

12 अदकि अगर कोढ़ यावारा मंळसा अन्द तोगुल दा ईल ताका फैलुसेगुल, कियेल्यारा भी याजक नोळुल रोगी इन ताल्ला टु तरकाल ताका कोढ़ पुरा तोगुल इक जकळुस कोंडाद,

13 रा याजक ध्यान देल नोळुल, अदकि अगर कोढ़ आऊन पुरा मय इक जकळुस कोंडाद, रा आव आ मंळसा अक शुद्ध ठहरूसुल; अदकि आऊन मय जो बलिकुल बळीद आगेग्याद आव शुद्ध अच ठहरूसुल.

14 पर याग आऊन दा बनिा तोगुल इन मास कांळसकु बळिल, आग रा आव अशुद्ध ठहरूस्यान.

15 अदकि याजक बनिा तोगुल इन मास इक नोळकु आऊक अशुद्ध ठहरूसुल; यतकी हांगा बनिा तोगुल इन मास अशुद्ध अच ईरतद; अद कोढ़ हुन.

16 पर अगर अद बनिा तोगुल इन मास बाक बळीद आगेदीत, रा आव मंळसा याजक उन हात्ती होटोगुल,

17 अदकि याजक आऊक नोळुल, अदकि अगर अद चट्टा दुबारा मातत बळीद आगेत्याद, रा याजक रोगी इक शुद्ध जान्सुल; आव शुद्ध आन.

18 “बाक अगर यावारा मंळसा अन्द तोगुल दा फ्वाळा आगकु चंगा आगेग्यान,

19 अदकि फ्वाळा अन्द जागा दा बळीद सुजन या क्याचांद घाई बळीद दाग ईरूल, रा अद याजक उक तोरसकु आगुल;

20 अदकि याजक आ सुजन इक नोळुल, अदकि अगर अद तोगुल देल गयरा कांळसकु बळिल, अदकि अदुर चुट्टी भी बळिव आगीदाव, रा याजक ईद जान्सकु आ मंळसा अक अशुद्ध ठहरूसुल; यतकी अद कोढ़ इन चट्टा हुन जो फ्वाळा दा टु वडुकु होटाद.

21 लेकीन अगर याजक नोळुल कियेल्यारा अदुरदा बळीद चुट्टी हैलेच, अदकि अद तोगुल देल गयरा हैलेच, अदकि अदुरद चमक कम आगेग्याद, रा याजक आ मंळसा अक येळ दनि ताका बंद

माळकु ईटुल.

22 अदकि अगर अद चट्टा आ समय ताका तोगुल दा खराखुरा फैलुसेगुल, रा याजक आ मंळसा अक अशुद्ध ठहरूसुल; यतकी अद कोढ इन चट्टा हुन.

23 लेकीन अगर अव दाग फैलुसालव अदकि तान जागा मा का बन्सकु ईरताव, रा अद फ्वाळा अनूद दाग हुन; याजक आ मंळसा अक शुद्ध ठहरूसुल.

24 “बाक अगर यावारा मंळसा अनूद तोगुल दा होत्तोद घाव ईरूल, अदकि आ होतकु घाव दा बनि तोगुल इन दाग क्याचांद आगतेला बळिद या बळिद अच आगेगुल,

25 रा याजक आऊक नोळुल, अदकि अगर आ दाग दाकळव चुट्टी बळिव आगेग्याव अदकि अद तोगुल से गयरा कांळसकु बळिल, रा अद कोढ हुन; जो आ होतकु दाग दा टु वडुको होटाद; याजक आ मंळसा अक अशुद्ध ठहरूसुल; यतकी आऊन दा कोढ इन चट्टा आद.

26 पर अगर याजक नोळुल, की दाग दा बळिद चुट्टी हैलेच अदकि न अद तोगुल से येनु गयरा हैलेच, अदकि अदुरद चमक कम आगेग्याद, रा याजक आऊक येळ दनि ताका अलग माळकु ईटुल,

27 अदकि सातवा दशी याजक आऊक नोळुल, अदकि अगर अद तोगुल दा फैलुसेग्याद, रा आव आ मंळसा अक अशुद्ध ठहरूसुल; यतकी आऊक कोळ इन चट्टा आद.

28 लेकीन अगर अद दाग तोगुल दा ईला फैलुसीदाद अदकि तान जागा मा यल इन अल बन्सकु ईरूल, अदकि अदुरद चमक कम आगेग्याद, रा अद होतदुर कारण बातकु आद, याजक आ मंळसा अक शुद्ध ठहरूसुल; यतकी अद दाग होतदुर कारण देल आद.

29 “बाक अगर यावारा गंळ्स या आरूत इन ताल्ला मा, या गंळ्स उन दादी दा चट्टा ईरूल,

30 रा याजक चट्टा अक नोळुल, अदकि अगर अद तोगुल से गयरा कांळसकु बळिल, अदकि अदुर दा भुरा-भुरा पतला चुट्टी ईरूल, रा याजक आ मंळसा अक अशुद्ध ठहरूसुल; अद चट्टा चर्मरोग, मतलब ताल्ला या दाढी इन कोढ हुन.

31 अदकि याजक चर्मरोग अन्द चट्टा अक नोळुल, कि अद तोगुल से गयरा हैलेच अदकि अदुरदा करेव-करेव चुट्टी हैलेच, रा याजक चर्मरोग अन्द रोगी इक येळ दनि ताका अलग माळकु ईदुल,

32 अदकि सातवा दशी याजक चट्टा अक नोळुल, आग अगर चर्मरोग फैलुसकु ईला ईरूल, अदकि अदुरदा भुरा-भुरा चुट्टी ईला ईरूल, अदकि चर्मरोग तोगुल से गयरा कांळसकु ईला बळिल,

33 रा आ मंळसा अक मुंडन माळकु आगुल, लेकीन यल चर्मरोग आग्याद अल मुंडन माळकु आग बाळुल; अदकि याजक आ चर्मरोग हतकु मंळसा अक अदकि भी येळ दनि ताका अलग माळुल;

34 अदकि सातवा दशी याजक चर्मरोग अक नोळुल, अदकि अगर अद चर्मरोग तोगुल दा फैलुसकु हैलेच अदकि तोगुल से गयरा कांळसकु बळिल, रा याजक आ मंळसा अक शुद्ध ठहरूसुल; अदकि आव तान कपळा वगुकु शुद्ध ठहरूसुल.

35 पर अगर आऊन शुद्ध ठहरूसोद बाददा चर्मरोग तोगुल दा थ्वाळासा भी फैलुसुल,

36 रा याजक आऊक नोळुल, अदकि अगर अद तोगुल दा फैलुसकु ईरूल, रा याजक भुरा चुट्टी इक दुंदस बाळुल, यतकी आ मंळसा अशुद्ध आन.

37 लेकीन अगर आऊन नजर दा अद चर्मरोग ह्यांग इन हांग बनसकु ईरूल, अदकि अदुरदा करेव-करेव चुट्टी जमसकु ईरूल, रा आव जानसुल कि दाग वळ्लीद आगेग्याद, अदकि आ मंळसा शुद्ध आन; याजक आऊक शुद्ध अच ठहरूसुल.

38 “बाक अगर यावारा गंळस या आरत इन तोगुल दा बळिवे दाग ईरूल,

39 रा याजक नोळुल, अदकि अगर आऊन तोगुल दा अव दाग कम बळिवे ईरूल, रा आव जान्सुल कि आऊन तोगुल दा होटकु दाद अच हुन; आ मंळसा शुद्ध ठहरूसुल.

40 “बाक या मंळसा अन्द ताल्ला अन्द चुट्टीगोळ झळसेग्याव, रा जान्सेतीर कि आव टकला रा आन लेकीन शुद्ध आन.

41 अदकि यावारा मंळसा अन्द ताल्ला अन्द मुंदळव चुट्टी झळसेग्याव, रा आव ताल्ला देल रा टकला आन लेकीन शुद्ध आन.

42 लेकीन अगर टकला ताल्ला मा या टकला ह्याणा मा क्याचांद बळिद चट्टा ईरूल, रा जान्सेतीर कि अद आऊन टकला ताल्ला या टकला ह्याणा मा होटकु कोद हुन.

43 इदुरसाटी याजक अदरी नोळुल, अदकि अगर चट्टा अन्द सुजन आऊन टकला ताल्ला या टकला माथा मा हगि लाली हुळकु बळिद ईरूल जसा चमळी इन कोद दा ईरतद,

44 रा आ मंळसा कोदी आन अदकि अशुद्ध आन; अदकि याजक आऊक जरूर अशुद्ध ठहरूसुल; यतकी अद चट्टा आऊन ताल्ला मा आद.

45 “थारदा ई चट्टा ईरूल आ कोदी इन कपळा हरकु अदकि ताल्ला अन्द चुट्टी बगरूसकु ईरूल, अदकि आव तान म्याकळोद टुट्टी इक मुचकु अशुद्ध-अशुद्ध कारूतेला ईरूल.

46 यास दनि ताका अद चट्टा आऊन दा ईरूल आस दनि ताका आव रा अशुद्ध ईततान; अदकि आव अशुद्ध ठहरूसकु ईरूल; इदुरसाटी आव आबना अच ईरूल, आऊन ईरोद जागा छावनी इन व्हार्या ईरूल.

कपळा या तोगुल इन वस्तु उन कोद

47 “बाक या कपळा दा कोढ इन चट्टा ईरूल, चाहे अद कपळा ऊन इन ईरूल या सन इन,

48 अद चट्टा चाहे आ सनी या ऊन इन कपळा अन्द होल्द ईरूल या बन्सकु ईरूल, या अद चट्टा तोगुल दा या तोगुल इन माळकु यातोदारा वस्तु दा ईरूल,

49 अगर अद चट्टा यातोदारा कपळा अन्द चाहे होल्द ईरूल चाहे बन्सकु ईरूल, या तोगुल दा या तोगुल इन यातोदारा वस्तु दा हविरा ईरूल या क्याचाँद सा ईरूल, रा जान्सेतीर क अद कोढ इन चट्टा हुँद अदकि अद याजक उक तोरसकु आगुल.

50 अदकि याजक चट्टा अक नोळुल, अदकि चट्टा हतकु आ वस्तु उक येळ दनि इन साटी अलग माळुल;

51 अदकि सातवा दशी आव आ चट्टा अक नोळुल, अदकि अगर अद कपळा अन्द चाहे होल्द ईरूल चाहे बन्सकु ईरूल, या तोगुल दा या तोगुल इन माळद यातोदारा वस्तु दा फैलुसकु ईरूल, रा जान्सेतीर क चट्टा हानकारक कोळ हुँद, इदुरसाटी अद वस्तु, चाहे ह्यांगारा क्याल्सा दा येती न बरबाळुल, तो भी शुद्ध ठहरूसीत.

52 आव आ कपळा अक अदुरद ताना या बाना दा अद चट्टा ईरूल, चाहे अद ऊन इन ईरूल चाहे सनी इन ईरूल, या तोगुल इन, या तोगुल इन वस्तु ईरूल, अदरी होताकबुळुल, अद चट्टा हानकारक कोढ इन हुँद; अद वस्तु बेक्की दा होताक्कु आगुल.

53 “अगर याजक नोळुल क अद चट्टा आ कपळा अन्द होल्द या बन्सकु, या तोगुल इन वस्तु दा फैलुसकु हैलेच,

54 रा या वस्तु दा चट्टा ईरूल अदरी तोळोद आग्या याजक कोळुल, आग आऊक मात्त येळ दनि ताका अलग माळकु ईट्टुल;

55 अदकि आऊन तोळदुर बाददा याजक आऊक नोळुल, अदकि अगर चट्टा अन्द न रा रंग बदलुसकु ईरूल, अदकि

न चट्टा फैलुसकु ईरूल, रा जानसेतीर की अद अशुद्ध आद;
अदरी बेक्की दा होताकेतीर, यतकी चाहे अद चट्टा बुळ्क चाहे
म्याकुच ईरूल तो भी अद फैलुसावाळा चट्टा हुन.

56 पर अगर याजक नोळुल, की आऊन तोळदुर बाददा चट्टा
अन्द चमक कम आगेग्याद, रा आव अदरी कपळा अन्द चाहे
होल्द चाहे बन्सकु दा टु, या तोगुल दा टु हळूकु तेगुल;

57 अदकि अगर अद चट्टा आग भी आ कपळा अन्द होल्द
या बन्सकु दा, या तोगुल इन आ वस्तु दा काळ्सकु बळिल, रा
जानसेतीर की अद वोळकु होळ्त चट्टा हुंद; अदकि यदुरदा अद
चट्टा ईरूल अदरी बेक्की दा होताकेतीर.

58 अगर आ कपळा देल अदुरद होल्द या बन्सकु दा चट्टा
ईरूल, या तोगुल इन जो वस्तु ईरूल अदरी याग तोळुकु आगुल
अदकि चट्टा होगतेला ईरूल, रा अद दुसरा घन तोळुकु शुद्ध
ठहरूसुल.”

59 ऊन या सनी इन कपळा अन्द होल्द या बन्सकु दा, या
तोगुल इन यातोदारा वस्तु दा जो कोढ इन चट्टा ईरूल अदुर
शुद्ध अदकि अशुद्ध ठहरूसोद ईदा व्यवस्था हुंद.

14

कोढ देल शुद्ध ठहरूसकु आगोद

1 बाक यहोवा मूसा से अंदुन,

2 “कोढी इन शुद्ध ठहरूसोद व्यवस्था ईद हुन., आव याजक
उन हात्ती पोहचुसकु आगुल;

3 अदकि याजक छावनी इन व्हार्या होगुल, अदकि याजक
आ कोढी इक नोळुल, अदकि अगर आऊन कोढ इन चट्टा चंगा
आग्याद,

4 रा याजक आग्या कोळुल की शुद्ध ठहरुसावाळा साटी येढुद
शुद्ध अदकि जीत्ता पक्षी, देवदार इन हुळ्ली, अदकि क्याचाँद
रंग इन कपळा अदकि जूफा अन मार्र ईव सप्पा हुळकु होगुल;

5 अदकि याजक आग्या कोळुल कऱुंद पक्षी वाहुसतेला नीर इन म्याकुच मुण्ण इन भांडा दा बर्लि माळकु आगुल.

6 आग अद जीत्ता पक्षी इक देवदार इन हुळ्ली अदकि क्याचाँद रंग इन कपळा अदकि जूफा अन मार्र ईव सप्पा अक हुळकु ऊंद सांगुळ आ पक्षी इन रकत दा जो वाहुसतेला नीर इन म्याकुच बर्लि माळकु आग्याद;

7 अदकि कोढ देल शुद्ध ठहरूसावाळा मा येळ घन सप्सिक्कु आऊक शुद्ध ठहरूसुल, आग आ जीत्ता पक्षी इक मैदान दा बटिबुळुल.”

8 अदकि शुद्ध ठहरूसावाळा तान कपळागोळ इक तोळुल, अदकि सप्पा चुट्टी बोळस्कु नीर देल मय तोळुल, आग आव शुद्ध ठहरूस्यान; अदकि अदुर बाददा आव छावनी दा बरूल, लेकीन येळ दनि ताका ड्यारा टु वहार्या अच ईरूल.

9 अदकि येळवा दशी आव ताल्ला, दाढी अदकि भौऊ उन सप्पा चुट्टी मुंडुसुल, अदकि सप्पा अंग मुंडन माळसुसुल, अदकि तान कपळागोळ इक तोळुल, अदकि नीर देल मय तोळुल, आग आव शुद्ध ठहरूस्यान.

10 “आठवा दशी आव येढुद तंदरूस्त म्यांडा अनंद पाड्डागोळ, अदकि ऊंद वर्ष इन तंदरूस्त म्यांडा अनंद पाड्डा, अदकि अनन्भेट इन साटी याण्णा देल हचकु एपा अनंद अईद कल्लो मैदा, अदकि आरधा लीटर याण्णा तरूल.

11 अदकि शुद्ध ठहरूसावाळा याजक ई वस्तुगोळ सांगुळ आ शुद्ध आगावाळा मंळसा अक यहोवा अनंद मुंद भेंटमाळोद तम्बू उन द्वार मा नदिरकु ईरूल.”

12 आग याजक ऊंद म्यांडा अनंद पाड्डा हुळकु दोषबली इन साटी अदरी अदकि आरधा लीटर इन आसपास याण्णा अक हात्ती तरूल, अदकि ईव येढुद उक हालुसोद भेंट इन साटी यहोवा अनंद मुंद हालुसुल;

13 अदकि आव आ म्यांडा अन्द पाड्डा अक अदा जागा दा यल अद पापबली अदकि होमबली पशुगोळ्द बलदिन माळतेला ईरूल, मतलब पवतिर जागा दा बलदिन माळुल; यतकी जसा पापबली याजक उन नजि भाग आदीत हांग अच दोषबली भी आऊन दा नजि भाग ठहरूसीत; आव परमपवतिर आन.

14 आग याजक दोषबली इन रकत दा टु थ्वाळासा हुळकु शुद्ध ठहरूसावाळा अन्द ऊजवा कीव इन ताल्ला मा, अदकि आऊन ऊजवा कय अदकि ऊजवा कय इन बेल्लगोळ मा हचुल.

15 आग याजक आ लोज तीम याण्णा दा टु थ्वाळासा हुळकु तान डाक्या कय इन हथेली मा हाकुल,

16 अदकि याजक तान ऊजवा कय इन बेल्ल इक तान डाक्या हथेली इन याण्णा दा डोब्सकु आ याण्णा दा टु येनारा तान बेल्लगोळ देल यहोवा अन्द मुंद येळ घन सपिसुल.

17 अदकि जो याण्णा आऊन हथेली मा ईतोदति याजक अदुर दा टु येनारा शुद्ध आगावाळा अन्द ऊजवा कीव इन ताल्ला मा, अदकि आऊन ऊजवा कय अदकि ऊजवा काल इन बेल्लगोळ मा दोषबली इन रकत इन म्याकुच हचुल;

18 अदकि जो याण्णा याजक उन हथेली मा ईतोदति अदरी आव शुद्ध आगावाळा अन्द ताल्ला मा हाक्क बुळुल. अदकि याजक आऊन साटी यहोवा अन्द मुंद प्रायश्चति माळुल.

19 याजक पापबली इक भी येर्सकु आऊन साटी जो तान अशुद्धता देल शुद्ध आगावाळा ईरूल प्रायश्चति माळुल; अदकि आऊन बाददा होमबली पशु उन बलदिन माळकु

20 अन्नभेट सांगुळ वेदी मा येरसुल अदकि याजक आऊन साटी प्रायश्चति माळुल, अदकि आव शुद्ध ठहरूस्यान.

21 “लेकीन अगर आव गरीब ईरूल अदकि येनारा तरोर साटी आऊन हात्ती पूंजी ईला ईरूल, रा आव तान प्रायश्चति माळसुसोर साटी, हालुसोद साटी म्यांडा अन्द पाड्डा दोषबली

इन साटी, अदकि याण्णा देल हतकु एपा अईद कल्लो मैदा
अन्नभेट माळकु, अदकि आरधा कल्लो याण्णा तरूल;

22 अदकि येदूढ पंडुक, या कबूतर इन येदूढ पाड्डा तरूल, जो
आव तर सकुल; अदकि इदुर दा टु ऊंद रा पापबली इन साटी
अदकि दुसरा होमबली इन साटी ईरूल.

23 अदकि आठवा दशी आव ई सप्पा अक तान शुद्ध ठहरूसोर
साटी भेंटमाळोद तम्बू उन द्वार मा, यहोवा अन्द मुंद, याजक
उन हात्ती तरूल;

24 आग याजक आ आरधा कल्लो याण्णा अदकि
दोषबलीवाळा म्यांडा अन्द पाड्डा अक हुळकु हालुसोद भेंट इन
साटी यहोवा अन मुंद आळगाळसुल.

25 बाक दोषबली इन म्यांडा अन्द पाड्डा अन बलदान
माळकु आगुल; अदकि याजक अदुर रक्त दा टु थ्वाळासा हुळकु
शुद्ध ठहरूसावाळा अन्द ऊजवा कीव इन ताल्ला मा, अदकि
आऊन ऊजवा कय अदकि ऊजवा काल इन अंगूटागोळ मा
हचुल.

26 बाक याजक आ याण्णा दा टु थ्वाळासा तान डाक्या कय
इन हथेली मा हाक्कु,

27 तान ऊजवा कय इन बेल्ल देल तान डाक्या हथेली
माकळोद याण्णा दा टु याजक थ्वाळासा यहोवा अन्द मुंद येळ
घन सपिसुल;

28 बाक याजक तान हथेली माकळोद याण्णा दा टु येनारा
शुद्ध ठहरूसावाळा अन्द ऊजवा कीव इन ताल्ला मा, अदकि
आऊन ऊजवा कय अदकि ऊजवा काल इन बेल्लगोळ, मा
दोषबली इन रक्त इन जागा मा हचुल.

29 अदकि जो याण्णा याजक उन हथेली मा ईतोगुल अदरी
आव शुद्ध ठहरूसावाळा साटी यहोवा अन्द मुंद प्रायश्चति
माळोर साटी कीव इन क्वाना मा हाक्क बुळुल.

30 आग आव पंडुक या कबूतर इन पाइडागोळ दा टु जो आव तर सकीदान ऊंद पाइडा अक येरसुल,

31 मतलब जो पक्षी आव तर सकीदान, अदुर दा टु ऊंद पाइडा अक पापबली इन साटी अदकि अन्नभेट सांगुळ दुसरा अक होमबली इन साटी येरसुल; ई रीती देल याजक शुद्ध ठहरूसावाळा अन्न साटी यहोवा अन्न मुंद प्रायश्चिति माळुल.

32 यारी कोढ़ इन चट्टा आग्याव, अदकि आऊन ईट पूंजी ईला ईरूल की आव शुद्ध ठहरूसोद सामान तर सकुल, रा आऊन साटी ईदा व्यवस्था आद.”

भवन इन कोढ़

33 बाक यहोवा मूसा अदकि हारून से अंदुन,

34 “याग नीव लॉकुर कनान द्याश दा पोहचुसीर, यारी ना नीमद खुद इन भूमी आगोर साटी नीमी कोळतीन, आ समय अगर ना कोढ़ इन चट्टा नीमद अधिकार इन यातोदारा मान्ना दा तोरसाईन,

35 रा यार्द अद मान्ना ईरूल आव बनकु याजक उक हेळ बुळुल की नानी हगि कांळ्सकु बळितद की मान्ना दा मान्सी यावारा चट्टा आद.

36 आग याजक आग्या कोळुल की आ मान्ना दा चट्टा नोळोर साटी नांद होगोर से पयला अदरी खाली माळी, ईलारा हगि ना आगुल की जो येनारा मान्ना दा ईरूल सब अशुद्ध ठहरूसुल; अदकि ईदुर बाददा याजक मान्ना नोळली बुळ्क होगुल.

37 आग आव आ चट्टा अक नोळुल; अदकि अगर अद चट्टा मान्ना अन्न दवारगोळ मा हविरा-हविरा या क्याचाँद-क्याचाँद मान्सी अगुळकु लकीरगोळ्द रूप दा ईरूल, अदकि ईव लकीरगोळ दवार दा खोल कांळ्सकु बळितद,

38 रा याजक मान्ना टु व्हार्या द्वार मा होगकु मान्ना अक येळ दनि ताका बंद माळकु ईट्टुल.

39 अदकि येळवा दशी याजक बनकु नोळुल; अदकि अगर अद चट्टा मान्ना अन्द दविरगोळ मा फैलुस्कु ईरूल,

40 रा याजक आग्या कोळुल कऱ्या कल्लगोळ इक चट्टा आद अदरी तेगुकु नगर टु व्हार्या यातोदारा अशुद्ध जागा दा भीळ बुळुल;

41 अदकि आव मान्ना अन्द बुळ्क इन बुळ्क नाकु दी वरपुसुल, अदकि अद वरपुसुद मुण्ण नगर इन व्हार्या यातोदारा अशुद्ध जागा दा हाक्कु आगुल;

42 अदकि आ कल्लगोळ जागा दा अदकि दुसरा कल्ल हुळ्कु हचुल अदकि याजक ताजा गारा हुळ्कु मान्ना अन्द जुळाई माळुल.

43 “अगर कल्लगोळ तेगुकु आगोद अदकि मान्ना अन्द वरपुसुद जुळाई अदकि पोचकु आगोद बाद्दा अद चट्टा बाक मान्ना दा मात्त होळुल,

44 रा याजक बनकु नोळुल; अदकि अगर अद चट्टा मान्ना दा फैलुसेग्याद, रा आव जान्स कोमुल कऱ्या मान्ना दा हानकारक कोद आद; अद मान्ना अशुद्ध आद.

45 अदकि अद सप्पा गारा सांगुळ कल्ल, हुळ्ली अदकि मान्ना अक अगुळकु केडु बुळुल; अदकि आ सप्पा वस्तुगोळ इक नेगुकु नगर टु व्हार्या यातोदारा अशुद्ध जागा मा भळिसुस बुळुल.

46 अदकि यागासताका अद मान्ना बंद ईरूल आगासताका अगर यावारा अदुर्दा होगुल रा आव द्यावगाताका अशुद्ध ईरूल;

47 अदकि जो यावारा आ मान्ना दा मगुल आव तान कपळागोळ इक तोळुल; अदकि जो यावारा आ मान्ना दा येनारा तनुल आव भी तान कपळागोळ इक तोळुल.

48 “पर अगर याजक बनकु नोळुल कऱ्यागी टु मान्ना लपिस्कु आग्याद आगी टु अदुर्दा चट्टा फैलुसीदलि, रा ईद जान्सकु कऱ्या

अद चट्टा दुर आगोग्याद, मान्ना अक शुद्ध ठहरसुल.

49 अदकि आ मान्ना अक पवतिर माळोर साटी येढढ पक्षी, देवदार इन हुळ्ली, क्याचाँद रंग इन कपळा अदकि जूफा अन मार्र तरूल,

50 अदकि ऊंद पक्षी वाहुसतेला नीर इन म्याकुच मुण्ण इन बर्तन दा बलदान माळुल,

51 आग अद देवदार मार्र इन हुळ्ली, क्याचाँद रंग इन कपळागोळ अदकि जूफा अदकि जीत्ता पक्षी ई सप्पा अक हुळकु बलदान माळ्द पक्षी इन रकत दा अदकि वाहुसतेला नीर दा मुळकुस बुळुल, अदकि आ मान्ना मा येळ घन सपिसुल.

52 ईद प्रकार अद पक्षी इन रकत, अदकि वाहुसतेला नीर, अदकि जीत्ता पक्षी, अदकि देवदार मार्र इन हुळ्ली, अदकि जूफा अदकि क्याचाँद रंग इन कपळा अन्द द्वारा मान्ना अक पवतिर माळुल;

53 आग आव जीत्ता पक्षी इक नगर टु व्हार्या मैदान दा बटिट बुळुल; ईदा रीती देल आव मान्ना अन्द साटी प्रायश्चति माळुल, आग आव शुद्ध ठहरस्यान.”

54 सप्पा प्रकार इन कोढ इन चट्टा, अदकि सेहुएँ,

55 अदकि कपळा, अदकि मान्ना अन्द कोढ,

56 अदकि सुजन, अदकि फ्वाळा, अदकि दाग इन बारा दा,

57 शुद्ध अदकि अशुद्ध ठहरसोद शक्खा कोळोद व्यवस्था ईदा हुंद. सप्पा प्रकार इन कोढ इन व्यवस्था ईदा हुंद.

15

मय दा टु वाहुसोद अशुद्ध स्त्राव

1 बाक यहोवा मूसा अदकि हारून से अंदुन,

2 “इस्राएलीगोळ से अनी की या-या गंळस उन मय दा टु स्त्राव होगुल, रा आव स्त्राव इन कारण देल अशुद्ध ठहरसुल.

3 अद चाहे वाहुसतेला ईरूल, चाहे वाहुसोद बंद भी ईरूल, तो भी आऊन अशुद्धता बनसकु ईत्तीत.

4 यारी स्त्राव ईरूल आव या-या बच्छिौना मा मगिल अद अशुद्ध ठहरूसुल. या वस्तु मा आव कुरतान अद भी अशुद्ध ठहरूसुल.

5 अदकि जो यावारा आऊन हासक्या अक मुटुल आव तान कपळागोळ इक तोळुकु नीर देल मय तोळुल, अदकि द्यावगाताका अशुद्ध ठहरूसकु ईरूल.

6 अदकि यार दा स्त्राव ईरूल अदकि आव या वस्तु मा कुरतकु ईरूल, अदुर मा जो यावारा कुरूल आव तान कपळागोळ इक तोळुकु नीर देल मय तोळुल, अदकि द्यावगाताका अशुद्ध ठहरूसकु ईरूल.

7 अदकि यारदा स्त्राव ईरूल आऊन से जो यावारा मुटुकु आगुल आव तान कपळागोळ इक तोळुकु नीर देल मय तोळुल अदकि द्यावगाताका अशुद्ध ईरूल.

8 अदकि यारदा स्त्राव ईरूल अगर आव यातोदारा शुद्ध मंळसा मा ऊगळुल, रा आव तान कपळागोळ इक तोळुकु नीर देल मय तोळुल, अदकि द्यावगा ताका अशुद्ध ईरूल.

9 अदकि यारदा स्त्राव ईरूल आव सवारी या वस्तु मा कुरूल अद अशुद्ध ठहरूसुल.

10 अदकि जो यावारा यातोदारा वस्तु उक जो आऊन ल्यालमा ईटकु ईरूल मुटुल, आव द्यावगाताका अशुद्ध ईरूल; अदकि जो यावारा हगि यातोदारा वस्तु उक नेगुल आव तान कपळागोळ इक तोळुकु नीर देल मय तोळुल, अदकि द्यावगाताका अशुद्ध ईरूल.

11 अदकि यारदा स्त्राव ईरूल आव यावारा वळ्लीद मंळसा अक बनिा कय तोळुकु मुटुल रा आ मंळसा तान कपळागोळ इक तोळुकु नीर देल मय तोळुल, अदकि द्यावगाताका अशुद्ध ईरूल.

12 अदकि यारदा स्त्राव ईरूल आव मुण्ण इन यातोदारा बर्तन

इक कय हचुल अद वळकु आगुल, अदकि हुळ्ली इन माळ्द सप्पा प्रकार इन बर्तन नीर देल तोळुकु आगुल.

13 “बाक यारदा स्त्राव ईरूल आव याग तान रोग देल चंगा आगेगुल, आगी टु शुद्ध ठहरूसोद येळ दनि आळु कोमुल, अदकि अऊरव बतिसदुर मा तान कपळागोळ इक तोळुकु वाहुसतेला नीर देल मय तोळुल; आग आव शुद्ध ठहरूस्यान.

14 अदकि आठवा दशी आव येद्ध पंडुक या कबूतर इन येद्ध पाड्डा हुळकु भेंटमाळोद तम्बू उन द्वार मा यहोवा अन्द मुंद होगुकु अवरी याजक उक कोळुल.

15 आग याजक अऊर दा टु ऊंद पापबली; अदकि दुसरा अक होमबली इन साटी भेंट येरसुल; अदकि याजक आऊन साटी आऊन स्त्राव इन कारण यहोवा अन्द मुंद प्रायश्चिति माळुल.

16 “बाक अगर यावारा गंळस उन वीर्यपात आगेगुल, रा आव तान पुरा मय इक नीर देल तोळुल, अदकि द्यावगाताका अशुद्ध ईरूल.

17 अदकि यातोदारा कपळा या तोगुल मा अद वीर्य बळिल अद नीर देल तोळुकु आगुल, अदकि द्यावगाताका अशुद्ध ईरूल.

18 अदकि जब यावारा गंळस आर्त से प्रसंग माळुल रा आंदुर येद्ध मुंदुर नीर देल मय तोळुल, अदकि द्यावगाताका अशुद्ध ईरूल.

19 “बाक याग यातोदारा आर्त मासीक पाळी देल ईरूल, रा आक येळ दनि ताका अशुद्ध ठहरूसकु ईरूल, अदकि जो यावारा आकीक मुटुल आव द्यावगाताका अशुद्ध ईरूल.

20 अदकि यागासताका अशुद्ध ईरूल आगासताका या-या वस्तु मा आक मगिल, अदकि या-या वस्तु मा आक कुरूल अव सप्पा अशुद्ध ठहरूसुल.

21 अदकि जो यावारा आकीन हासक्या अक मुटुल आव तान कपळा अक तोळुकु नीर देल मय तोळुल, अदकि द्यावगाताका

अशुद्ध ईरूल.

22 अदकि जो यावारा यातोदारा वस्तु उक मुटुल यदुर मा आक कुर्तकु ईरूल आव तान कपळा तोळुकु नीर देल मय तोळुल, अदकि द्यावगाताका अशुद्ध ईरूल.

23 अदकि अगर हासक्या या अदकि यातोदारा वस्तु मा यदुर मा आक कुर्तकु ईरूल मुटदुर समय आकीन रकत हतकु ईरूल, रा मुट्टावाळा द्यावगाताका अशुद्ध ईरूल.

24 अदकि अगर यावारा गंळ्स आकीन से प्रसंग माळुल, अदकि आकीन रकत आऊक हत्तेगुल, रा आ गंळ्स येळ दनि ताका अशुद्ध ईरूल, अदकि या-या हासक्या मा आक मगिल अव सप्पा अशुद्ध ठहरूसुल.

25 “बाक अगर यातोदारा आर्त इन तान मासीक धर्म इन नयिक्त समय देल येक्कुल दनि ताका रकत वाहुसतेला ईरूल, या आ नयिक्त समय देल येक्कुल समय ताका मासीक धर्म ईरूल, रा यागासताका आक हगि दशा दा ईरूल आगासताका आक अशुद्ध ठहरूसकु ईरूल.

26 आकीन मासीक पीळा ईरोद सप्पा दनिगोळ दा या-या बळ्छौना मा आक मगिीदुर अव सप्पा आकीन मासीक धर्म इन बळ्छौना अनंद घाई ठहरूसुल; अदकि या-या वस्तु मा आक कुरूल अव भी आकीन मासीक धर्म ईरोद दनिगोळ्द घाई अशुद्ध ठहरूसुल.

27 अदकि जो यावारा आ वस्तुगोळ इक मुटुल अव अशुद्ध ठहरूसुल, इदुरसाटी आव तान कपळागोळ इक तोळुकु नीर देल मय तोळुल, अदकि द्यावगाताका अशुद्ध ईरूल.

28 अदकि याग आ आर्त तान मासीक धर्म देल शुद्ध आगेगुल, आगी टु आक येळ दनि आळु कोमुल, अदकि आ दनिगोळ बतिसदुर मा आक शुद्ध ठहरूसुल.

29 बाक आठवा दशी आक येढ्ढ पंडुक या कबूतर इन येढ्ढ पाड्डा हुळकु भेंटमाळोद तम्बू उन द्वार मा याजक उन हात्ती

होगुल.

30 आग याजक ऊंद पाइडा अक पापबली अदकि दुसरा अक होमबली इन साटी येरसुल; अदकि याजक आकीन साटी आकीन मासीक धर्म इन अशुद्धता अन्द कारण यहोवा अन्द मुंद प्रायश्चति माळुल.

31 “ई प्रकार देल नीव इस्राएलीगोळ इक आंदुर अशुद्धता देल अलग ईटी, ईलारा हगि न आगुल कि आंदुर यहोवा अन्द नवास इक जो आंदुर न्याइया दा आर अशुद्ध माळकु तान अशुद्धता दा फसुसकु सोतोगुल.”

32 यारदा स्त्राव ईरूल अदकि जो गंळ्स वीर्यपात आगदुर देल अशुद्ध ईरूल;

33 अदकि जो आर्त मासीक धर्म दा ईरूल, अदकि येन गंळ्स येन आर्त, इंदुर दा टु यारीकारा धातुरोग ईरूल, अदकि जो गंळ्स अशुद्ध आर्त इन सांगुळ प्रसंग माळुल, ई सप्पा मुंदुर साटी ईदा व्यवस्था हुंद.

16

पाप देल छुटकारा अन्द दनि

1 जब हारून उन येदद पारगोळ यहोवा अन्द मुंद आऊन हात्ती होगकु सोतोदुर, अदुर बाददा यहोवा मूसा से मातगोळ माळदुन;

2 अदकि यहोवा मूसा से अंदुन, “तान वार्ट हारून से अन कि सन्दुक इन म्याकुच इन प्रायश्चतिवाळा ढकनगोळ्द मुंद, न्याइयावाळा पळदागोळ्द बुळक, अर्त पवतिर जागा दा हर समय प्रवेश माळबाळी, ईलारा सोतोदान; यतकी ना प्रायश्चतिवाळा ढकनगोळ्द म्याकुच बादल दा कांळ्सकु बळिईन.”

3 याग हारून अतपिवतिर जागा दा प्रवेश माळुल आग ई रीति देल प्रवेश माळुल, मतलब पापबली इन साटी ऊंद वस्ता अक अदकि होमबली इन साटी ऊंद म्यांडा अक हुळकु बरूल.

4 आव सन इन कपळा अन्द पवतिर अंगरखा, अदकि तान तन मा सनी इन कपळा अन्द जंग्या हाक्कु, अदकि सनी इन कपळा अन्द पट्टा, अदकि सनी इन कपळा अन्द पगळी कटकु प्रवेश माळुल; ईव पवतिर कपळा हूँ, अदकि आव नीर देल मय तोळुकु ईवरी हाकुल.

5 बाक आंदुर इस्राएलगिळ्द मंडली इन हात्ती टु पापबली इन साटी येढ्ढ व्हातगोळ अदकि होमबली इन साटी ऊंद म्यांडा कोमुल.

6 अदकि हारून आ पापबली इन वस्ता अक जो आऊंदा साटी आदीत येरसकु तान अदकि तान घराना अन्द साटी प्रायश्चति माळुल.

7 अदकि आ येढ्ढ व्हातगोळ इक हुळकु भेंटमाळोद तम्बू उन द्वार मा यहोवा अन्द मुंद नदिरसुल;

8 अदकि हारून येढ्ढ व्हातगोळ मा चट्टीगोळ हाकुल, ऊंद चट्टी यहोवा अन्द साटी अदकि दुसरा अजाजेल* उन साटी ईरूल.

9 अदकि या व्हात मा यहोवा अन्द हेसुर इन चट्टी होळुल अदरी हारून पापबली इन साटी येरसुल;

10 लेकीन या व्हात मा अजाजेल उन साटी चट्टी होळुल आव यहोवा अन्द मुंद जीत्ता नदिरसकु आगुल कर् अदुर देल प्रायश्चति माळुकु आगुल, अदकि अद अजाजेल उन साटी आळी दा बटिकु आगुल.

11 “हारून आ पापबली इन वस्ता अक, जो आऊंदा साटी आदीत, हात्ती हुळकु बरूल, अदकि अदरी बलदान माळुकु तान

* 16:8 16:8 ऊरा बीळोर साटी

अदकि तान घराना अन्द साटी प्रायश्चति माळुल.

12 अदकि जो वेदी यहोवा अन्द मुंद आद, अदुर माकळव होततेला कोयलागोळ देल तुमकु धूपदान इक हुळकु, अदकि तान येढु मुट्टीगोळ इक कुटकु सुगन्धति धूप देल तुमकु, न्याइयावाळा परदा अन्द बुळक तेनकु

13 आ धूप इक यहोवा अन्द मुंद बेक्की दा हाकुल, यदुर देल धूप इन धुंगा साक्षीपत्र अन्द म्याकुच इन प्रायश्चति इन ढकन इन म्याकुच छासेगुल, ईला रा अद सोतोदीत;

14 आग आव वस्ता अन्द रक्त दा टु थवाळासा हुळकु पूरब इन दी प्रायश्चति इन ढकन इन म्याकुच तान बेल्लगोळ देल सपिसुल, अदकि बाक आ रक्त दा टु थवाळासा बेल्लगोळद द्वारा आ ढकन उन मुंद भी येळ घन सपिस बुळुल.”

15 बाक आव आ पापबली इन व्हात इक जो साधारण जनता अन्द साटी ईत्तीत बलदान माळकु अदुरद रक्त इक न्याइयावाळा परदा अन्द बुळक तूल, अदकि या प्रकार वस्ता अन्द रक्त देल आव माळीदुन ठीक हांग अच आव व्हात इन रक्त देल भी माळुल, मतलब अदरी प्रायश्चति इन ढकन इन म्याकुच अदकि आऊन मुंद सपिसुल.

16 अदकि आव इस्राएली लॉकुरद अशुद्धता, अदकि अपराधगोळ, अदकि आंदुरव सप्पा पापगोळद कारण पवतिर जागा अन्द साटी प्रायश्चति माळुल; अदकि भेट माळोद तम्बु जो आंदुर सांगुळ आंदुर भाँत-भाँत इन अशुद्धता अन्द बीच ईरतद अदुर साटी भी आव हांग अच माळुल.

17 जब हारून प्रायश्चति माळोर साटी अर्त पवतिर जागा दा प्रवेश माळुल, आगी टु यागासताका आव तान अदकि तान घराना अदकि इस्राएल इन पुरा मंडली इन साटी प्रायश्चति माळकु व्हार्या होळ बाळुल आगासताका यावारा मळसा भेटमाळोद तम्बू दा ईरबाळुल.

18 बाक आव होटकु आ वेदी इन हात्ती जो यहोवा अन्द मुंद

आन होगुल अदकि आऊन साटी प्रायश्चति माळुल, मतलब वस्ता अनूद रकत अदकि व्हात इन रकत येढु दा टु थ्वाळासा हुळकु आ वेदी इन नाकु क्वाना अनूद सींगगोळ मा हचुल.

19 अदकि आ रक्ता दा टु थ्वाळासा तान बेल्लगोळ्द द्वारा येळ घन अदुर मा छळिकुसकु अदरी इस्राएली लॉकुरद अशुध्दता बळिस्कु शुद्ध अदकि पवतिर माळुल.

बलिइन व्हात

20 “याग आव पवतिर जागा अदकि भेंटमाळोद तम्बू अदकि वेदी इन साटी प्रायश्चति माळ कोडुर बाददा, आग जीत्ता व्हात इक मुंद तहूल;

21 अदकि हारून तान येढु कय इक जीत्ता व्हात मा ईटकु इस्राएलगोळ्द सप्पा दुष्कर्म इन सप्पा क्याल्सागोळ, अदकि आंदुरव सप्पा अपराधगोळ, मतलब आंदुरव सप्पा पापगोळ इक अंगीकार माळुल, अदकि आंदरी व्हात इन ताल्ला मा हुळकु अदरी यावारा मंळसा अनूद कय जो ई क्याल्सा अनूद साटी तयार ईरूल सुनसान आळी दा कळुकु बळिस बुळुल.

22 अद व्हात आंदुर सप्पा दुष्कर्म इन क्याल्सागोळ इक तान म्याकुच लादस्कु यातोदारा सुनसान जागा दा नेगुकु वोतान; इदुरसाटी आ व्हात इक आळी दा बटिबुळुल.

23 “आग हारून भेंटमाळोद तम्बू दा बरूल, अदकि या सन इन कपळा गोळ इक हाक्कु आव अतपिवतिर जागा दा प्रवेश माळीदुन अदरी तेगुकु अल्या ईट बुळुल.

24 बाक आव यातोदारा पवतिर जागा दा नीर देल मय तोळुकु तान रोजी नव कपळा हाक्क कोमुल, अदकि व्हाण्या होगकु तान होमबलि अदकि साधारण जनता अनूद होमबली इक येरसकु तान अदकि जनता अनूद साटी प्रायश्चति माळुल.

25 अदकि पापबली इन चरबी इक आव वेदी मा होताकुल.

26 अदकि जो मंळसा व्हात इक अजाजेल उन साटी बटिकु बरूल आव भी तान कपळागोळ इक तोळुल, अदकि नीर देल मय तोळुल, अदकि आग आव छावनी दा प्रवेश माळुल.

27 अदकि पापबली इन पाड्डा अदकि पापबली इन व्हात इक भी अदुर रकत पवतिर जागा दा प्रायश्चति माळोर साटी पोहचुस्कु आगुल अव येदुदु छावनी टु व्हाया पोहचुस्कु आगुल; अदकि अऊर तोगुल, चचिची, अदकि सेगळी बेक्की दा होताक्कु आगुल.

28 अदकि जो अवरी होताकुल आव तान कपळागोळ इक तोळुल, अदकि नीर देल मय तोळुल, अदकि इदुर बाददा आव छावनी दा प्रवेश माळुल.

प्रायश्चति इन दनि मानसोद

29 “नीव लॉकुर साटी ईद सदा अनूद वधी आदीत की सातवा तगिळ इन दसवा दनि इक नीव उपास माळेतीर, अदकि आ दनि यावारा, चाहे अद नीमूद खुद इन द्याश इन ईरूल चाहे नीमूद न्याड्या ईरावाळा यावारा देशी या परदेशी ईरूल, यावारा भी यातोदारा प्रकार इन कयाल्सा धंदा माळबाळुल;

30 यतकी आ दनि नीमी शुद्ध माळोर साटी नीमूद नमित्त प्रायश्चति माळकु आदीत; अदकि नीव तान सप्पा पापगोळ देल यहोवा अनूद मुंद पवतिर ठहरूसीर.

31 ईद नीमूद साटी परम आराम इन दनि ठहरूसीत, अदकि नीव आ दनि उपास माळेतीर अदकि यातोदारा प्रकार इन कयाल्सा धंदा माळेतीर; ईद सदा अनूद वधी हुंद.

32 अदकि जो तान आप्प उन जागा मा याजक पद इन साटी अभषिक अदकि शुद्ध माळकु आगुल आ याजक प्रायश्चति माळुल, मतलब आव सन इन कपळा गोळ इक हाक्कु,

33 पवतिर जागा, अदकि भेटमाळोद तम्बू, अदकि वेदी इन साटी प्रायश्चति माळुल; अदकि याजक उन अदकि मंडली इन

सप्पा लॉकुर साटी भी प्रायश्चति माळुल.

34 अदकि ईद नीम्द साटी सदा अन्द वधी आदीत, कि इस्राएलगिोळ्द साटी हर साल ऊंद घन नीम्द पुरा पापगोळ्द साटी प्रायश्चति माळकु आगुल.” यहोवा अन्द ई आग्या अन्द अनुसार जो आव मूसा अक कोटीदुन, हारून माळदुन.

17

रक्ता अन पवतिरता

1 बाक यहोवा मूसा से अंदुन,

2 “हारून अदकि आऊन पारगोळ से अदकि सप्पा इस्राएलगिोळ से अन कि यहोवा ईद आग्या कोट्टान:

3 इस्राएल इन घराना दा टु यावारा मंळसा ईरूल जो म्यांडा अन्द पाडडा, या मर्री इक, चाहे छावनी दा चाहे छावनी टु व्हार्या घात माळकु

4 भेंटमाळोद तम्बू उन द्वार मा, यहोवा अन्द नवास इन मुंद यहोवा अक येर्सोद नमित्त वीयबाळुल, रा आ मंळसा अक रक्त वाहुसोद दोष हत्तीत; अदकि आ मंळसा जो रक्त वाहुसावाळा ठहरूस्यान, आव तान लॉकुर न्याड्या टु नष्ट माळकु आदान.

5 ई वधी इन ईद कारण आद कि इस्राएली तान बलदान अवरी आंदुर खुला मैदान दा वध माळतार, आंदुर अवरी भेंटमाळोद तम्बू उन द्वार मा याजक उन हात्ती, यहोवा अन्द हात्ती, यहोवा अन्द साटी वोतकु आऊंदा साटी मेल-मलिप बलि माळकु बलदान माळकु आगुल;

6 अदकि याजक रक्त इक भेंटमाळोद तम्बू उन द्वार मा यहोवा अन्द वेदी इन म्याकुच सपिसुल, अदकि चरबी इक आऊन सुखदायक सुगन्ध इन साटी होताकुल.

7 आंदुर जो व्हातगोळ्द पूजक ईतकु व्यभिचार माळतार, आंदुर बाक तान बलि पशुगोळ इक आंदुर साटी बलदान

माळबाळुल. नीम्द पीढीगोळ साटी ईद सदा अन्द वधी आदीत.

8 “नी आंदुर से अन कइस्राएल इन घराना अन्द लॉकुर दा टु या आंदुर न्याड्या ईरावाळेर परदेशीगोळ दा टु यावारा मळसा यती ईरबाळुल जो होमबलिया मेलबलियेरसुल,

9 अदकि अदरी भेंटमाळोद तम्बू उन द्वार मा यहोवा अन्द साटी येरसोर साटी तरबाळुल; आ मळसा तान लॉकुर दा टु नष्ट माळकु आदान.

10 “बाक इस्राएल इन घराना अन्द लॉकुर दा टु या आंदुर न्याड्या ईरावाळेर परदेशीगोळ दा टु यावारा मळसा यती ईरबाळुल जो यातोदारा प्रकार इन रक्त तनिल, ना आ रक्त तनिवाळा अन्द दी टु तान बाय तरिगुस बुळाईन वमिख अदकि आऊन लॉकुर न्याड्या दा टु नष्ट माळ बुळाईन.

11 यतकी मय इन जीव रक्त दा ईरतद; अदकि अदरी ना नीम लॉकुरी वेदी मा येरसोर साटी कोट्टीन कं नीम्द जीवगोळ साटी प्रायश्चति माळकु आगुल; यतकी जीव इन साटी रक्त टु उच प्रायश्चति आगतद.

12 ई कारण ना इस्राएलगोळ से अनतीन कं नीम दा टु यावारा प्राणी रक्त तनिबाळुल, अदकि जो परदेशी नीम्द न्याड्या ईरतान आव भी रक्त यागलु तनिबाळुल.”

13 “इस्राएलगोळ दा टु या आंदुर न्याड्या ईरावाळेर परदेशीगोळ दा टु, यावारा मळसा यती ईरबाळुल, जो शकार माळकु तनिोद योग्य पशु या पक्षी इक हुडुल, आव अऊर रक्त इक पलटुस्कु धुळा देल झाक्स बुळुल.

14 यतकी मय इन जीव जो आद अद आऊन रक्त अच हुंद जो आऊन जीव इन सांगुळ ऊंद आद; इदुरसाटी ना इस्राएलगोळ से अनतीन कं यातोदु प्रकार इन प्राणी इन रक्त इक नीव तनिबाळेतीर, यतकी सप्पा प्राणीगोळ्द जीव आंदुर रक्त अच हुंद; जो यावारा अदरी तदिान आव नष्ट माळकु आदान.”

15 “अदकि चाहे अद देशी ईरूल या परदेशी ईरूल, जो यावारा यातोदारा लोथ या हरदकु पशु उन चच्चिची तनिल आव तान कपळागोळ इक तोळुकु नीर देल मय तोळुल, अदकि द्यावगाताका अशुद्ध ईरूल; आग आव शुद्ध आदान.

16 लेकीन अगर आव अवरी ईला तोळदान अदकि मय तोळुतीदलि, रा आऊक तान दुष्कर्म इन भार खुद नेगगोद बदिदीत.”

18

यौन नैतिकिता अन्द नयिम

1 बाक यहोवा मूसा से अंदुन,

2 इस्राएलगोळ से अन कनि नीमद परमेश्वर यहोवा हुईन.

3 नीव मसित्तर द्याश इन क्यालसागोळ्द अनुसार व्यवहार माळबाळेतीर, यदुर्दा नीव ईरतोगीर, माळबाळेतीर; अदकि कनान द्याश इन अनुसार भी, यल ना नीमी ओयेतीन, माळबाळेतीर; अदकि न आ द्याशगोळ्द वधीगोळ मा नळेतीर.

4 नांद अच नयिमगोळ इक मान्सेतीर, अदकि नांद अच वधीगोळ इक मान्सतेला अदुर मा नळेतीर. ना नीमद परमेश्वर यहोवा हुईन.

5 इदुरसाटी नीव नांद नयिमगोळ अदकि नांद वधीगोळ इक हमेशा मान्सेतीर; जो मंळसा अवरी मानस्यान आव अऊर कारण जीत्ता ईत्तान. ना यहोवा हुईन.

6 “नीम दा टु यावारा तान यातोवारा हात्ती नव कुटुम्बगोळ सांगुळ शारीरिक संबंध माळबाळी. ना यहोवा हुईन.”

7 तान मोय इन मय, जो नीमद आप्प उन मय हुंद, आकीन से शारीरिक संबंध ईटबाळी; आक रा नीमद मोय उर, इदुरसाटी नीव आकीन सांगुळ शारीरिक संबंध ईटबाळी.

8 तान सौतेला मोय से भी शारीरिक संबंध ईटबाळ; अदुर देल नींद आप्प उन ईज्जत होदीत.

9 तान आकतींग चाहे सगा ईरूल चाहे सौतेला ईरूल, चाहे आक मान्या दा पैदा आग्यार चाहे व्हार्या, आकीन से शारीरिक संबंध ईटबाळ.

10 नी तान नातुगीतनि सांगुळ शारीरिक संबंध ईटबाळ, बाक आक नींद पार उन पोर ईरूल या बाक नीन पोर इन पोर ईरूल; अदुर देल नींद अच बदनामी आदीत!

11 नीमद् सौतेला आकतींग जो नीमद् आप्प से पैदा आदुर, आक नीमद् आकतींग उर, ई कारण नी आकीन से शारीरिक संबंध ईटबाळ.

12 तान फूफी इन से शारीरिक संबंध ईटबाळ; आक रा नींद आप्प उन हात्तीनोर नातावळ्त उर.

13 तान मावसी से शारीरिक संबंध ईटबाळ; यतकी आक नींद मोय इन आकतींग हुळ.

14 नी तान काका अन्द बेईजती माळबाळ, मतलब आऊन हगिस् से शारीरिक संबंध ईटबाळ; आक रा नीमद् काकी हुळ.

15 तान सासा अन्द सांगुळ शारीरिक संबंध ईटबाळ, आक रा नीन पार उन हगिस् उर, ई कारण नीव आकीन सांगुळ शारीरिक संबंध ईटबाळ.

16 तान भाभी इन सांगुळ शारीरिक संबंध ईटबाळ, अदुर देल नींद वार्ट उन ईज्जत होदीत.

17 ऊंदाकान आर्त इन अदकि आकीन पोर इन म्हणजेच येदुदु मुंदरी मतलब आकीन नातुगीत इन सांगुळ बाक आक आकीन पोर इन पोर ईरूल या पार उन पोर ईरूल शारीरिक संबंध ईटबाळी. कारण आंदुर आकीन हात्तीनोर नातागोळ उर; हगि माळोद महापाप आंद.

18 नींद हगिस् जीत्ता ईतकु आकीन आकतींग इक हगिस् माळकु आकीन सवत तरबाळ; अदुर देल आंदुर आबुर दाबुरद् दुश्मन आदार; नी आकीन आकतींग इन सांगुळ शारीरिक संबंध ईटबाळ.

19 “बाक यागासताका याकारा आर्त तान महावारी इन कारण अशुद्ध ईरूल आगासताका आकीन सांगुळ शारीरिक संबंध ईटबाळ.”

20 बाक नी तान वार्ट बन्धु उन हगिस् उन सांगुळ शारीरिक संबंध ईटबाळ. अदुर देल नी अशुद्ध आद्या.

21 तान औलाद दा टु यारीकारा मोलेक द्याव इन साटी होम माळकु येस्बाळेतीर, अदकि न तान परमेश्वर उन हेसुर इक अपवर्तिर ठहरूसेतीर; ना यहोवा हुईन.

22 स्त्रीगमन उन रीती पुरुषगमन माळबाळेतीर; अद रा घनौना क्याल्सा हुंद.

23 यातोदारा पशु उन सांगुळ पशुगमन माळकु अशुद्ध आगबाळेतीर, अदकि न यावारा आर्त पशु उन मुंद इदुरसाटी नीदुरकु ईरूल क् आकीन सांगुळ कुकर्म माळुल; ईद रा उलटा मात हुंद.

24 “हगि-हगि यातोवारा भी क्याल्सा माळकु अशुद्ध आगबाळेतीर, यतकी या जातीगोळ इक ना नीमद मुंद टु तेगदुर मा आईन आंदुर हगि-हगि क्याल्सा माळकु अशुद्ध आगेग्याद;

25 अदकि आंदुर द्याश भी अशुद्ध आगेग्याद, ई कारण ना आऊन मा आऊन दुष्कर्म अन दण्ड कोळतीन, अदकि अद द्याश तान ईरावाळेर इन तेगु बुळतद.

26 ई कारण नीव लाँकुर नांद वधीगोळ अदकि नयिमगोळ इक हमेशा मानसेतीर, अदकि चाहे देशी, चाहे नीमद न्याड्या ईरावाळा परदेशी ईरूल, नीम दा टु यावारा भी हगि घनौना क्याल्सा माळबाळेतीर;

27 यतकी हगि सप्पा घनौना क्याल्सागोळ इक आ द्याश इन मंळसा जो नीम से पयला अदुरदा ईरतोगोर, आंदुर माळतेला बंदार, ईदुर देला अद द्याश अशुद्ध आग्याद.

28 ईग हगि ना आगुल क् या रीती देल जो राज्य नीम से

पयला आ दयाश दा ईरतोगोद, अदरी आव तेगु बुट्टुन, अदा रीती देल याग नीव आऊक अशुद्ध माळी, रा आव नीम इक भी तेगु बुट्टान.”

29 “जो यावारा हगि घनौना क्याल्सा माळतान आंदुर सप्पा प्राणी तान लॉकुर दा टु नष्ट माळकु आदार.”

30 “ईद आग्या जो ना नीम्द मान्सोर साटी कोट्टीन, अदरी नीव मानसेतीर, अदकि जो घनौना रीतगोळ नीम से पयला प्रचलति आद, अदुरदा टु यातोदारा रीती मा नळुबाळेतीर, अदकि न अदुर कारण अशुद्ध आगेतीर. ना नीम्द परमेश्वर यहोवा हुईन.”

19

पवतिरता अदकि न्याय इन नयिम

1 बाक यहोवा मूसा से अंदुन,

2 “इस्राएलगोळ्द पुरा मंडली से अन क नीव पवतिर बनसकु ईरी; यतकी ना नीम्द परमेश्वर यहोवा पवतिर आईन.”

3 नीव तान-तान मोय अदकि तान-तान आप्प उन आदर माळी, अदकि नांद आराम दनिगोळ्द अंज्क मान्सी ना नीम्द परमेश्वर यहोवा हुईन.

4 नीव मुरतीगोळ दी तरिग बाळेतीर, अदकि भगवानगोळ्द मुरतीगोळ इक ढाल्सकु माळबाळेतीर; ना नीम्द परमेश्वर यहोवा हुईन.

5 “याग नीव यहोवा अन्द साटी मेल-मलिप बली माळी, आग हगि बलदान माळेतीर यदुर देल ना नीम से प्रसन्न आगेगाईन.

6 अदुर चच्चि बलदान इन दशी अदकि दुसरा दशी तनिकु आगुल, लेकीन तीसरा दनि ताका जो मक्कि ईरूल अद बेक्की दा होत्ताकु आगुल.

7 अगर अदुर दा टु येनारा भी तीसरा दनि भी तनिकु आगुल, रा ईद अशुद्ध ठहरूस्यान, अदकि ग्रहण माळकु आगतीदलि.

8 अदकि अदरी तनिवाळा यहोवा अनन्द पवतिर पदार्थ अक अपवतिर ठहरूसतान, इदुरसाटी आऊक तान दुषुकर्म अन भार खुद नेगुगोद बदिदीत; अदकि अद प्राणी तान लाकुर दा टु नष्ट माळकु आदीत.”

9 “बाक याग नीव तान द्याश इन केई कळदीर, आग तान केई इन क्वाना-क्वाना ताका पूरा कडु बाळेतीर, अदकि कळकु केई इन बदिकु लाम्बागोळ इक आयबाळेतीर.

10 अदकि तान अंगुर इन बेली इन दाना-दाना मुरबाळेतीर, अदकि तान अंगुर इन बेली इन झळस्कु अंगुरगोळ इक नेगुबाळेतीर; अवरी गरीब अदकि परदेशी लाकुरगोळ साटी बट्टि बुळेतीर; ना नीम्द परमेश्वर यहोवा हुईन.”

11 “नीव काळलपन माळबाळेतीर, अदकि आबुर-दाबुर देल, कपट माळबाळेतीर, अदकि झुठ माताळबाळेतीर.”

12 नीव नांद हेसुर इन ख्वाटा कसम तनिकु तान परमेश्वर उन हेसुर अपवतिर ठहरूसबाळेतीर; ना यहोवा हुईन.

13 “आबुर-दाबुर मा अंधेर माळबाळेतीर, अदकि आबुर-दाबुर इक लुटस बाळेतीर. मजदुर उन मजदुरी नींद हात्ती पुरा ईळ्लक हागुल ईर बाळुल.”

14 बयरा मंळसा अक सराप कोळ बाळेतीर, अदकि कुदढ मंळसा अनन्द मुंद ठोकर ईटबाळेतीर; अदकि तान परमेश्वर उन भय मानसेतीर; ना यहोवा हुईन.

15 “न्याय दा कुटीलता माळबाळेतीर; अदकि न रा कंगाल उन पक्ष ताकोमेतीर अदकि न धोळ मंळसा अनन्द बाय नोळकु वचार माळोद; आबुर-दाबुरद न्याय धार्मकिता देल माळेतीर.”

16 नीव तान लाकुर न्याड्या दा नदि माळतेला वयाळबाळेतीर, अदकि आबुर-दाबुरद रक्त वाहुसोद योजनागोळ माळबाळेतीर; ना यहोवा हुईन.

17 “तान मन दा आबुर दाबुरद प्रतर्ति द्वेष ईटबाळेतीर; गलत माळदुर मा तान मान्ना हातळोर इक अवश्य डाटसेतीर, लेकीन आंदुरद अपराध दा सहभागी आगबाळेतीर ईला रा आऊन पाप इन भार नीनी नेगुगोद बदिदीत.”

18 बदला ताकोमबाळेतीर, अदकि तान लॉकुर अदकि मान्ना हातळोर वारटुर से दुश्मनी ईट बाळेतीर, लेकीन आबुर-दाबुर से तान घाई प्रेम ईटेतीर; ना यहोवा हुईन.

19 “नीव नांद वधीगोळ इक हमेशा मानसेतीर. तान जनावरगोळ इक दुसरा जाती इन जनावरगोळ से व्हाट्यादी आगगोळ बाळेतीर; तान केई दा येढ्ढ प्रकार इन बीजा ऊंद सांगुळ बोऊसगोळ बाळेतीर; अदकि सनी अदकि ऊन इन मलावट देल माळकु कपळा हाक्क बाळेतीर.”

20 बाक याकारा आर्त दासी ईरूल, अदकि आकीन सगाई यावारा गंळस से आगुल, लेकीन आक न रा दास देल अदकि न स्वतंत्र माळकु आगुल; आकीन से अगर यावारा कुकर्म माळुल, रा आ येढ्ढ मुंदरी दण्ड रा सकिकुल, पर आ आर्त इन स्वाधीन न आगोद कारण आंदुर येढ्ढ मुंदुर कोंदकु आगबाळुल.

21 पर आव गंळस भेटमाळोद तम्बू उन द्वार मा यहोवा अनंद हात्ती ऊंद म्यांडा दोषबली इन साटी तरूल.

22 अदकि याजक आऊन माळ्द पाप इन कारण दोषबली इन म्यांडा अन द्वारा आऊन साटी यहोवा अनंद मुंद प्रायश्चति माळुल; आग आऊन माळ्द पाप क्षमा माळकु आगुल.

23 “बाक याग नीव कनान द्याश दा पोहचुस्कु यातोदारा प्रकार इन काय इन मार हचेतीर, रा अदुर काय मुर वर्ष ताका नीम्द साटी मान्सी खतनारहति मान्सकु ईरूल; इदुरसाटी अदुर दा टु थ्वाळासा भी तनिकु आगबाळुल.

24 अदकि चौथा वर्ष दा अऊर सप्पा काय यहोवा अनंद स्तुति इन भेट इन रूप दा पवतिर ठहरूसुल.

25 आग पाचवा वर्ष दा नीव अऊर काय तनितीर, इदुरसाटी कऱि अऊर देल नीम इक हापाळ काय सकियाव; ना नीमद् परमेश्वर यहोवा हुईन.”

26 “नीव रकत हतकु यातोदारा चच्चि इक तनिबाळेतीर. अदकि टोना माळबाळेतीर, अदकि शुभ अदकि अशुभ मुहूर्तगोळ इक मान्सबाळेतीर.”

27 तान ताल्ला मा घ्यारा ईटकु मुंडन माळबाळेतीर, अदकि तान गाल्ला माकळव चुट्टीगोळ इक बोळसबाळेतीर.

28 लाशगोळ कारण तान मय इक बलिकुल चरिसबाळेतीर, अदकि अदुर्दा छाप हचबाळेतीर; ना यहोवा हुईन.

29 तान पोरगोळ इक वेश्या माळकु अपवतिर माळबाळेतीर, हगि ना आगुल कऱि द्याश वेश्यागमन इन कारण दुष्टता देल तुम्मेगुल.

30 नांद आराम दनि इक मानसेतीर, अदकि नांद पवतिर जागा अनद् भय हमेशा मानसेतीर; ना यहोवा हुईन.

31 “इंदरजालवाळा अदकि भूत इक तुळकाळसावाळा दी होगबाळेतीर, अदकि हगि मंळसागोळ्द खोज माळकु आंदुर कारण अशुद्ध आगबाळेतीर; ना नीमद् परमेश्वर यहोवा हुईन.

32 “हाळाबाट्ट उन मुंद येदकु नीदरेतीर, अदकि हाळाबाटुर्द आदर मान माळेतीर, अदकि तान परमेश्वर उन भय हमेशा मानसेतीर; ना यहोवा हुईन.

33 “अगर यावारा परदेशी नीमद् द्याश दा नीमद् सांगुळ ईरूल, रा आऊक सतुसबाळेतीर.

34 जो देशी या परदेशी नीमद् सांगुळ ईरूल आव नीमद् साटी द्याशवाळा अनद् घाई ईरूल, अदकि आऊन से तान अच घाई प्रेम ईटेतीर; यतकी नीव भी मसित्तर द्याश दा परदेशी ईरीर; ना नीमद् परमेश्वर यहोवा हुईन.

35 “नीव न्याय दा, अदकि परमान दा, अदकि तवल दा, अदकि नाप दा, कुटीलता माळबाळेतीर.

36 खरा तराजू, खरा बट्ट, खरा एप्पा, अदकि धर्म इन खरा लीटर नीम्द हात्ती ईरूल; ना नीम्द परमेश्वर यहोवा हुईन जो नीम इक मसित्तर द्याश टु तेगुकु तंदीन.

37 इदुरसाटी नीव नांद सप्पा वधिगिोळ इक अदकि सप्पा न्याय इन नयिमगोळ इक मान्सतेला हमेशा पालन माळी; ना यहोवा हुईन.”

20

प्राणदण्ड इन योग्य अलग-अलग पापगोळ्द वर्णन

1 बाक यहोवा मूसा से अंदुन,

2 “इस्राएलगिोळ से अन कर् इस्राएलीगोळ दा टु, या इस्राएलीगोळ्द न्याड्या ईरावाळेर परदेशीगोळ दा टु, यावारा यती ईरबाळुल, जो तान यातोदारा औलाद इक मोलेक* द्याव उक बलदान माळुल आव नश्चय कोंदकु आगुल; अदकि जनता आऊन मा कल्लगोळ भळुल.

3 ना भी आ मळसा अन्द वरिद्ध आगकु, आऊक आऊन लोंकुर दा टु ई कारण नाश माळाईन, कर् आव तान औलाद मोलेक द्याव उक कोटकु नांद पवतिर जागा अक अशुद्ध माळदुन, अदकि नांद पवतिर हेसुर इक अपवतिर ठहरूसदुन.

4 अदकि अगर यावारा तान औलाद मोलेक उक बलदान माळुल, अदकि जनता आऊन बारा दा आनाकानी माळुल, अदकि आऊक कौनबाळुल,

5 आग रा ना खुद आ मळसा अदकि आऊन घराना अन्द वरिद्ध आगकु आऊक अदकि यास मुंदुर आऊन हदि आगकु

* 20:2 20:2 कनानीगोळ्द द्वारा पुजनीय द्याव

मोलेक द्याव उन सांगुळ व्यभचारि माळुल आ सप्पा मुंदरी आंदुर लांकुरद न्याड्या दा टु नाश माळाईन.”

6 “बाक जो मंळसा इंदरजालवाळा या भूत तुळकाळसावाळा अन्द दी तरिगकु, अदकि आंदुर हदि आगकु व्यभचारी आगुल, आग ना आ मंळसा अन्द वरिद्ध आगकु आऊक आऊन लांकुरद न्याड्या दा टु नाश माळ बुळाईन.”

7 इदुरसाटी नीव तान तान इक पवतिर माळी; अदकि पवतिर बनसकु ईरी; यतकी ना नीमद परमेश्वर यहोवा हुईन.

8 अदकि नीव नांद वधिगिळ इक मानसेतीर, अदकि अदुर पालन भी माळेतीर; यतकी ना नीमी पवतिर माळावाळा यहोवा हुईन.

9 “यावारा यती न ईरबाळुल, जो तान आप्प या मोय इक सराप कोळुल आव नश्चिच कोंदकु आगुल; आव तान आप्प या मोय इक सराप कोट्टुन, ई कारण आऊन रकत आऊन ताल्ला मा बदिदीत.”

10 “बाक अगर यावारा मंळसा दुसरा अन आर्त इन सांगुळ व्यभचारि माळुल, रा याव यावारा दुसरा अन्द आर्त इन सांगुळ व्यभचारि माळीदान रा आव व्यभचारी अदकि आक व्यभचारिणी येद्धु मुंदुर नश्चिचि कोंदकु आगुल.”

11 अगर यावारा तान मोय इन सांगुळ मगिल, आव तान आप्प उन ईज्जत उघळुसावाळा ठहरूस्यान; इदुरसाटी आंदुर येद्धु मुंदुर नश्चिचि कोंदकु आगुल, आंदुर खुन आंदुरदा ताल्ला मा बदिदीत.

12 अगर यावारा तान सासा अन्द सांगुळ मगिल, रा आंदुर येद्धु मुंदुर नश्चिचि कोंदकु आगुल; यतकी आंदुर उलटा क्याल्सा माळावाळे ठहरूस्यार, अदकि आंदुर खुन आंदुरदा ताल्ला मा बदिदीत.

13 अगर यावारा मंळसा यातारा दुसरा मंळसा अन सांगुळ बेकार क्याल्सा माळतान, जसा यातारारा आर्त इन सांगुळ

माळुल, रा आंदुर येढ्ढु घनिनौना क्याल्सा माळावाळेर ठहरूस्यार; ई कारण आंदुर नश्चिति कोंदकु आगुल, आंदुर खुन आंदुरदा ताल्ला मा बद्दीत.

14 अगर यावारा तान हगिस अदकि तान आत्ता अक येढ्ढु मुंदरी ईट्टुल, रा ईद महापाप हुंद; इदुरसाटी आ गंळ्स अदकि आ आर्तेर मूर चा मूर मुंदुर बेक्की दा होत्ताकु आगुल, अदुर देल नीमद न्याड्या दा महापाप आगबाळुल.

15 बाक अगर यावारा गंळ्स पशु से संबंध माळतीदान, रा गंळ्स अदकि पशु येढ्ढु नश्चिति कोंदकु आगुल.

16 अगर याकारा आर्त पशु उन हात्ती होगकु अदुर सांगुळ कुकर्म्म माळुल, रा नी आ आर्त अदकि पशु येढ्ढु उक घात माळेत; आंदुर नश्चिति कोंदकु आगुल, आंदुर खुन आंदुरदा ताल्ला मा बद्दीत.

17 “अगर यावारा तान आकतींग इक, चाहे आऊन सगा आकतींग ईरूल चाहे सौतेला आकतींग, आकीन ऊगळा मय नोळुल, अदकि आऊन आकतींग भी आऊन ऊगळा मय नोळुल रा ईद नाचक्वाळा मात हुंद, आंदुर येढ्ढु तान जातीनोर वार्दुरद कण्णगोळ मुंद नाश माळकु आगुल; यतकी जो तान आकतींग इन मय ऊगुळसावाळा ठहरूस्यान आऊक तान दुष्कर्म्म अन्द भार खुद नेग्गोद बद्दीत.”

18 बाक अगर यावारा गंळ्स याकारा ऋतुमती आर्त इन सांगुळ मगिकु आकीन मय ऊगुळस्यान, रा आ गंळ्स आकीन रूधरि इन सोता अक ऊगुळसावाळा ठहरूस्यान, अदकि आ आर्त तान रूधरि इन सोता अक ऊगुळसावळत ठहरूस्यार; ई कारण आंदुर येढ्ढु मुंदुर तान लॉकुरद न्याड्या दा टु नाश माळकु आगुल.

19 तान मावसी या फुफी इन मय ऊगुळ्स बाळेतीर, यतकी जो अदरी ऊगुळस्यान तान हात्तीगोळेर रश्तेदारगोळ इक नंगा माळतान; इदुरसाटी इंदरी येढ्ढु मुंदरी तान दुष्कर्म्म अन्द भार नेग्गोद बद्दीत.

20 अगर यावारा तान काकी इन सांगुळ मगिल, रा आव तान काका अनंद ईज्जत ऊगुळसावाळा ठहरूस्यान; इदुरसाटी आंदुर येदुदु मुंदुर तान पाप इन भार इक नेगुतेला नरिवंश सोतोदार.

21 अगर यावारा तान भाभी इक तान हगिस् माळुल, रा इदरी घनौना क्याल्सा जान्सेतीर; अदकि आव तान वार्ट उन ईज्जत ऊगुळसावाळा ठहरूस्यान, ई कारण आंदुर येदुदु मुंदुर बनिा औलाद देल ईत्तार.

22 “नीव नांद सप्पा वधिगिळ अदकि नांद सप्पा नयिमगोळ इक समझ इन सांगुळ मानसेतीर; इदुर देल ईद आगबाळुल क्वा द्याश दा ना नीमी ओयेतीन अद नीमी भट्टि बुळुल.

23 अदकि या राज्य अन लॉकुर इक ना नीमद मुंद टु तेगुतीन आंदुरद रीती-रस्म मा नळुबाळतीर; यतकी आ लॉकुर जो ईव सप्पा कुकर्म माळदुर, ईदा कारण नानी आंदुर से घृणा आगेग्याद.

24 पर ना नीव लॉकुर से अनतीन क्वा नीव रा आंदुरद भूमि इन अधिकारी आदीर, अदकि ना ई द्याश इक यदुरदा हाल अदकि शयद इन धारागोळ वाहुसताव नीमद अधिकार दा माळ बुळईन; ना नीमद परमेश्वर यहोवा हुईन याव नीमी अन्य द्याशगोळ्द लॉकुर से अलग माळदुन.

25 ई कारण नीव शुद्ध अदकि अशुद्ध पशुगोळ दा, अदकि शुद्ध अदकि अशुद्ध पक्षगिळ दा भेद माळोद; अदकि यातोदारा पशु या पक्षी या यातोदारा प्रकार इन भूमी मा रेंगसावाळा जीवजन्तु यती आगबाळुल, यारी ना नीमद साटी अशुद्ध ठहरूसकु वर्जति माळदीन, अदुर देल खुद इक अशुद्ध माळबाळतीर.

26 नीव नान साटी पवतिर बन्सकु ईरेतीर; यतकी ना यहोवा खुद पवतिर आईन, अदकि ना नीम इक अदकि द्याशगोळ्द लॉकुर से इदुरसाटी अलग माळदीन क्वा नीव हमेशा नांद अच

बन्सकु ईरी.

27 “अगर यावारा गंळ्स या आर्त इंद्रजालवाळा या भूत इन साधना माळुल, रा आव नश्चिति कोंदकु आगुल; हगि मंळसागोळ मा कल्लगोळ भटिकु आगुल, आंदुर खुन आंदुरदा ताल्ला मा बदिदीत.”

21

याजकगोळद पवतिरता

1 बाक यहोवा मूसा से अंदुन, “हारून उन पार जो याजक आन आंदुर से अन कनिमद लॉकुर दा टु यावारा भी शाईल, रा आऊन कारण नीम दा टु यावारा खुद इक अशुद्ध माळबाळुल;

2 तान हात्तीनोर कुटुम्बगिोळ इक, मतलब तान मोय, या आप्प, या पार, या पोर, या वार्ट उन साटी,

3 या तान कुवारा आकतींग आकीन मदा आगीदलि, यार्द हात्ती इन संबंध आद; आंदुर साटी आव तान इक अशुद्ध माळ सकतान.

4 पर याजक आगोर नाता देल आव तान लॉकुर दा प्रधान आन, इदुरसाटी आव खुद इक हगि अशुद्ध माळबाळुल क् अपवतिर आगेगुल.”

5 याजक तान ताल्ला अन्द चुट्टी मुंडन माळबाळुल, अदकि तान गाल्ला अन्द चुट्टी इक भी बोळ्स बाळुल, अदकि तान मय मा घाव माळबाळुल.

6 आंदुर तान परमेश्वर उन साटी पवतिर बन्सकु ईरूल, अदकि तान परमेश्वर उन हेसुर अपवतिर माळबाळुल; यतकी आंदुर यहोवा अन्द होमबली अक जो आंदुर परमेश्वर उन भोजन हुंद येर्सतार; ई कारण आंदुर पवतिर बन्सकु ईरूल.

7 याजक पवतिर रीती देल परमेश्वर उन स्यावा माळतान अनकु आव भ्रष्ट आगकु आर्त इक, वेश्या अक, या गांड उक बटिकु आर्त इक तान हगिस् माळबाळुल.

8 इदुरसाटी नी याजक उक पवतिर जान्सेत, यतकी आव नीमद परमेश्वर उक भोजन येरसतान; इदुरसाटी आव नींद नजर दा पवतिर ठहरूसुल; यतकी ना यहोवा, जो नीमी पवतिर माळतीन, पवतिर आईन.

9 अदकि अगर याजक उन पोर वेश्या बन्सकु तान तान इक अपवतिर माळुल, रा आक तान आप्प उक अपवतिर ठहरूसुतार; आकी बेक्की दा होताककु आगुल.

10 “जो तान वार्दुर दा महायाजक ईरूल, आऊन ताल्ला मा अभषिक उन याण्णा हाक्कु आगुल, अदकि आऊन पवतिर कपळागोळ इक हाक्कोर साटी संस्कार आग्याद, आव तान ताल्ला अनद चुट्टी बगरूसगोळ बाळुल, अदकि तान कपळागोळ इक हरू बाळुल;

11 अदकि न आव यातोदारा लोथ इन हात्ती होगुल, अदकि न तान आप्प या मोय इन कारण खुद इक अशुद्ध माळुल;

12 अदकि आव पवतिर जागा टु व्हार्या भी होळबाळुल, अदकि न तान परमेश्वर उन पवतिर जागा अक अपवतिर ठहरूसुल; यतकी आव तान परमेश्वर उन अभषिक उन याण्णारूपी मुकुट धारण माळकु आन; ना यहोवा हुईन.

13 अदकि आव कुवारा आर्त इन सांगुळ मदा माळुल.

14 जो रांड्यागीत, या छोळचट्टी कोटकु आग्यार आक, या भ्रष्ट, या वेश्या ईरूल, हगि आर्त से आव मदा माळबाळुल, आव तान अच लॉकुर न्याड्या दा टु यातोदारा कुवारा पोर से मदा माळुल.

15 अदकि आव तान औलाद इक तान लॉकुर दा अपवतिर माळबाळुल; यतकी ना आकीक पवतिर माळावाळा यहोवा हुईन.”

शारीरकि दोष अदकि याजक

16 बाक यहोवा मूसा से अंदुन,

17 “हारून से अन की नींद वंश इन पीढ़ी-पीढ़ी दा जो यावारा येनारा भी शारीरिक दोष ईरूल आव तान परमेश्वर उन भोजन येरसोर साटी हात्ती बर बाळुल.

18 यावारा यती ईरबाळुल, यारदा दोष ईरूल, आव हात्ती बरबाळुल, चाहे आव कुढ्ढ ईरूल, चाहे लंगळा, चाहे मुग्ग कुरकु ईरूल, चाहे आऊन येनारा यक्कुल अंग ईरूल,

19 या आऊन काल, या कय लूला ईरूल,

20 या आव कुबळा, या बुटरा ईरूल, या आऊन कण्णगोळ दा दोष ईरूल, या आ मंळसा अक बळ्ळीद दाग या खुजली ईरूल, या आव नपुंसक ईरूल;

21 हारून याजक उन वंश दा टु यारदारा दा यातोदारा भी शारीरिक दोष ईरूल, आव यहोवा अन्द होमबली येरसोर साटी हात्ती बरबाळुल; आव जो दोषयुक्त आन यागलु भी तान परमेश्वर उक भोजन येरसोर साटी हात्ती बरबाळुल.

22 आव तान परमेश्वर उन पवतिर अदकि अपवतिर येद्दु प्रकार इन भोजन इक तनिल,

23 लेकीन आऊन दोष इन कारण आव न रा न्याड्यावाळा परदा अन्द बुळ्क बरूल अदकि न वेदी इन हात्ती, इदुर देल हगि न आगुल की आव नान पवतिर जागागोळ इक अपवतिर माळुल; यतकी ना आंदरी पवतिर माळावाळा यहोवा हुईन.”

24 इदुरसाटी मूसा हारून अदकि आऊन पारगोळ इक तथा सप्पा इस्राएलीगोळ इक ईव मातगोळ अनतेला केळ्सदुन.

22

भेंट चळावा अन पवतिरता

1 बाक यहोवा मूसा से अंदुन,

2 “हारून अदकि आऊन पारगोळ से अन की इस्राएलगोळ्द पवतिर माळ्द वस्तुगोळ से यदरी आंदुर नान साटी पवतिर

माळतार अलग ईरूल, अदकि नान पवतिर हेसुर इक अपवतिर माळबाळुल; ना यहोवा हुईन.”

³अदकि आंदुर से अन कनिमद पीदी-पीदी दा नीमद पुरा वंश दा टु जो यावारा तान अशुद्धता अन्द दशा दा आ पवतिर माळ्द वस्तुगोळ्द हात्ती होगुल, यारी इस्राएली यहोवा अन्द साटी पवतिर माळतार, आ मळसा नान मुंद टु नाश माळकु आदान; ना यहोवा हुईन.

⁴हारून उन वंश दा टु यावारा यती ईरबाळुल, जो कोदी ईरूल, या आऊन रकत होगतेला ईरूल, आ मळसा यागासताका शुद्ध आगालुन, आगासताका पवतिर माळ्द वस्तुगोळ दा टु येनारा भी तनिबाळुल. अदकि जो लोथ इन कारण अशुद्ध आग्यान, या आऊन वीर्य सखलति आग्याद, हगि मळसा अक जो यावारा मुटुल,

⁵अदकि जो यावारा यातोदारा हगि रेंगसावाळा जन्तु उक मुटुल अदुर देल लॉकुर अशुद्ध आग सकतार, इंदुर दा टु यारीकारा मुटुल आऊन दा यातोदारा प्रकार इन अशुद्धता ईरूल जो आऊक भी हत्त सकतद.

⁶रा आ याजक जो इंदुर दा टु यारीकारा मुटुल दयावगाताका अशुद्ध ठहरूसकु ईरूल, अदकि यागासताका नीर देल मय तोळुकोमालुन, आगासताका पवतिर वस्तुगोळ दा टु येनारा भी तनिबाळुल.

⁷आग सूर्य अस्त आगोर मा आव शुद्ध ठहरूस्यान; अदकि आग आव पवतिर वस्तुगोळ दा टु तनि सक्यान, यतकी आऊन भोजन अदा हुंद.

⁸जो जनावर तान देल सोताद या पशु देल हरूकु आग्याद अदरी तनिकु आव तान तान इक आव अशुद्ध माळबाळुल; ना यहोवा हुईन.

⁹इदुरसाटी याजक लॉकुर नांद सौप्सकु आग्याद नयिमगोळ्द

पालन माळुल, हगि ना आगुल क्कि आंदुर अवरी अपवत्तिर माळकु पाप इन भार नेगुल, अदकि इदुर कारण सोतोगुल; ना आंदरी पवत्तिर माळावाळा यहोवा हुईन.

10 “पराया कुल इन जन, यातोदारा पवत्तिर वस्तु उक तनिबाळुल, चाहे आव याजक उन अतथी ईरूल या मजदुर ईरूल, तो भी आव यातोदारा पवत्तिर वस्तु तनिबाळुल.

11 अगर याजक यातोवारा दास उक पैस्या कोटकु कोमुल, रा आ दास अदुर दा टु तनि सकतान; अदकि जो याजक उन मान्ना दा पैदा आग्यान आंदुर भी आऊन भोजन दा टु तनिल.

12 अदकि अगर याजक उन पोर पराया कुल इन यावारा गंळ्स से मदा आगुल, रा आव भेट माळ्द पवत्तिर वस्तुगोळ दा टु तनिबाळुल.

13 अगर याजक उन पोर रांड्यागीत या छोळचट्टी माळकु ईरूल, अदकि आकीन औलाद ईर बाळुल, अदकि आक तान स्याण पनी इन अवस्था अन्द रीती इन अनुसार तान आप्प उन मान्ना दा ईरतीदार, रा आक तान आप्प उन भोजन दा टु तनिल; पर पराया कुल इन यावारा अदुर दा टु तनिबाळुल.”

14 “अदकि अगर यावारा मंळसा यातोदारा पवत्तिर वस्तु दा टु येनारा भुल देल तनि कोमुल, रा आव अदुर पाचवा भाग वाळुस्कु अदरी याजक उक तुमकु कोळुल.

15 आंदुर इस्राएलीगोळ्द पवत्तिर माळ्द वस्तुगोळ इक, अवरी आंदुर यहोवा अन्द साटी येरसुल, अपवत्तिर माळबाळुल.

16 आंदुर आंदरी तान पवत्तिर वस्तुगोळ दा टु तनिसकु आंदुर से अपराध इन दोष नेगसुसबाळुल; ना आंदरी पवत्तिर माळावाळा यहोवा हुईन.”

17 बाक यहोवा मूसा से अंदुन,

18 “हारून अदकि आऊन पारगोळ से अदकि इस्राएलीगोळ इक समझुसकु अन की इस्राएल इन घराना या इस्राएलीगोळ

दा ईरावाळेर परदेशीगोळ दा टु यावारा यती ईरबाळुल, जो मन्नत या स्वेच्छाबर्ला माळोर साटी यहोवा अक यावारा होमबली येरसुल,

19 रा तान नमित्तित् ग्रहण योग्य ठहरूसोर साटी पालसुद पशु दा टु वस्ता या मर्री या म्यांडा दा टु तंदरूस्त नर येरसकु आगुल.

20 अदुर्दा यातोदारा दोष ईरूल अदरी येरसबाळेतीर; यतकी अद नीमूद नमित्तित् ग्रहण योग्य ठहरूसतीदील.

21 अदकि जो यावारा पालसुद पशु या म्यांडा-मर्रगोळ दा टु वशिष वस्तु मन्नत माळोर साटी या स्वेच्छाबर्ला इन साटी यहोवा अक मेल-मलिप बली येरसुल, रा ग्रहण आगोर साटी अवश्य आद क आव नरिदोष आगुल, आऊन दा यातोदारा भी दोष ईरबाळुल.

22 जो कुढ्ढ या मय इन मुरकु या लूला ईरूल, अथवा आऊन दा फ्वाळा या पपळी या खुजली ईरूल, हगि चीजगोळी यहोवा अन्द साटी येरसबाळेतीर, अवरी होमबली मा यहोवा अन्द साटी बली येरसबाळेतीर.

23 यातोदारा वस्ता या म्यांडा या व्हात इन यातोदारा अंग येक्कुल या कम ईरूल अदरी स्वेच्छाबर्ला इन साटी येरस सकतीर, लेकीन मन्नत पुरा माळोर साटी अद ग्रहण माळकु आगतीदलि.

24 यारव अंड दब्सकु या कुचलस्कु या मुरकु या कडुकु ईरूल अवरी यहोवा साटी येरस बाळेतीर, अदकि तान द्याश दा भी हगि क्याल्सा माळबाळेतीर.”

25 “बाक ईऊर दा टु यारीकारा अक नीव तान परमेश्वर उन भोजन जानस्कु यावारा परदेशी से हुळकु येरसबाळेतीर; यतकी अऊर्दा दोष आद, इदुरसाटी अव नीमूद नमित्तित् ग्रहण आगतीदलि.”

26 बाक यहोवा मूसा से अंदुन,

27 “याग वस्ता या म्यांडा या मर्री पैदा आगुल, रा अद येळ दनि ताका तान मोय इन सांगुळ ईरूल; बाक आठवा दनि टु मुंद अद यहोवा अनंद होमबली येरसोर साटी ग्रहण योग्य ठहरूसीत.

28 चाहे वस्ता, चाहे म्यांडा या मर्री ईरूल, अदरी अदकि अदुर पाड्डा अक ऊंद अच दनि दा बली माळबाळेतीर.

29 अदकि याग नीव यहोवा अनंद साटी धन्यवाद इन मेल-मलिप बली येरसीर, रा अदरी ईदा रती देल माळेतीर यदुर देल अद ग्रहण योग्य ठहरूसुल.

30 अद अदा दनि तनिकु आगुल, अदुरदा टु येनारा भी व्हातुर ताका ईर बाळुल; ना यहोवा हुईन.

31 “इदुरसाटी नीव नांद आग्यागोळ इक मानसेतीर अदकि पालन माळेतीर; ना यहोवा हुईन.

32 अदकि नांद पवतिर हेसुर इक अपवतिर ठहरूसबाळेतीर, यतकी ना इस्राएलीगोळ्द न्याड्या अवश्य अच पवतिर अच मान्सकु आगाईन; ना नीम्द पवतिर माळावाळा यहोवा हुईन,

33 जो नीमी इक मसित्तर द्याश टु तेगुकु तंदान यदुर देल नीम्द परमेश्वर बन्सकु ईराइन; ना यहोवा हुईन.”

23

हाब्व इन वधिगोळ

1 बाक यहोवा मूसा से अंदुन,

2 “इस्राएलीगोळ से अन कयिहोवा अनंद हाब्व अदुर दा नीम इक पवतिर सभा जमा माळोर साटी ठहरूसकु समय मा प्रचार माळोद बदिदीत, नांद अव हाब्व ईव हु.”

3 “आर दनि क्याल्सा धंदा माळकु आगुल, लेकीन येळवा दनि परम आराम इन अदकि पवतिर सभा अनंद दनि हुंद; अदुर दा यातोदारा प्रकार इन क्याल्सा धंदा माळकु आगबाळुल; अद नीम्द सप्पा मान्नागोळ दा यहोवा अनंद आराम दनि ठहरूसुल.

**फसह अदकि अखमीरी रोटी
(गनिती 28:16-25)**

4 “बाक यहोवा अन्द परव अदुर दा टु ऊंद-ऊंद मंळसा अन्द ठहरूसद समय दा नीमी पवतिर सभा माळोर साटी प्रचार माळोद बदिदीत अव ईव हूँ.

5 पयला तगिळ इन चौदावा दनि इक द्यावगा अन्द समय यहोवा अन्द फसह आगतेला ईरूल.

6 अदकि अदा तगिळ इन पन्दरहवा दनि इक यहोवा अन्द साटी अखमीरी रोटी इन परव आगतेला ईरूल; अदुर दा नीव येळ दनि ताका अखमीरी रोटी तनितेला ईरेतीर.

7 अदुर दा टु पयला दनि नीम्द पवतिर सभा आगुल; अदकि आ दशिी कष्ट इन यातोदारा क्याल्सा माळबाळेतीर.

8 अदकि येळवा दशिी नीव यहोवा अक होमबली येरसेतीर; अदकि येळवा दनि पवतिर सभा आगुल; आ दशिी कष्ट इन यातोदारा क्याल्सा माळबाळेतीर.”

9 बाक यहोवा मूसा से अंदुन,

10 “इस्राएलीगोळ से अन कियोग नीव आ द्याश दा प्रवेश माळी यारी यहोवा नीमी कोळतान अदकि अदुर दा टु केई कढी, आग तान-तान हण्ण केई इन पयला उपज इन फसल याजक उन हात्ती तरेतीर;

11 अदकि आव आ पेडी इक यहोवा अन्द मुंद हालुसुल क अद नीम्द नमितित ग्रहण माळकु आगुल; याजक अदरी आराम दनि इन दुसरा दशिी हालुसुल.

12 अदकि या दशिी नीव आ पेडी इक हालुसीर अदा दशिी ऊंद वर्ष इन तंदरूसत म्यांडा अन्द पाड्डा यहोवा अन्द साटी होमबली येरसेतीर.

13 अदकि अदुर सांगुळ अन्नभेट एपा अन्द येढ्ढ हतवा अंश याण्णा हचकु मैदा अन्द ईरूल अद होमबली सुखदायक सुगन्ध

इन साटी यहोवा अन्द साटी पेयबली आगुल; अदकि अदुर सांगुळ इन अर्घ हीन भर इन चौथाई भाग अंगुर इन रास्सा ईरूल.

14 अदकि यागासताका ई चढावा अक नीव तान परमेश्वर उन हात्ती वोयतीदलि, आ दनि ताका व्हाशोद केई दा टु रोटी तनिबाळेतीर अदकि सुटकु अन्न अदकि हविरा लॉम्बा तनिबाळेतीर; ईद नीम्द पीढी-पीढी दा नीम्द पुरा घरानागोळ दा हमेशा अन्द वधि ठहरूसुल.

कडोद हाब्व

(गनिती 28:26-31)

15 “बाक आ आराम दनि इन दुसरा दनि टु, मतलब या दशी नीव हालुसकु आगोद भेट इन फसल इक तरेतीर, आ दनि टु पुरा येळ आराम दनि आळकोमेतीर;

16 येळवा आराम दनि इन अगला दनि ताका पचास दनि आळेतीर, अदकि पचासवा दनि यहोवा अन्द साटी व्हाशोद अन्नभेट येरसेतीर.

17 नीव तान मान्नागोळ दा टु एपा अन येढ्ह हतवा अंश मैदा अन्द येढ्ह रोटीगोळ इक हालुसोद भेट इन साटी तरेतीर; अव खमीर इन सांगुळ कासकु आगुल, अदकि यहोवा अन्द साटी पयला फसल ठहरूसुल.

18 अदकि आ रोटी इन सांगुळ ऊंद-ऊंद वर्ष इन येळ तंदरूसत म्यांडा अन्द पाड्डा, अदकि ऊंद पाड्डा, अदकि येढ्ह म्यांडागोळ येरसेतीर; आंदुर तान-तान सांगुळ अन्नभेट अदकि अर्घ सांगुळ यहोवा अन्द साटी होम्बली इन घाई येरसकु आगुल, मतलब अव यहोवा अन्द साटी सुखदायक सुगन्ध कोळावाळा बली ठहरूसुल.

19 बाक पापबली इन साटी ऊंद व्हात, अदकि मेलबली इन साटी ऊंद-ऊंद वर्ष इन म्यांडा अन्द पाड्डा येरसुल.

20 आग याजक आंदरी पयला उपज इन रोटी सांगुळ यहोवा अन्द मुंद हालुसोद भेंट इन साटी हालुसुल, अदकि ई रोटीगोळ्द सांगुळ अव येढ्ढ म्यांडा अन्द पाङ्डागोळ भी हालुसकु आगुल; अव यहोवा अन्द साटी पवतिर, अदकि याजक उन भोग ठहरूसुल.

21 अदकि नीव आ दशी ईद प्रचार माळेतीर, कि ईद नाम्द ऊंद पवतिर सभा आदीत; अदकि कष्ट इन यातोदारा क्याल्सा माळबाळेतीर; ईद नीम्द पुरा घराना दा नीम्द पीदी-पीदी दा हमेशा अन्द वधी ठहरूसुल.

22 “याग नीव तान द्याश इन केईगोळ कढी, आग तान केई इन क्वानागोळ इक पुरा रीती देल कडु बाळेतीर, अदकि केई दा बदि कु लाम्बागोळ इक जमा माळबाळेतीर; अदरी गरीब अदकि परदेशीगोळ्द साटी बटिबुळेतीर; ना नीम्द परमेश्वर यहोवा हुईन.”

व्हाशोद वर्ष इन पर्व

(गनिती 29:1-6)

23 बाक यहोवा मूसा से अंदुन,

24 “इस्राएलीगोळ से अन कि येळवा तगिळ इन पयला दनि इक नीम्द साटी खास आराम दनि ईरूल; आ दनि इक याद तोरसोर साटी नरसगिगोळ ऊयकु आगुल, अदकि ऊंद पवतिर सभा जमा आगुल.

25 आ दशी नीव कष्ट इन यातोदारा क्याल्सा माळबाळेतीर, अदकि यहोवा अन्द साटी ऊंद होमबली येरसेतीर.”

पाप होचकु ईटोद दनि

(गनिती 29:7-11)

26 बाक यहोवा मूसा से अंदुन,

27 “अदा येळवा तगिळ इन हतवा दनि पाप होचकु ईटोद दनि मान्सकु आगुल; अद नीम्द पवतिर सभा अन्द दनि आदीत,

अदकि अदुर दा नीव उपास माळेतोर अदकि यहोवा अन्द होमबली येरसेतोर.

28 आ दशिी नीव यातोदु प्रकार इन क्याल्सा धंदा माळबाळेतोर; यतकी अद पाप होचकु ईटोद दनि नयिक्त माळकु आग्याद अदुर दा नीम्द परमेश्वर यहोवा अन्द मुंद नीम्द पाप होचकु आदीत.

29 इदुरसाटी जो मंळसा आ दशिी उपास माळतीदील आव तान लॉकुर दा टु नाश माळकु आदान.

30 अदकि जो मंळसा आ दशिी यातोदारा प्रकार इन क्याल्सा धंदा माळुल आ मंळसा अक ना आऊन लॉकुर न्याड्या दा नाश माळ बुळाईन.

31 नीव यातोदु प्रकार इन क्याल्सा धंदा माळबाळेतोर; ईद नीम्द पीढी-पीढी दा नीम्द घराना दा हमेशा अन्द वधीी ठहरसुल.

32 अद दनि नीम्द साटी वशिष आराम इन ईरूल, अदुर दा नीव उपास माळेतोर; अदकि आ तगिळ इन ऊम्बत दनि इन दयावगा टु दुसरा दयावगा ताका तान आराम दनि मान्सतेला ईरेतोर.”

झोपळीगोळ्द पर्व

(गनिती 29:12-40)

33 बाक यहोवा मूसा से अंदुन,

34 “इस्राएलीगोळ से अन क्कि अदा येळवा तगिळ इन पन्द्रहवा दनि टु येळ दनि ताका यहोवा अन्द साटी झोपळीगोळ्द पर्व मान्सकु आगुल.

35 पयला दनि पवतिर सभा ईरूल; अदुर दा कष्ट इन यातोदारा क्याल्सा माळबाळेतोर.

36 येळु दनि यहोवा अन्द साटी होमबली येरसतेला ईरेतोर, बाक आठवा दनि नीम्द पवतिर सभा आगुल, अदकि यहोवा अन्द

साटी होमबली येस्सेतीर; अद महासभा अन्द दनि हुंद, अदकि अदुर दा कष्ट इन यातोदारा क्याल्सा माळबाळेतीर.

37 “यहोवा अन्द ठहरूसकु आग्याव पर्व ईव अच हूँ, इदुर दा नीव यहोवा अन्द होमबली येस्सेतीर, अदकि अन्नभेट, मेलबली, अदकि पेयबली, हर ऊंद तान-तान ठहरूसकु आग्याद समय मा येस्सकु आगुल अदकि पवतिर सभा अन्द प्रचार माळेतीर.

38 ईव सप्पा देल यक्कुल यहोवा अन्द आराम दनि इक मानसेतीर, अदकि तान भेटगोळ्द, अदकि सप्पा मन्नतगोळ, अदकि खुद इन इच्छा अन्द बलगोळ इक जो यहोवा अक अर्पण माळेतीर येस्सकु आगुल.

39 “बाक येळवा तगिळ इन पन्द्रहवा दनि इक, याग नीव केई इन उपज इक जमा माळ बुट्टीर, आग येळ दनि ताका यहोवा अन्द पर्व मानसेतीर; पयला दनि वशिष आराम दनि ईरूल, अदकि येळवा दशी आराम दनि ईरूल.

40 अदकि पयला दनि नीव वळ्लीद-वळ्लीद मार्रगोळ्द उपज, अदकि खजूर इन डगालगोळ, अदकि डाट मार्रगोळ्द डगालीगोळ, अदकि गांगा दा टु मजनू हेसुर इन मार्र इक हुळकु तान परमेश्वर यहोवा अन्द मुंद येळ दनि ताका आनन्द माळेतीर.

41 प्रर्ता वर्ष येळ दनि ताका यहोवा अन्द साटी पर्व मानसेतीर; ईद नीम्द पीढी-पीढी दा सदा अन्द वधी ठहरूसुल, कियेळवा तगिळ दा ईद पर्व मान्सकु आगुल.

42 येळ दनि ताका नीव झोपळीगोळ दा ईरेतीर, मतलब यास जन्म टु इस्राएली आर या देशी परदेशी आंदुर सप्पा अन सप्पा झोपळीगोळ दा ईरूल,

43 इदुरसाटी कनिम्द पीढी-पीढी इन लॉकुर ध्यान ईटुल, कियेळवा यहोवा नाव इस्राएलीगोळ इक मसित्तर द्याश टु तेगुकु तरोन आग आव आंदरी झोपळीगोळ दा ईटीदुन; ना नीम्द परमेश्वर यहोवा हुईन.”

44 अदकि मूसा इस्राएलीगोळ इक यहोवा अन्द पर्ब अन ठहरूसकु आग्याद समय अनकु केळसदुन.

24

पवत्रि दगियागोळी इक सजुसोद
(नरिगमन 27:20,21)

1 बाक यहोवा मूसा अक अंदुन,

2 “ इस्राएलीगोळ इक ईद आग्या कोळ कर् नांद हात्ती ऊजुळ कोळोद साटी कय देल काळसकु तेगद जैतून इन शुद्ध याणा तरेत, कदिग्या हमेशा होततेला ईरूल.

3 हारून अदरी भेंटमाळोद तम्बू दा, करिया चट्टी इन न्याड्यावाळा परदा टु व्हार्या, यहोवा अन्द मुंद हमेशा द्यावगा टु व्हातुर ताका सजुसकु ईट्टुल; ईद नीम्द पीढी-पीढी टु हमेशा अन्द वधी ठहरूसुल.

4 आव दगियागोळ इक व्हान्ना अन्द दीवट मा यहोवा अन्द मुंद हमेशा सजुसकु ईट्टुल.

परमेश्वर उक अर्पति माळ्द रोट्टीगोळ

5 “नी मैदा हुळकु हन्नेळ रोट्टीगोळ कासेत, हर ऊंद रोट्टी दा एपा अन्द येढ्ढ हतवा अंश मैदा ईरूल.

6 आग आंदुर येढ्ढ पंगतगोळ माळकु, ऊंद-ऊंद पंगत दा आर-आर रोट्टीगोळ, साफ मेज मा यहोवा अन्द मुंद ईटेत.

7 अदकि ऊंद-ऊंद पंगत मा शुद्ध लुबान ईटेत कर् अद रोट्टी याद तोरसावाळा वस्तु अदकि यहोवा अन्द साटी होमबली ईरूल.

8 हर ऊंद आराम दनि इक आव अदरी हमेशा यहोवा अन्द मुंद लाईन देल ईट्टुल, ईद सदा अन्द वादा अन्द रीती इस्राएलीगोळ दी टु आगतेला ईरूल.

9 अदकि अद हारून अदकि आऊन पारगोळद आदीत, अदकि आंदुर रोटी यातोदारा पवतिर जागा दा तनिल, यतकी अद यहोवा अनंद होमबली दा टु हमेशा अनंद वधी इन अनुसार हारून उन साटी शुद्ध पवतिर वस्तु ठहरूसकु आद.”

न्याय देल तुम्ह नशिपक्ष दण्ड इन उदाहरण

10 आ दनिगोळ दा याकारा इस्राएली आर्त इन पार, आऊन आप्प मसित्तर दा ईरावाळा गंळ्स ईरोन, इस्राएलगोळद न्याड्या होटोदुन; अदकि आव इस्राएली आर्त इन पार अदकि ऊंद इस्राएली गंळ्स छावनी इन न्याड्या आपस दा मार पीट माळली कुरतुर,

11 अदकि आव इस्राएली आर्त इन पार यहोवा अनंद हेसुर इन ननिदा माळकु सराप कोळली कुरतुन. ईद केळकु लॉकुर आऊक मूसा अनंद हात्ती ओतुर. आऊन मोय इन हेसुर शलोमीत ईरोद, जो दान इन गोत्र अनंद दबिरी इन पोर ईरोर.

12 आंदुर आऊक तान देखभाल दा ईटदुर, यदुर देल यहोवा अन मन आंदुर मा प्रगट आग सकुल.

13 आग यहोवा मूसा से अंदुन,

14 “नीव लॉकुर आ सराप कोळावाळा मंळसा अक छावनी टु व्हार्या वोई; अदकि यास मुंदुर आ ननिदा केळदुर आंदुर सप्पा तान-तान कय आऊन ताल्ला मा ईटी, आग पुरा मंडली इन लॉकुर आऊन मा कल्लगोळ भीळी.

15 अदकि नी इस्राएलीगोळ से अन क यावारा यती ईर बाळुल, जो तान परमेश्वर उक सराप कोळुल आऊक तान पाप इन भार नेगोद बदिदीत.

16 यहोवा अनंद हेसुर इन ननिदा माळावाळा नशिचित रूप देल कौंदकु आगुल; पुरा मंडली इन लॉकुर नशिचित रूप देल आऊन मा कल्लगोळ बडुल; चाहे द्याश इन मंळसा ईरूल या परदेशी, अगर

यावारा यहोवा अन्द हेसुर इन ननिदा माळुल रा आव कोंदकु आगुल.

17 “बाक जो यावारा याऊ मळसा अक जान देल कोनुल आव नशिचति रूप देल कोंदकु आगुल.

18 अदकि जो यावारा यारदु मान्नागोळद पशु उक जान देल कोनुल आव अदुर भरपाई माळुल, मतलब प्राणी इन बदला प्राणी कोळुल.

19 “बाक अगर यावारा दुसरा मळसा अक दुख पोहचुसुल, रा जसा आव माळदुन हांग अच आऊन सांगुळ भी माळकु आगुल,

20 मतलब येलु मुरदुर बदला दा येलु मूरुल, कण्ण इन बदला कण्ण, हल्ल इन बदला हल्ल, जसा दुख आ मळसा दुसरा अक कोट्टुन हांग अच आंदरी भी कोटकु आदीत.

21 पशु उक कोन्नावाळेर अदुर भरपाई कोळुल, लेकीन मळसा अक कोनावाळा अक नशिचय कोंदकु आगुल.

22 नीम्द नयिम ऊंद अच ईरूल, जसा दयाश इन लॉकुर साटी हांग अच परदेशी लॉकुर साटी भी ईरूल; ना नीम्द परमेश्वर यहोवा हुईन.”

23 बाक मूसा इस्राएलीगोळ इक ईद समझुसदुन; आग आंदुर आ सराप कोळावाळा अक छावनी टु व्हार्या वोटकु आऊन मा कल्लगोळ भट्टुर. अदकि इस्राएलीगोळ हांग अच माळदुर ह्यांग यहोवा मूसा अक आग्या कोटीदुन.

25

सातवा वर्ष : वशिराम वर्ष

(व्यवस्थाविवरण 15:1-11)

1 बाक यहोवा सीनै पर्वत इन हात्ती मूसा से अंदुन,

2 “इस्राएलीगोळ से अन कयाग नीव आ दयाश दा प्रवेश माळी जो ना नीमी कोळतीन, आग भूमी इक यहोवा अन्द साटी आराम सकितेला ईरूल.

3 आर वर्ष रा तान-तान केई बोऊसी, अदकि आर वर्ष तान-तान अंगुर इन बेली इक छाट-छाटस्कु केई इन उपज जमा माळेतीर;

4 लेकीन येळवा वर्ष भूमि अक यहोवा अन्द साटी वळ्लीद आराम घळी सकितेला ईरूल; अदुर दा न रा तान केई बोऊसोद अदकि न तान अंगुर इन बेली छाटसोद.

5 जो येनारा कळकु केई दा खुद देल बेळुल अदरी कळुबाळेतीर, अदकि तान बनि छाट्सद अंगुर इन एल इक अंगुरगोळ इक कोय बाळेतीर; यतकी अद भूमी इन साटी वळ्लीद आराम इन वर्ष आदीत.

6 भूमी इन आराम घळी इन उपज देल नीम इक, अदकि नीमद दास-दासी इक, अदकि नीमद सांगुळ ईरावाळेर मजदूरगोळी अदकि परदेशीगोळ इक भी ऊमोद सकिकीत;

7 अदकि नीमद पशुगोळ इक अदकि द्याश दा यास जीवजन्तु आव अऊर भी ऊमोद भूमी इन सप्पा उपज देल आदीत.”

आजादी प्राप्ति इन वर्ष

8 “येळ आराम वर्ष, मतलब येळ गुणा येळ वर्ष आळेतीर, येळु आराम वर्षगोळ्द ईद समय उनपचास वर्ष आदीत.

9 आग येळवा तगिळ अन्द हतवा दनि इक, मतलब प्रायश्चति इन दनि, जय-जयकार इन महाशब्द इन नरसगिा तान पुरा द्याश दा सप्पा जागा मा भी ऊयसुसेतीर.

10 अदकि आ पचासवा वर्ष इक पवतिर माळकु मानसेतीर, अदकि द्याश इन पुरा नवासीगोळ्द साटी छुटकारा अन्द प्रचार माळेतीर; अद वर्ष नीम साटी आजादी प्राप्ति इन वर्ष अनकु आगुल; अदुर दा नीम तान-तान खुद इन जागा अदकि तान-तान घराना दा वापस होगेतीर.

11 नीमद अल अद पचासवा वर्ष आजादी प्राप्ति इन वर्ष कहलुसीत; अदुर दा नीव न बोऊसेतीर, अदकि जो तान ताना

बेळीत अदरी भी कडु बाळेतीर, अदकि न बनिा छाट्स्द अंगुर इन एल इक मूरुबाळेतीर.

12 यतकी अद रा आजादी प्राप्ति इन वर्ष आदीत; अद नीम्द साटी पवतिर आदीत; नीव अदुर उपज केई दा टु उच ताकोम ताकोमकु तनितीर.”

13 “ई आजादी प्राप्ति इन वर्ष दा नीव तान-तान खुद इन जागा दा वापस बंदीर.”

14 अदकि अगर नीव तान वार्दुर कय देल येनारा मारीर या तान वार्दुर से येनारा कोंडीर, रा नीव आबुर दाबुर मा अन्याय माळबाळेतीर.

15 आजादी प्राप्ति इन वर्ष इन बाद्दा यास वर्ष बतिस्याव अऊर गनिती इन अनुसार कमित ठहरूसकु आबुर दाबुर से कोंड कोमेतीर, अदकि मगिद वर्षगोळ्द उपज इन अनुसार आव नीन कय दा मारूल.

16 याट वर्ष मात्त ईरूल आट अच कमित वाळुसेतीर, अदकि यास वर्ष कम ईरूल आट अच कमित घटुसुल, यतकी वर्ष इन उपज इन संख्या याट ईरूल आट अच आव नीन कय दा मार्यान.

17 नीव तान-तान वार्दुर मा अन्याय माळबाळेतीर; तान परमेश्वर उन अंज्क मानसेतीर; ना नीम्द परमेश्वर यहोवा हुईन.

येळवा वर्ष इन साटी समस्या

18 “इदुरसाटी नीव नांद वधीगोळ इक मानसेतीर, अदकि नान नयिमगोळ मा समझ बुझुस्कु नळेतीर; यतकी हगि माळदुर देल नीव आ द्याश दा नडिर कुर्तकु ईत्तीर.

19 भूमी तान उपज उपजुसतेला ईत्तीत, अदकि नीव व्हाट्टतीम तनितेला ईत्तीर, अदकि आ द्याश दा नडिर कुर्तकु ईत्तीर.”

20 अदकि अगर नीव अनी कियेळवा वर्ष दा नाव येन तनिदेव, “न रा नाव बोऊसेव न तान केई इन उपज जमा माळेव?”

21 रा जानसी की ना नीम इक छठवा वर्ष दा हगि आशीष कोळाईन, की भूमि इन उपज मुर वर्ष ताका क्यालसा दा बंदीत.

22 नीव आठवा वर्ष दा बोऊसेतीर, अदकि हाळोद उपज दा टु तनितेला ईत्तीर, अदकि ऊम्बत वर्ष इन उपज यागासताका सकितीदील आगासताका नीव हाळोद उपज दा टु तनितेला ईत्तीर.

आवासीय भूमी इन नियम

23 “जागा हमेशा अन्द साटी मारकु आगबाळुल, यतकी जागा नांद हुन; अदकि अदुर दा नीव परदेशी अदकि व्हार्या नोर लाँकुर ईत्तीर.”

24 लेकीन नीव तान भाग इन पुरा द्याश दा जागा अक बळिस गोळेतीर.

25 “अगर नींद यावारा वार्टबन्धु कंगाल आगकु तान खुद इन जागा दा टु येनारा मारबुळुल, रा आऊन परिवार दा टु जो सबसे हात्ती आन आव बंदकु तान वार्टबन्धु उन मारद भाग इक बळिस कोमुल.

26 अगर यावारा मंळसा अन्द साटी याऊ बळिसावाळा ईला ईरूल, अदकि आऊन हात्ती ईंट धन ईरूल कखुद अच तान भाग इक बळिस सकुल,

27 रा आव अदुर मारद समय टु वर्षगोळ आळुकु मक्कि कु वर्षगोळद उपज इन कमित आऊक, याव अदुरद कमित कोटकु कोंडुन, वापस माळ बुळुल; आग आव तान खुद इन जागा अन्द अधिकारी आगेगुल.

28 लेकीन अगर आऊन हात्ती ईंट पूंजी ईला ईरूल की अदरी बाक तान माळ सकुल, रा आऊन मारद जागा आजादी प्राप्ति इन वर्ष ताका कोमावाळा अन्द कय दा ईरूल; अदकि आजादी प्राप्ति इन वर्ष दा बट्टोगुल आग आव मंळसा तान खुद इन जागा अन्द मात्त अधिकारी आगेदान.”

29 “बाक अगर यावारा मंळसा शहरपनाहवाळा नगर दा कुर्तकु मान्ना मारूल, रा अद मारदुर बाद्दा साल भर इन अंदर अदरी बळिस सक्यान, मतलब पुरा साल तीम आ मंळसा अक बळिसोद अधिकार ईत्तीत.

30 लेकीन अगर आव साल तमिर दा बीळ्स्तीदलि, रा अद मान्ना जो शहरपनाहवाळा नगर दा ईरूल कोमावाळा अन्द बनसकु ईरूल, अदकि पीढी-पीढी दा आऊंदा औलाद इन माळकु ईरूल; अदकि आजादी प्राप्ति इन वर्ष इन साल दा भी बळिसकु आग बाळुल.

31 लेकीन बनिा शहरपनाह अन्द ऊरगोळ्द मान्ना रा द्याश इन केईगोळ्द भाग इन घाई आळकु आगुल; आंदुरद बळिसकु भी आगेदीत, अदकि आंदुर आजादी प्राप्ति इन वर्ष इन साल दा बटोदार.”

32 फरि भी लेवीगोळ्द खुद इन भाग इन नगरगोळ्द जो मान्ना ईरूल आंदरी लेवीगोळ याग चाहसुल आग बळिसुल.

33 अदकि अगर यावारा लेवी तान भाग ईला बळिस्यान, रा अद मारद मान्ना जो आऊन भाग इन नगरगोळ दा ईरूल आजादी प्राप्ति इन वर्ष इन साल दा बळिसकु आगुल; यतकी इस्राएलीगोळ्द न्याड्या लेवीगोळ्द भाग आंदुर नगरगोळ दा अव मान्नागोळ अच हूँ.

34 लेकीन आंदुर नगरगोळ्द नाकु दी चराई इन भूमी मारकु आग बाळुल; यतकी अद आंदुर हमेशा अन्द भाग आदीत.

कंगालगोळ इक उधार कोळोद

35 “बाक अगर नीन यावारा वार्टबन्धु कंगाल आगेगुल, अदकि आऊन दश्या नींद मुंद तरस तनिा योग्य आगेगुल, रा नी आऊक संभालसेत; आव परदेशी या वार्ट उन घाई नींद सांगुळ ईरूल.

36 आऊन से ब्याज या बळोतरी ताकोमबाळेत; तान परमेश्वर उन अंजक मानसैतीर; अदुर देल नीन वार्टबन्धु नीन सांगुळ जीवन नरिवाह माळ सकुल.

37 आऊक ब्याज मा पैस्या कोळबाळेत, अदकि आऊक ऊमोद वस्तु लाभ इन लालच देल कोळबाळेत.

38 ना नीमद परमेश्वर यहोवा हुईन; ना नीमी कनान द्याश कोळोर साटी अदकि नीमद परमेश्वर ठहरूसोद मनसा देल नीम इक मसित्तर द्याश टु तेगुकु तंदीन.”

दासगोळ इक बळिसोद वधी

39 “बाक अगर नींद यावारा वार्टबन्धु नीन मुंद कंगाल आगकु तान-तान इक नीन कय दा मार्र बुळुल, रा आऊन से दास उन घाई स्यावा माळसुसबाळेत.

40 आंदुर नीन सांगुळ मजदुर या यात्री इन घाई ईरूल, अदकि आजादी प्राप्ति इन वर्ष ताका नीन सांगुळ ईतकु स्यावा माळतेला ईरूल;

41 आग आंदुर बाल-बच्चागोळ सांगुळ नीन हात्ती टु होटबुळुल, अदकि तान परवार दा अदकि तान आप्प उन मुतीगोळ्द खुद इन जागा दा वापस होट बरूल.

42 यतकी आंदुर नान अच दास उर, आंदरी ना मसित्तर द्याश टु तेगुकु तंदीन; इदुरसाटी आंदुर दास इन रीती देल मारकु आगबोळुल.

43 आऊन मा कठोरता देल अधिकार माळबाळेतीर; तान परमेश्वर उन अंजक मानसतेला ईरेतीर.”

44 नीन जो दास-दासीगोळ ईरूल आंदुर नीमद नाकु दीकळोर राज्यगोळ दा टु ईरूल, अदकि दास अदकि दासीगोळ आंदुर दा टु उच कोमेतीर.

45 जो यात्री लॉकुर नीमद न्याडया दा परदेशी आगकु ईत्तार, आंदुर दा टु अदकि आंदुर घराना दा टु भी जो नीमद आस-पास

ईरूल, अदकि जो नीमद द्याश दा पैदा आग्यार, आंदुर दा टु नीव दास अदकि दासीगोळी कोंडकोमी; अदकि आंदुर नीमद भाग ठहरूसुल.

46 नीव तान पारगोळ इक भी जो नीमद बाददा आदार आंदरी अधिकारी माळ सकीर, अदकि आंदुर अदुर भाग ठहरूसुल; अऊर दा टु नीव सदा तान साटी दास ताकोमेतीर, लेकीन नीमद वार्टगोळ जो इस्राएली आर आंदुर मा तान अधिकार कठोरता देल जतुसबाळेतीर.

47 “बाक अगर नींद मुंद यावारा परदेशी या यात्री धनी आगेगुल, अदकि आऊन मुंद नीन वार्ट कंगाल आगकु तान खुद इक नींद मुंद आ परदेशी या यात्री या आऊन वंश इन कय दा मार्र बुळुल,

48 रा आऊन भाग मारकु आगोद बाददा आव बाक बळिसकु आग सकतान; आऊन वार्टुर दा टु यावारा आऊक बळिस सकतान,

49 या आऊन काका, या काका अन्द पार, अदकि आऊन कुल इन यावारा भी हातीगोळोव परीवारवाळा आऊक बळिस सकतान; या अगर आव धनी आगेदान, रा आव खुद अच तान इक बळिस सकतान.

50 आव तान कमित कोळावाळा अन्द सांगुळ तान मारोद वर्ष टु आजादी प्राप्ति इन वर्ष ताका हिसाब माळुल, अदकि आऊन मारोद कमित वर्षगोळ्द गनिती इन अनुसार आगुल, मतलब अद कमित मजदुर उन दनिगोळ घाई आऊन सांगुळ आदीत.

51 अगर आजादी प्राप्ति इन वर्ष इन हापाळ वर्ष ईतोगुल, रा यास पैस्यागोळ देल अद कोंडकु आग्याद अदुर दा टु आव तान बळिसोद कमित आट अच वर्ष इन अनुसार लौटुस बुळुल.

52 अगर आजादी प्राप्ति इन वर्ष इन थ्वाळासा वर्ष ईतोगुल, तो भी आव तान स्वामी इन सांगुळ हिसाब माळकु तान बळिसोद कमित आट अच वर्ष इन अनुसार लौटुस बुळुल.

53 आंदुर तान स्वामी इन सांगुळ आ मजदुर उन घाई ईरूल आऊन हार्दकि मजदुरी ठहरूसकु आगतद; अदकि आऊन स्वामी आऊन मा नींद मुंद कठोरता देल अधिकार जतुसबाळुल.”

54 अदकि अगर आंदुर ई रीतगोळ देल बळिसकु आगतीदलि, रा आंदुर आजादी प्राप्ति इन वर्ष दा तान बाल-बच्चा सांगुळ बळिसकु आगुल.

55 यतकी इस्राएली नांद अच दासगोळ उर; आंदुर मस्तिर द्याश टु नांद अच तेगद दास उर; ना नीमद परमेश्वर यहोवा हुईन.

26

आशीष इन वादा

(व्यवस्थाविवरण 7:12-24; 28:1-14)

1 “नीव तान साटी मुरती माळबाळी, अदकि न यातोदारा अगुळ्द मूर्ति या खंबा तान साटी नदिरूसेतीर, अदकि न तान द्याश दा प्रणाम माळोर साटी नक्काशीदार कल्ल स्थापति माळेतीर; यतकी ना नीमद परमेश्वर यहोवा हुईन.”

2 नीव नांद आराम दनिगोळ्द पालन माळेतीर अदकि नांद पवतिर जागा अन्द अंज्क माळी; ना यहोवा हुईन.

3 “अगर नीव नांद वधिगोळ मा नळी अदकि नांद आग्यागोळी मान्सकु पालन माळी,

4 रा ना नीमद साटी समय-समय मा माळ बरसुसाईन, बाक भूमी तान उपज पैदा माळीत, अदकि केई इन मारगोळ तान-तान काय कोट्टाव;

5 ईल ताका क्नी नीव अंगुर मुरा समय भी दावनी माळतेला ईत्तीर, अदकि बोऊसा समय भी व्हाट्टा तीम अंगुर मुरतेला ईत्तीर, अदकि नीव मनमानी रोट्टीगोळ तनितेला ईत्तीर, अदकि तान द्याश दा नडिर कुर्तकु ईत्तीर.”

6 अदकि ना नीम्द द्याश दा सुख चैन कोळाईन, अदकि नीव मगितीर अदकि नीमी यावारा अंजुसावाळा ईरतीदील; अदकि ना आ द्याश दा खतरनाक प्राणीगोळ इक ईरगोळालीन, अदकि तलवार नीम्द द्याश दा नळसगोळालीन.

7 अदकि नीव तान दुश्मनगोळी इक बडुकु तुळकाळसेतीर, अदकि आंदुर नीम्द तलवार देल कोंदकु आदार.

8 नीम दा टु अईद मंळसा सव मुंदरी अदकि सव मंळसा हत्त हजार मंळसागोळी खदाळस्यार; अदकि नीम्द दुश्मन तलवार देल नीम्द मुंद-मुंद कोंदकु आदार;

9 अदकि ना नीम्द दी कृपादृष्टी ईटाईन अदकि नीमी फलवन्त माळाईन अदकि वाळुसाईन, अदकि नीम्द सांगुळ तान वादा अक पुरा माळाईन.

10 अदकि नीव ईटकु हाळोद अनाज इक तदीर, अदकि व्हाशोद ईत्तीत तो भी हाळोद अनाज इक तेगदीर.

11 अदकि ना नीम्द न्याड्या तान ईरोद जागा माळकु ईट्टाईन, अदकि नांद जीव नीम से घृणा माळतीदील.

12 अदकि ना नीम्द न्याड्या नळाईन वयाळाईन, अदकि नीम्द परमेश्वर बन्सकु ईराईन, अदकि नीव नांद प्रजा बन्सकु ईरेतीर.

13 ना रा नीम्द आ परमेश्वर यहोवा हुईन, जो नीम इक मसिर द्याश टु इदुरसाटी तेगुकु तंदीन क नीव मसित्तरगोळ्द दास बन्सकु ईरबाळेतीर; अदकि ना नीम्द जुआळी इक मूर बुट्टीन, अदकि नीमी सीधा नदिरसकु नळसदीन.

आग्या-उल्लंघन इन दण्ड

(व्यवस्थाविवरण 28:15-68)

14 “अगर नीव नांद केळतीदलि, अदकि इव सप्पा आग्यागोळ इक ईला मानसीर,

15 अदकि नांद वधिगिगोळ इक नकिम्मा जान्सीर, अदकि नीम्द आत्मा नांद नरिणयगोळ देल घृणा माळुल, अदकि नीव नांद सप्पा आग्यागोळ्द पालन माळतीदील, बल्की नांद वादा अक मुरदरि,

16 रा ना नीम से ईद माळाईन; मतलब ना नीमी इक बेचैन माळाईन, अदकि क्षयरोग अदकि मय देल पीडति माळाईन, अदकि ईऊर कारण नीम्द कण्णगोळ धुंधला आगेदव, अदकि नीम्द मन अतर्ति उदास आदीत. अदकि नीम्द बीजा बोऊसोद व्यर्थ आदीत, यतकी नीम्द दुश्मन आऊन उपज तनि कोंडार;

17 अदकि ना भी नीम्द वरिद्ध आगेगाईन, अदकि नीव तान दुश्मनगोळ देल हारूसेदीर; अदकि नीम्द दुश्मन नीम्द म्याकुच अधिकार माळ्यार, अदकि याग यावारा नीम इक खदळुसतीदलि तो भी नीव ओळीर.”

18 अदकि अगर नीव ईव मातगोळ्द म्याकुच भी नांद केळबाळेतीर, रा ना नीम्द पापगोळ्द कारण नीमी येळ गुणा सजा मातत कोळाईन,

19 अदकि ना नीम्द बल इन घमण्ड मूरुबुळाईन, अदकि नीम्द साटी आकाश इक मान्सी ल्वाहा अन्द अदकि भूमी इक मान्सी पीतल इन माळ बुळाईन;

20 अदकि नीम्द बल अकारथ गरुसकु आदीत, यतकी नीम्द केई तान उपज पैदा माळतीदील, अदकि भूमि इन मारगोळ तान काय कोळतीदील.

21 “अगर नीव नांद वरिद्ध नळुतेला अच ईत्तीर, अदकि नांद कहना मान्सतीदील, रा ना नीम्द पापगोळ्द अनुसार नीम्द म्याकुच अदकि येळ गुणा संकट हाकाईन.

22 अदकि ना नीम्द न्याइया आळी दाकळोव पशु कळाईन, जो नीम इक बनिा चकिर्द माळबुट्टार, अदकि नीम्द घरेलु पशुगोळ इक नाश माळ बुट्टार, अदकि नीम्द गनिती घटुस्यार, यदुर देल नीम्द सळकगोळ सूना आगेदव.”

23 “बाक अगर नीव ई मातगोळ मा भी नांद ताळना देल ईला सुधुरसीर, अदकि नांद वरिद्ध नळुतेला अच ईत्तीर,

24 रा ना भी नीम्द वरिद्ध नळाईन, अदकि नीम्द पापगोळ्द कारण ना खुद अच नीम इक येळ गुणा दंड कोळाईन.

25 अदकि ना नीम मा ऊंद हगि तलवार नळसुसाईन, जो वादा मुरोद पुरा-पुरा बदला ताकोमीत; अदकि याग नीव तान नगरगोळ दा होग होगकु जमा आदीर आग ना नीम्द न्याड्या मरी फैलुसाईन, अदकि नीमी तान दुश्मनगोळ्द कय दा सौप्स बुळाईन.

26 याग ना नीम्द साटी अनाज इन आधार इक बंद माळ बुळाईन, आग हत्त आर्तेर नीम्द रोट्टी ऊंद अच तंदुर दा कासकु तौलुस तौलुसकु वाटस्यार; अदकि नीव तनिकु भी तृप्त आगतीदलि.”

27 “बाक अगर नीव इदुर म्याकुच भी नांद केळतीदलि, अदकि नांद वरिद्ध नळुतेला अच ईत्तीर,

28 रा ना तान न्याय दा नीम्द वरिद्ध नळाईन, अदकि नीम्द पापगोळ्द कारण नीम इक येळ गुणा दंड यक्कुल भी कोळाईन.

29 अदकि नीम इक तान पार अदकि पोरगोळ्द चच्ची तनोद बदिदीत.

30 अदकि ना नीम्द पूजा अन्द ऊँचा जागा अक नष्ट माळाईन, अदकि नीम्द सुगंधति धूप वेदी इक मूरू बुळाईन, अदकि नीम्द लोथगोळ्द नीम्द मूरूकु मुर्तीगोळ मा भीळ बुळाईन; अदकि नांद आत्मा अक नीम से घृणा आगेदीत.

31 अदकि ना नीम्द नगरगोळ इक ऊजळुस बुळाईन, अदकि नीम्द पवतिर जागा अक ऊजळुस बुळाईन, अदकि नीम्द सुखदायक सुगन्ध ग्रहण माळालीन.

32 अदकि ना नीम्द द्याश इक सूना माळ बुळाईन, अदकि नीम्द दुश्मन जो अदुर दा ईरतार आंदुर ई मातगोळ्द कारण चकति ईत्तार.

33 अदकि ना नीमी द्याश-दयाश इन न्याड्या ततिर-बतिर माळाईन, अदकि नीमद् हदि-हदि तलवार जेडुकु ईराइन; अदकि नीमद् द्याश सूना आगेदीत, अदकि नीमद् नगर ऊजळुसेदाव.”

34 “आग यास दनि अद द्याश सूना बदिक् ईत्तीत अदकि नीव तान दुश्मनगोळ द्याश दा ईरेतीर आस दनि आव तान आराम दनिगोळ इक मान्सतेला ईत्तान. आग अच अद द्याश इक आराम सक्कीत, मतलब तान आराम दनिगोळ इक मान्सतेला ईत्तान.

35 यास दनि अद सूना बदिक् ईत्तीत आस दनि अदरी आराम ईत्तीत, मतलब जो आराम अदरी नीमद् अल कुर्तकु ईरोद समय नीमद् आराम दनिगोळ दा सक्कीदील अद अदरी आग सक्कीत.”

36 अदकि नीम दा टु जो वाचुसकु ईत्तार अदकि तान दुश्मनगोळ्द द्याश दा ईत्तार आंदुर दलि दा ना नरिशिा पैदा माळाईन; अदकि आंदुर याल्ला अन्द मुरदुर देल भी वोळ्यार, अदकि आंदुर हगि वोळ्यार ह्यांग यावारा तलवार देल ओळतान, अदकि यावारा बनिा पीछा माळकु भी आंदुर बदिदार.

37 याग यावारा पीछा माळावाळा ईरबाळुल आग भी मानसी तलवार इन अंज्क देल आंदुर आबुर दाबुर देल ट्वाकरा तनिकु बीळतेला होदार, अदकि नीम इक तान दुश्मनगोळ्द मुंद ठहरूसोद येनारा शक्ती ईरतीदील.

38 आग नीव द्याश-दयाश इन न्याड्या दा पोहचुसकु नाश आगेदीर, अदकि नीमद् दुश्मनगोळ्द भूमी नीम इक तदि बुट्टीत.

39 अदकि नीम दा टु जो वाचुसकु ईत्तार आंदुर तान दुश्मनगोळ्द द्याशगोळ दा तान दुष्कर्म इन कारण गलुस्यार; अदकि तान आप्प उन मुतीगोळ्द दुष्कर्म इन क्याल्सागोळ्द कारण भी आंदुर आंदुरदा घाई गलुसेदार.

40 “पर अगर आंदुर तान अदकि तान आप्प उन मुतीगोळ्द

दुष्कर्म इक मान्स कोंडार, कनिाव यहोवा अन्द वरूद्ध नळदेव,

⁴¹ ईदा कारण आव नाम्द वरूद्ध आगकु नामी दुश्मनगोळ्द द्याश दा तंदुन. अगर आ समय आऊन खतनारहति दलि दबुसीत अदकि आंदुर आ समय तान दुष्कर्म इन दण्ड इक अंगीकार माळ्यार;

⁴² आग जो वादा ना याकूब उन सांगुळ कटीदनि अदरी ना याद माळाईन, अदकि जो वादा ना इसहाक देल अदकि जो वादा ना अब्राहम देल कटीदुन अवरी भी याद माळाईन, अदकि आ द्याश इक भी ना याद माळाईन.

⁴³ लेकीन अद द्याश आंदुर बनिा सूना बदिक् ईत्तीत, अदकि अऊर बनिा सूना ईतकु भी तान आराम दनिगोळ इक मान्सतेला ईत्तान; अदकि आ लांकुर तान दुष्कर्म इक अंगीकार माळ्यार, ईदा कारण देल कि आंदुर नांद आग्यागोळ्द उल्लंघन माळीदुर, अदकि आंदुर आत्मागोळ इक नांद वधीगोळ देल घृणा ईरोद.

⁴⁴ ईदुर मा भी याग आंदुर तान दुश्मनगोळ द्याश दा ईत्तार, आग ना आंदरी ई परकार देल बळालीन, अदकि न आंदुर से हगि घृणा माळाईन कि आंदुर सर्वनाश माळ बुळुल अदकि तान आ वादा अक मूरु बुळाईन जो ना आंदुर से कटीदनि; यतकी ना आंदुर यहोवा परमेश्वर हुईन;

⁴⁵ लेकीन ना आंदुर भलाई इन साटी आंदुर आप्प उन मुतीगोळ देल कटकु वादा अक याद माळाईन, यारी ना दुसरा राज्य अन्द लांकुरद कण्णगोळ्द मुंद टु मसित् द्याश टु तेगुकु तंदीन कि ना आंदुर परमेश्वर ठहरूसाईन; ना यहोवा हुईन.”

⁴⁶ जो-जो वधीगोळ अदकि नियम अदकि व्यवस्था यहोवा तान दी टु इस्राएलीगोळ्द साटी सीनै पर्वत मा मूसा अन्द द्वारा ठहरूसकु ईरोद अव ईव अच हूँ.

27

प्रभु उन भेंट देल संबंधति नियम

1 बाक यहोवा मूसा से अंदुन,

2 “इस्राएलीगोळ से ईद अन कियोग यावारा वशेष मन्नत मानसुल, रा मन्नत माळद मंळसा नींद ठहरूसोद अनुसार यहोवा दोर आदार;

3 इदुरसाटी अगर आव ईप्पत वर्ष या अदुर से यक्कुल अदकि साठ वर्ष से कम ऊमर इन गंळस ईरूल, रा आऊन साटी पवत्तिर जागा अन्द शेकेल* इन अनुसार पचास शेकेल इन बेळ्ली नव तुकळागोळ ठहरूसुल.”

4 अगर आक आर्त ईरूल, रा तीस शेकेल ठहरूसुल.

5 बाक अगर आंदुर ऊमर अईद वर्ष या अदुर से यक्कुल अदकि ईप्पत वर्ष से कम इन ईरूल, रा पार उन साटी रा ईप्पत शेकेल, अदकि पोर इन साटी हत्त शेकेल ठहरूसुल.

6 अगर आंदुर ऊमर ऊंद तगिळ इन या अदुर से यक्कुल अदकि अईद वर्ष से कम इन ईरूल, रा पार उन साटी रा अईद शेकेल, अदकि पोर इन साटी मुर शेकेल ठहरूसुल.

7 बाक अगर आऊन ऊमर साठ वर्ष इन या अदुर से यक्कुल ईरूल, अदकि आव गंळस ईरूल रा आऊन साटी पन्द्रह शेकेल ठहरूसुल.

8 “लेकीन अगर यावारा ईट गरीब ईरूल कियोजक उन ठहरूसकु आग्याद दाम कोळ सकालुन, रा आव याजक उन मुंद नदिरूसकु आगुल, अदकि याजक आऊन पूजी ठहरूसुल, मतलब याट मन्नत माळावाळेर से आग सकुल, याजक आऊन दा अनुसार ठहरूसुल.”

9 “बाक या पशुगोळ दा टु लॉकुर यहोवा अक चढावा येरसतार, अगर हगिर दा टु यावारा मन्नत माळकु आगुल, रा जो पशु यावारा यहोवा अक कोळुल अद पवत्तिर ठहरूसीत.

10 आव अदरी यातोदु प्रकार देल ईला बदलुसुल, ईला रा अद बुरा अन्द बदला वळ्लींद, अदकि न वळ्लींद इन बदला बुरा

* 27:3 27:3 ऊंद शेकेल याने साढे हन्नेळ ग्राम बेळ्ली इन तुकळा

कोळुल; अदकि अगर आव आ पशु उन बदला दुसरा पशु कोळुल, रा आव अदकि आऊन बदला येदुदु पवतिर ठहरूसीत.

11 अदकि या पशुगोळ दा टु यहोवा अन्द साटी चढावा येरसालुर हगिर दा टु अगर अद ईरूल, आंदुर आऊक याजक उन मुंद नदिरूस बुळुल,

12 आग याजक पशु उन गुण-अवगुण येदुदु वचिर माळकु अदुर कमित ठहरूसुल; अदकि यास याजक ठहरूसुल अदुर कमित आट अच ठहरूसुल.

13 पर अगर मन्नत माळावाळा आऊक यातोदारा प्रकार देल बळिसोद चाहसुल, रा जो कमित याजक ठहरूसदुन अदुर दा आऊन अईदवा भाग मात्त यक्कुल वाळुसकु कोळुल.”

14 “बाक अगर यावारा तान मान्ना यहोवा अन्द साटी पवतिर ठहरूसकु मन्नत माळुल, रा याजक आऊन गुण-अवगुण येदुदु वचिर माळकु आऊन कमित ठहरूसुल; अदकि याट याजक ठहरूसुल आऊन कमित आट अच ईरूल.

15 अदकि अगर मान्नी इक पवतिर माळावाळा आऊक बळिसोद चाहसुल, रा यास पैस्या याजक आऊन कमित ठहरूसदुन अदुर दा आव अईदवा भाग मात्त यक्कुल वाळुसकु कोळुल, आग अद मान्ना आऊंद अच ईत्तीत.”

16 “बाक अगर यावारा तान खुद इन जागा अन्द यातोदारा भाग यहोवा अन्द साटी पवतिर ठहरूसोद चाहसुल, रा अदुर कमित इदुर अनुसार ठहरूसुल, कर् अदुर दा याट बीजा बदिदीत; याट भूमी दा होमेर† तीम जऊ बदिदीत आदुर दा कमित पचास शेकेल ठहरूसीत.

17 अगर आव तान केई आजादी प्राप्ति इन वर्ष टु उच पवतिर ठहरूसुल, रा अदुर कमित नींद ठहरावीन अनुसार ठहरूसुल;

18 अदकि अगर आव तान केई आजादी प्राप्ति इन वर्ष इन

† 27:16 27:16 पचास शेकेल

बाददा पवतिर ठहरूसुल, रा याट वर्ष दुसरा आजादी प्राप्ति इन वर्ष इक बाकी ईरूल अऊर दा अनुसार याजक आऊन साटी पैस्या अन्द हसिब माळुल, आग यास हसिब दा बरूल आटा याजक उन ठहरूसोर देल कम आगुल.

19 अदकि अगर केई इक पवतिर ठहरूसावाळा अदरी बळिसोद चाहसुल, रा जो कमित याजक ठहरूसदुन अदुर दा अद अईदवा भाग मात्त यक्कुल वाळुसकु कोळुल, आग केई आऊंदा ईत्तीत.

20 अदकि अगर आव केई इक बळिसोद ईला चाहस्यान, या आव अदरी दुसरा अन कय दा मारीदान, रा केई मुंद भी यागलु बळिसकु आगबाळुल;

21 लेकीन याग अद केई आजादी प्राप्ति इन वर्ष दा बळिसकु आगुल, आग पुरा रीती देल भेंट माळकु आत केई इन घाई यहोवा अन्द साटी पवतिर ठहरूसुल, मतलब अद याजक उन अच खुद इन जागा आगेगुल.”

22 बाक अगर यावारा तान कोंडकु केई, जो आऊन खुद इन भूमी इन केईगोळ दाकळोद ईरबाळुल, यहोवा अन्द साटी पवतिर ठहरूसुल,

23 रा याजक आजादी प्राप्ति इन वर्ष ताका हसिब माळकु आ मंळसा अन्द साटी यास ठहरूसदुन आट अच आव यहोवा अन्द साटी पवतिर जान्सकु अदा दशिी कोटबुळुल.

24 आजादी प्राप्ति इन वर्ष दा अद केई आऊंदा अधकार दा याऊन से अद कोंडकु आग्याद बाक होट्ट बरूल, मतलब याऊन अद खुद इन जागा ईरूल आऊंदा बाक आगेगुल.

25 या-या वस्तु उन कमित याजक ठहरूसदुन अदुर कमित पवतिर जागा अन्द शेकेल इन हसिब देल ठहरूसुल: शेकेल ईप्पत गेरा‡ अन्द ठहरूसुल.

26 “लेकीन मान्नागोळ पशुगोळ दा टु पयला पाड्डा, जो

‡ 27:25 27:25 ऊंद गेरा यानी हन्नेळ ग्राम

पयला पैदा आगोद कारण यहोवा अन्द ठहरूसकु आन, अदरी यावारा पवतिर ठहरूसबाळुल; चाहे अद पाड्डा ईरूल, चाहे म्यांडा या मर्री इन पाड्डा, अद यहोवा अन्द अच हुंद.

27 लेकीन अगर अद अशुद्ध पशु उन आगुल, रा आऊन पवतिर ठहरूसावाळा अदरी याजक उन ठहरूसकु आग्याद कमित इन अनुसार अदुर अईदवा भाग मात्त वाळुसकु बळिस सकतान; अदकि अगर अद बळिसकु आगीदलि, रा याजक उन ठहरूसकु कमित मा मारकु आगुल.

28 “लेकीन तान पुरा वस्तुगोळ दा टु जो येनारा यावारा यहोवा अन्द साटी अर्पण माळुल, चाहे मंळसा आगुल चाहे पशु, चाहे आऊन खुद इन केई आगुल, हगि यातोदारा अर्पण माळ्द वस्तु मारकु आगबाळुल न बळिसकु आगुल; जो येनारा अर्पण माळकु आगुल अद यहोवा अन्द साटी भेंट पवतिर ठहरूसुल.

29 मंळसागोळ दा टु जो यावारा मृत्यु दण्ड इन साटी अर्पण माळकु आदुन, आऊक बळिसकु आगबाळुल; अवश्य आद आव कोंदकु आगुल.

30 “बाक जागा अन्द उपज इन पुरा दशमांश, चाहे अद जागा अन्द बीजा आगुल चाहे मारर इन काय, ईव यहोवा अन्द हूँ; अद यहोवा अन्द साटी पवतिर ठहरूसुल.

31 अगर यावारा तान दशमांश दा टु येनारा वापस ताकोमोद चाहसुल, रा अईदवा भाग वाळुसकु अदरी बळिसुल.

32 अदकि गोसी-वसता अदकि म्यांडा-मररगोळ, मतलब जो-जो पशु आळोर साटी कोल इन ल्यालमा टु होट्टबुळावाळेर आव अऊर दशमांश, मतलब हत्त-हत्त पशुगोळ दा टु ऊंद-ऊंद पशु यहोवा अन्द साटी पवतिर ठहरूसुल.

33 यावारा अऊरव गुण-अवगुण वचारि माळबाळुल, अदकि न अवरी बदलुसुल; अगर यावारा अवरी बदलुस भी कोंडुन, रा आव अदकि आऊन बदला येद्धु पवतिर ठहरूसुल; अदकि अव यागलु

बल्लिस्कु आगवाळुल.”

³⁴जो आग्यागोळी यहोवा इस्राएलीगोळ साटी सीनै पर्वत
मा मूसा अक कोटीदुन, अव ईव अच हूँ.

परमेश्वर उन वचन

The Holy Bible in the Holiya language of India: परमेश्वर उन खा वचन

copyright © 2020 The Word for the World International

Language: Gohllaru (Holiya)

Contributor: The Word for the World International

परमेश्वर उन वचन

हाळोद नयिम, 2025

The Old Testament Books in Holiya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-11

PDF generated using Haiola and XeLaTeX on 10 Jul 2025 from source files dated 11 Jul 2025

3943f9d0-5b35-54ad-8e8f-1b7bf74924c6